



TE  
X  
ED















xi  
R R  
d  
24

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

STRAUSS, L.



65823/A

XI,



XI

LAURENTII STRAUSSII  
Med. D. & PP.  
EXERCITATIONES  
MEDICÆ,  
AD  
*Viri Celeberr.*

DN. D. GREGORII HORSTII,  
Med. quondam in almâ LUDOVICIANA Profess.  
Primarii, & Archiatri Hassiaci Compend. Inst.  
Medic. accommodatæ.

G I S S Æ.

---

Ex Officinâ Hampelianâ. clō hōc LXX.



ROYAL MEDICAL SOCIETY OF LONDON



No.  
JOHN  
PH  
DI  
gn  
no  
Fi  
Dom



mi inc





VIR O

*Nobilissimo, Amplissimo, atq; Expertissimo*

DOMINO

JOH. DANIEL. HORSTIO,

Phil. & Med. Doctori Excellentissimo,  
Diverforum S. R. I. Principum ac Ma-  
gnatum Consiliario & Archiatro, nec  
non Collegii Medici Francofurtensis Se-  
niori Gravissimo, Meritissimo,

*Domino Socero suo omni pietatis  
ac honoris cultu atatem Vene-  
rando,*

Perennem ευδαιμονίαν P.

*Laurentius Straußius.*



UM ingenui sit, fateri, per  
quos profeceris, non pot-  
erit non esse ingrati ani-  
mi indicium, eorum, quibus maxi-  
mam

## DEDICATIO.

mam profectuum partem debemus, nomen ac in eos merita indigno silentio involvere. Ego, quem admodum non tam inanis gloriæ, quàm discendi desiderio flagravisse semper, atq; etiam nunc flagro, ita nullâ æq; re delector, quàm si publico ostendere testimonio liceat, quantum Præceptoribus ac Fautoribus meis debeam. Quamvis enim eô ipsô, quod ex alieno ære exire nondum valuerim, rubore potius suffundi deberet facies, animusq; tristiori istiusmodi recordatione graviter percelli; tales tamen Creditores meos hætenus expertus sum, ut non tam ipsam solutionem desiderare, quàm in meâ solvendi voluntate penitùs conquiescere



## DEDICATIO.

escere videantur. Hos inter nisi  
Te, Dn. Socer pl. venerande, præ-  
cipuô ponerem loco, næ! ineptus  
Tui in me adfectus, ac benevolen-  
tiæ æstimator jure meritô viderer.  
Verûm uti longè alius mihi est ani-  
mus, ita quoque abripi me sentio in  
tuas laudes, monerique, ut tot ani-  
mi tui erga me optimè animati testi-  
monia fusiùs deprædicem: suffla-  
minat tamen scripturientis cala-  
mum, quòd ignorare non possum,  
ædiosam potius tibi sic fore episto-  
lam, quippe cui non tam laudari,  
quàm benefacere, volupe esse con-  
uevit. Accedit quod, quæ ego di-  
cere porrò possem, jamdudum illis,  
qui in Medicæ Artis, celebrisque  
Famæ Palæstrâ sese exercuerunt,

) ( 3 tam



# DEDICATIO.

tàm perspecta sint, & cognita, ut  
non solùm conatu ad me minimè  
pertinente actum agerè, sed intem-  
pestivâ quoq; arrogantia, æque ac  
tenui oratione, argumenti hujus  
dignitatem non parùm detererem..  
Quare hoc mihi jam unicè agere  
animus est, ut, non in ingrati sinu  
tot beneficia Te infudisse, aliquan-  
tis per intelligas. Ausus itaque sum  
Nomini Tui hasce *Exercitationes*  
meas inscribere, & veluti grata  
mentis tabulas Tibi in Memoria  
Templo suspendere: non quòd  
illæ istum adeò mereantur locum  
quas arrosos minimè ungues fa-  
pere, nō tàm Suffenus mihi sum, ut  
non videam; sed quòd nemini æquum  
ac Tibi, *Socer Optime*, eas debe-  
re.

# DEDICATIO.

existimem. Sunt enim veluti quidam fructus, quos ex eruditissimis Magni Parentis Tui, Viri de Re Medicâ optimè meriti, monumentis maximam partem pro ingenioli mei modulo collegi, quosque nunc Tibi obfero, ut, sicubi per negotia Tua gravissima, & vel solâ assiduitate molestissima, quandoq; licuerit, delibare eos, ac judicare digneris, num maturos satis, & qui salivam movere queant, decerpserim. Gratulabor mihi, si, quæ passim, instituti ratione sic requirente, non tam industriâ aliquâ elaboravi, quàm potius ex calamo effluere passus sum, Tibi haut planè improbari intellexero; eritque mihi instar stimuli solidiora, οὐδ' ἔγω,




# DEDICATIO.

in lucem edendi, si non omni me  
 conatu excidisse, Tua sententia, cui  
 omnia subjicio, pronuntiârit.  
 Quod restat, DEUM T. O. M. sup-  
 plex veneror, Te, *Socer* parentis in-  
 star devenerande, diutissimè *καὶ*  
*παύσει* incolumem servare velit, ut  
 dum tot Principibus es à Consiliis,,  
 tot ægris felicem navas operam,,  
 ipsemet animo & corpore valeas,,  
 & quam Tibi ex animo apprecor  
 aquilæ senectam, vivendo prorsus  
 ex sententia attingas. Dab. Giessæ  
 Prid. Id. Septembr. Anno *ἡμετέρας*  
*αἰῶνος* LXX.

BENE.





# BENEVOLO LECTORI

S. P. D.

**V**erum equidem est, quod Hippocr. lib. de decent. ornatu scribit: ποτὶ αὐτὸν δὲ εἰς συλλογισμῶν, ἀλλὰ βοηθεῖς δέσται τῶν πραγμάτων; unde etiam Celsus in præfat.

Itaq; ingenium, inquit, & facundiam vincere, morbos autem non elequentia, sed remediis curari, quæ si quis elinguis usu discreta benè nòrit, hunc aliquando majorem medicum futurum, quàm si, sine usu, linguam suam excoluerit: *Ægrotus enim non eloquentem medicum, sed curare scientem quarit. Verùm enim verò malè quidam mutam propterea Artem Medicam à Virgilio dictam autumant, quasi Medicus eloquentiâ uti non deberet, cùm potius Poëta taciturnitatem Medico commendare voluisse videatur, ut, quæ in vulgus nota esse*

)( 5 minus

## PRÆFAT. AD LECT.

minus convenit, aut ab agro ipsi concreduntur, sacro silentio premat. Sic etiam Medicina parentem Hippocratem, quando tùm in modo citato textu, tùm alibi Βεβηλολογίῳ inculcat, non nisi garrulitatem in Medico reprehendere, manifestò esse indicio potest, quod ipse in eodem libro, ad tacendum obfirmato quidem animo, interim tamen εὐεπιν ῥωμῶν esse, atque suaviloquentiâ uti Medicum jubeat. Quare tantùm abest, ut eos culpem, qui, elinguem sapientiam aversantes, maturè simul operam dant, ut πρὸς λόγους ἀνυσί, expediti ad sermones, καὶ εὐπετοὶ πρὸς τὰς ἀποκρίσεις erudant, ut potius omni laude dignos existimem. Ut enim jam non dicam, quantâ cum elegantia, quantâq; cum utilitate hoc conjunctum sit, si quis, ad Medicam admissus consultationem, erudita facundia, quæ in rem agri facere videntur, proferre sciat, quis est, quæso, qui inficias ire ausit, Medicum illum, qui si ve immorigero, si ve minus confidenti agro optimis & efficacibus rationibus, tempestivâ sermonis suavitate necessariam curationi obedientiam persuadere novit, omne punctum non ferre? Plura quidem ad propositum hoc dici possent, sed, cum res ipsa satis loquatur, quidquid additur



PRÆFAT. AD LECT.

ditur, superfluum esse videtur. Quæ cum ita habeant, felices meritò illi judicantur, qui Medicina Sacris initiati illud πολυθρύλητον : Loquere, ut te videam ! subinde sub pectore volvunt. Quamvis autem præcipua subsidia ex Rhetorum Scholis petenda videantur, plurimum tamen Collationes illas litterarias, quas Disputationes vocamus, hic conferre, omninò persuasum habeo. Nonne enim hæc illa ipsa Palestra est, ubi animi sensa præsentis animo proferre, frequenti exercitatione assuefimus, & argumentorum pondus expedientes veritatis in viam jucunda methodo deducimur ? Equidem esse novimus, quibus Collegia Disputatoria non valde arrident, neq; desunt rationes, quæ horum sententia egregiè favere videntur. Nam quis non averteretur illas de lana caprina altercationes; illas, uti Hippocrates loquitur, μηδὲν ἐς ἄλγεα πηλίκως διαλέξιας, ubi in Quæstionibus, ut Galenus vocat, Logicis decidendis plurimum temporis insumitur, vel, ut verius dicam, perditur ? Parum, fateor, quod ad artem exercendam faciat, hinc elicere dabitur. Neq; vero melius negotium procedet, ubi crudus adhuc Præses morosis cum adversariis ad raucedinem usq; contendit,

## PRÆFAT. AD LECT.

ὁ δὲ ἐκ τῶν ἀνθρώπων ἀνθρώπων; graculos quidem ex  
 istiusmodi nido, minimè vero philomelas, proveni-  
 re crediderim. Et res ipsa loquitur, tales plerumq;  
 ex eiusmodi arena prodire, quos non ineptè con-  
 feras cum Damonibus illis Empedocleis, qui totum  
 per mundum vagati, nondum tamen quò consiste-  
 rent, invenire potuerunt. Absit vero ut de  
 omnibus hoc dicatur Collegiis Disputatoriis, siqui-  
 dem ipsa, quæ ex quàm multis promanat singularis  
 utilitas, aliter ut sentiamus, suadet. Nimirum ve-  
 rum esse deprehendimus, quod Scaliger innuit,  
 quando amicis altercationibus magis, quam tacitis  
 meditationibus nos proficere scribit. Quemadmo-  
 dum enim lapidum ex collisione ignis, ita quoq; ex  
 disceptationibus elicitur veritas, dumq; problema  
 aliquod concinnè proponitur, & decenter ventila-  
 tur, illud assequimur, ut utile dulci misceamus, h. e.  
 elegantem dicendi promtitudinem nob. compa-  
 remus, atq; ad diversarum rerum scopum nostrum  
 respicientium veritatem propiùs admittamur.  
 Quò exercitii genere in Palæstra quoq; Medicâ  
 vix dari utilius posse, illi demum experiuntur, qui  
 jam Praxi Medicæ incumbentes ad utrumq; parati,  
 eiusmodi Disceptationibus plurimum se debere, et-

iam



## PRÆFAT. AD LECT.

iam nunc fateri coguntur. Hoc probè considerârunt Præstantissimi quidam Medicæ Artis Cultores, Auditores mei per dilecti, (quorum numerum ille Musarum exprimit, nomina vero seq. pagina exhibet) hinc etiam quatuor ante menses, ut Collegio illis Disputatorio gratificarer, à me petierunt; excitatus horum studio, illicò annui, huncque in finem Viri Celeberr. & de Re Medicâ optimè meriti, D.D. Gregorii Horstii, Εμμελίου, Medicinæ quondam hac in LUDOVICIANA Professoris Primarii, & Archiatri Hassiaci, postea quoq; Collegii Medici, quod Ulmæ est, Directoris felicissimi, Compendium Institutionum Medicarum, ob insignem, qua singula proponit, facilitatem, tumq; etiam solida, ipsiq; ex fontibus desumpta fundamenta commendavi non solum, sed etiam explicui, singulisq; Disputationibus, ut ulteriorem in Recentiorum quoq; placita inquirendi occasionem præberem, Theses aliquot, veluti superpondium adjeci; hinc nata nobis sunt, quas Tibi B.L. offero Exercitationes. At levidensem, dices, opellam, vixq; hoc nomine dignam, offers, neq; tam prolixa in hasce Theses præfatione opus fuerat. Ita est, fateor; & siluisssem etiam, nisi studium atq; dili-

# PRÆFAT. AD ELECT.

diligentia, quam prælaudati Philatri in hoc studio  
 prorsus singularem præstiterunt, publicum aliquod  
 testimonium à me exigere visa fuissent; unde et-  
 iam in cujusque commendationem hæc præfari,  
 æquitatis esse duxi: quod reliquum est, illorum ad-  
 implebit virtus, quam sui ipsius præmium esse,  
 omnes boni experiuntur. Tu interim, L. B. no-  
 strum inserviendi studium, æquè ac errata Typo-  
 graphica, (quorum en ! præcipua quædam: Pag 27.lin.  
 18. leg. πρὸς τιν. p. 29.l. 4.l. ejusq; famæ. p. 31.l. 6.l. τέτς :  
 ἡ &c. ἀπέν. p. 35.l. 5. leg. μῆρ. p. 40.l. 12. leg. δευτεροπαθικῶ.  
 l. 17. l. συμπαιγν. p. 41.l. 9. dele. verd. p. 42.l. 2 l. ἀνθρῶπι.  
 p. 61. l. ult. l. per amplum, p. 70. lin. 11. l. μετὰ τιν. p. 98. l. 21.  
 l. reciprocum. p. 104. l. 22. l. famæ. p. 118. l. 21. l. experien-  
 tiæ apertè &c. p. 132. l. 17. l. tamen timidè &c. p. 135. l. 7. l. fo-  
 vere. p. 143. l. 21. l. Ἐκ τοῦ πρῶτου. p. 155. l. 10. l. qui rejectis &c.  
 p. 157. l. 3. l. ἰπποκρίσι. p. 160. 21. l. superiare.) pro tuo can-  
 dore excusabis, persuasum habens, hæc & πρὸς βλα-  
 βην, & πρὸς ἀπόδειξιν, ἀλλὰ πρὸς ὠφέλειαν ἑτέρων,  
 in usum aliorum, ut Seneca loquitur, non  
 autem præconium nostrum scripta  
 esse. Vale.

SEQUUN-





SEQUUNTUR  
NOMINA

Prestantissimorum Dnn. Studio-  
sorum, qui respondentium officio  
functi fuerunt.

Henricus Jacobi, Hildesienſis,  
EXERC. I. VIII. XVII.

Justus Fridericus Dillenius, Darm-  
ſtatinus, EXERC. II. IX. XIIX.

Godofredus Händel / Hallâ Saxo.  
EXERC. IV. X. XIX.

Henricus Schmidt / Giessenſis.  
EXERC. III. XI. XX.

Joh. Christoph. Hert / Nidereleen-  
ſis, EXERC. V. XII.

Wene-

Wenemarus Elberus, Vesaliâ-Clin-  
viacus, EXER. VII. XIII.

Joh. Philippus Lapin, Grunbergâ-  
Hassus, EXERC. VI. XIV.

Georgius Henricus Vertriesius,  
Gieffensis, EXERC. XV.

Georg. Philippus Müller / Gieffsâ-  
Hassus, EXERC. XVI.

EXER-





## EXERCITATIO I.

DE

### MEDICINA IN GENERE.

I. **M**EDICINA, singulare DE I T. O. M. donum, nomen à *medendo* potiùs, quàm à *medio*, vel *modò*, aut *medicamentis* accepisse videtur; id quod cum aliis artibus commune habet, quæ pariter ab actionibus quas exercent, nomen & appellationem suam sortiuntur.

II. Equidem propriè loquendo, soli parti *θεραπευτική* Medicinæ vox competit, utpote quæ sola mederi, h. e. morbos depellere docet; Usus tamen, penes quem & lex & norma loquendi est, obtinuit, ut nomen partis toti Arti attribueretur. Neque id quidem malè, quandoquidem pars *θεραπευτική* amplissima cùm sit, ab hac, tanquam potiori, meritò totius Artis fit denominatio. adde quod pleraque ferè, quæ in Arte traduntur, ad benè medendum dirigantur.

A

Medi-

III. Medicinæ definitio ab Autore tradita neque imperfecta est, siquidem satis explicata qualis ars sit Medicina; neque falsa, etiamsi in definitione finis aliquâ opus sit distinctione.

IV. Artem verò esse Medicinam, (artem vocabulo tam generaliter, quam specialiter accepto) præter autoritatem *Hippocr. 1. aphorism. §. 1. Galen. in Introduct. c. 5. Arist. 1. 6. Ethic. c. 4. & aliorum*, multis probari rationibus potest. Habet enim præceptiones ratione & experienciâ inventas & confirmatas, sibi quæque invicem consentientes, atque ad hujus vitæ commoditatem maximè spectantes. Præterea quoque habitus est mentis, qui opus aliquod in alio, idque cum ratione verâ rectâque, efficiat.

V. Unde illis subscribere haut possumus, qui in definienda Medicina generis loco Scientiam ponunt, nisi latè accipiant, quod & *Galenus in purgatorij. c. 2.* concedit. Satis itaque cautè Autor scientiam νοῦς, sive latè dictam admittit; neque alii, qui quovis modo scientiam inculcant, graviter peccant, cum receptis simâ distinctione hîc utantur.

VI. Gravius verò illos errare arbitramur, qui partim Scientiam, (id est dictam) partim vero Artem



*Artem* esse Medicinam contendunt, cum vel sola Finis, à quo disciplinarum distinctio petenda venit, accuratior consideratio ita sentientes refutet.

VII. Artium verò censui dum annumeramus Medicinam, absit ut tam sordidi simus, ut cum nonnullis eam pro sordidâ & illiberali habeamus; quin potius *Hippocrati* subscribentes, *πασέων τεχνέων ἐπιφανέσθην* audacter statuiamus.

VIII. Neque sacrae Artis præstantiam tollit, quod finem suum non semper assequatur, vel si assequatur, non tam Arti, quam Naturæ is debeat, cum *πάντων φύσις ἰσχυρὰ* ab ipso *Hippocr. 6. Epid. Com. 5. tx. 1.* pronuncientur: prius enim quod attinet, cum ipsâ hoc Politicâ, Gubernatoriâ Navis, aliisque, quas Rhetoricæ & Medicinæ similes *δυναμεις* *Aristoteles* vocat, commune habet, hinc & medicus rectè *opportunus* dicitur, posterius vero cum grano salis accipiendum est, ut suum cuique tribuatur, quâ de re egregiè *Galenus de Constitut. Artis* c. 12.

IX Molesti igitur potiùs quàm accurati sunt, qui *Artem* nostram merè *σοφιστικήν* esse sub-

inde urgent & objiciunt, confundentes quemvis è plebe *σχασμὸν*, cum eò, quem prudentia medica suggerit, & qualietiam Politicus, Duobelli, orator, aliique utuntur. Benè *Galenus l. 2 κατὰ τόπ. I.* Adeptâ cognitione morborum & curationem succedere ex indicationibus, inquit, & *σχαστικῶς*, ἀλλ' ἐπιστημονικῶς.

X. Subjectum Artis Medicæ Corpus Humanum statuimus, cum in ejus consideratione omnes Medicinæ partes potissimum versentur, neque nos movent acribologiæ, & rationes quas illi, qui *corpus vivens* substituere amant, afferre solent. Pariter & ab iis nos separamus, qui, quod ferè eò recidit, *omne sanabile* pro subiecto Medicinæ obtrudunt, quandoquidem hîc non attendimus subjectum universale, sed particulare, cujus necessitati omnes artes famulantur.

XI. Qui verò, præter humanum corpus, multas res alias, de quibus in Medicina tractatur, pro subiecto artis agnoscunt, nisi inter subiectum *contemplationis* & *reductionis* probè distinguant, nihil quod calculum album mereatur, afferunt.

XII. Cum verò Subjectum Medicinæ præ



## DE MEDICINA IN GENERE

5

præ reliquarum artium subjectis, hoc habeat  
peculiare, ut non merè patiat, ac obsequium  
præstet, sed unà cooperetur, adeò ut & hujus  
intuitu, nonnulli, licet nihil opis Medicus con-  
ferat, sponte convalescant; suâ quod dicitur,  
luce radiat, eos, qui naturam subjecti cognitam  
non habent, hostes potius, quàm ministros &  
imitatores naturæ esse, qui in genus humanum  
si non planè sæviunt, saltem, quod ille de  
amicitiis vitreis ait, intempestivâ suâ humani-  
tate, & importunâ funestorum consiliorum  
promittitudine miseros ægrotantes quàm offi-  
ciosissimè occidunt.

XIII. Quando vero non tàm hominem,  
quàm potius humanum corpus, subjectum, at-  
que rem consideratam hic esse perhibemus, id  
non quovis modo, sed quatenus *sanabile* est,  
intelligi volumus: hinc non malè *Autor; Medi-*  
*cus*, inquit, *ijs affectibus, qui insanabiles judican-*  
*tur manum admoveere non debet, EO FINE, VT*  
*CVRET.* Medicus enim *συμπράττει τῇ φύσει*; sed  
nec ipsa Natura aggreditur *τὸ ἀδύνατον*, teste  
*Arist. 6. physic. 29.* Et sic *ἡ τέχνη μιμεῖται τὴν φύσιν,*  
*2. auscult. Natur. 2.*

XIV. Suppeditat itaque τὸ *Sanabile* con-  
fide-

siderandi modum, Artisque formam Medicinam constituit. Qui vero medicum non solum considerare sanabile, sed etiam sanum, hæcque duo differre urgent, cum sanabile potentiam, sanum vero actum dicat, nobis otiosè arguta videntur.

XV. Finem Medicinæ ultimum Sanitatem esse, ipse scribit *Philosoph. Ethic. I.* neque sibi contrariatur, quando *I. Rhetoric. ad Theodictum*, Medicinæ esse, scribit, non sanitatem inducere, sed ad hoc perducere, ad quod possibile est &c. Cum hoc locò non tam de fine Medicinæ, quàm potius de Medici officio, loquatur.

XVI. Sanitatem hîc intelligimus, faciendam per Medicationem; h. e. conservandam in sanis, redintegrandam verò in ægris. Nec propterea, nisi unus reverâ finis est, quam diu enim quis vivit, semper aliquid est sani licet æger sit. Et ita explicari debet, amissæ sanitatis quoties apud alios occurrit mentio. Duplicem autem facimus finem, respectu formæ, et materiae, ut sit discriminis, quod sanum inter & ægrum intercedit, atque inter Medici officia, quæ uterque ille exigit.

XVII. G



XVII. *Galenus*, dum *vita Custodiam*, Medicinæ finem, *9. M. M. 10.* ponit excusari potest; quicquid enim sanitatem, tanquam scopum, sibi propositum habet, id etiam consecutivè vitæ custodiam sibi præfixit, quandoquidem sanitas à vitâ separari nequit. At, qui *pulchritudinem*, impropriissimè loquuntur.

XVIII. Plures equidem dari Medicinæ partes, præter quinque illas, in quas Autor Medicinam dispescit, non negamus; hoc tamen quo minus laudabilis & perfecta hæc audiatur divisio, minimè obstare censemus, Eos vero qui cum Avicennâ in Theoreticam & Practicam dividunt partem, minus quidem accuratè loqui arbitramur, cum in ipso Avicennæ placito, unde hæc divisio prodiit, multa desiderari possint, ipsumque adeo fundamentum lubricum planè existat.

XIX. Novam medicamentorum præparationem novæ Artis medicæ Sectæ instituentem sufficere qui censent, non magis nos habent *ἡμολύφης*, quàm illi, qui nullâ ratione humanâ Artem acquiri medicam posse, sed solummodo à DEO inspirari, cum Paracelso inaniter jactant.

XX. Artem medicam, quam non sine ratione

ratione *Hippocrates* longam, dixit, longiore reddere videntur, qui, quod *Lucretius* de *Herculito*, clari ob obscuram linguam magis inutiles inanes, quam Grajos qui vera requirunt, efficiunt volunt. Valent equidem verba ut nummi. Sed cum vita brevis sit, cui bono significantium rerum vocabula respuuntur, ut barbara & obscura addiscantur?

XXI. Inter Recentiorum inventa & polita, ea præprimis placent, quorum usus in præfese manifestè commendat; hic n. nisi ultima veluti manum illis addat, accidit, ut, sicuti quæstiunculae illæ spinosæ, si nimium tractes, plerumque pungunt, quàm demulcent, ita novitas hæc, in geniosa quasi, turbet potius Philiatorum ingenua, quàm ut juvet.

XXII. Medici officium est, ut tutò, celeriter, & jucundè curet. Huic satisfaciet, ubi ultro sphaeram suam, artis fiduciâ, se extolli haut poterit, sed piâ potius mente voluet: Neque enim solum esse aliquid, qui remedia invenit, & excogitat, neque illum, qui usurpat; sed omnino DEUM, auxiliis à se creatis & huic fini destinatis benedicendo, unice perficere: quare

*Hujus opem Medicus curans imploret, & agat  
Sic Natura suas, Arsq; probabit opes.*



EXERCITATIO II.

DE

ELEMENTIS AC TEMPERAMENTIS.

I. **C**UM artis medicæ materia, uti habet, *Galen. Comm. I. aph. I.* non sint lutum, lateres, ligna, lapides, tegulæ, coria, in quibus multis modis, citra cuiusquam offensionem, quid possis, experiri licet, sed corpus humanum, non superficialia saltem, quæ in plerisque aliis artibus sufficit, sed accurata subjecti requiritur cognitio.

II. Hinc *Autor* non sine causâ hujus considerationem altius repetit, ipsisque ab Elementis Medicæ artis veluti elementa mutuatur. Medicus enim qui scit τὰ ὁικῆια τῶν τεχνῶν ἐκείνης θεωρήματα τὸ τέλος ὀρίζειν ἢ κρίνειν, uti scribit *ad Thrasylbul. Galenus c. 28.* non aliam ob causam in hominis naturam inquirat, quàm ut còrectius artem suam instituere possit.

III. Melius autem instituere haut poterit quàm si ipsius subjecti medici principia sibi  
B pro.

probè cognita reddiderit. Tantum abest, ut Elementis in Medicinâ quæ proponuntur frustra sint. Neque hanc solummodo præstat utilitatem Elementorum in arte nostræ consideratio, accedunt & aliæ. Sic enim difficilis æquè ac necessaria de Temperamentis tum generalis tum specialis doctrina, quatenus sic ad humores, partes, spiritus, cibos, potus, ac medicamenta applicatur, plenius faciliusque percipitur. Quin & ipsa sanitas & ægrotudo parum, ut vocant, similarium, perceptâ elementorum natura & conditione, longè melius intelligitur.

IV. Differt tamen medica elementorum consideratio à Physicâ, & in *materia*, & in *Formâ*, & in *Fine*. Tota enim hæc tractatio Humanæ Corporis constitutionem restringitur; neque tam prolixè tamque specialiter, in physicis fit contemplationibus, de elementis hîc differitur, sed talis tantum instituitur contemplatio, quæ ad subjecti cognitionem, ad finem, qui *πονηρὸς* effectivus est, consequendum sufficere potest. Quod & Autor innuendum inter *absolutam* & *respectivam* elementorum considerationem distinguit.

Scr



V. Scribit autem *Galenus l. 1. de Element.*

*c. 1.* elementum esse minimam rei, quam constituit, portionem; vel, ut *idem l. d. de placit. Hippocr. & Platon. c. 2.* loquitur, minimam partem ejus rei, cujus elementum existit. Cui cum *Autore* subscribimus, quandoquidem per *τὸ* minimum nihil aliud intelligitur, quàm primum & naturâ simplicissimum, in quod alia dividuntur, ipsum autem in ea, quæ specie differunt, dividi non potest. Ut ita, quoad sensum, cum Aristotelicâ definitione elementi, quæ *l. 3. de ælo c. 3.* extat, Pergamenus noster planè concordet.

VI. De Elementorum Numero Physicorum tot ferè sententiæ, quot capita sunt; sed Medicus hîc cogitet illud Comici: *Ne quid nimis!* Unicum non esse tantum elementum, satis accuratè & efficaciter probat *Hippocr. lib. de Natur. hom. & propterea etiam à Galeno l. 1. de element. c. 2.* valdè celebratur. Neque vero infinita esse posse, mixta corpora finita apertè docent. Quaternario nos, cum *Autore*, subscribimus numero, moti argumentis, quibus tum *Hippocr. d. 1.* tum *Galenus l. 1. de element. c. 15.* utuntur.

VII. Quibus vero placet, repudiatis elementis, (quæ *Cous* sæpè per *calidum*, *frigidum* &c. innuere consuevit) ad *sal*, *sulphur*, & *mercurium* confugere, illos sinimus suo abundanti sensu: cum plerumq; non tam re, quàm verbis veterum à doctrinâ distent: interim nostra sententia est, non tam principia esse, quàm principia, utpote in quibus elementa ipsa dominatum suum habent, & quorum destructio in elementa definit.

VIII. Temperamentum sunt qui substantiam esse, vel saltem ex substantiis derivant contendunt, sed accidens potius, & quidem qualitatem esse, ex mutuâ qualitatum primarum actione & passione ortam, solidior ratio evincit. Anima (medica) aliis dicitur Temperamentum ad imitationem Galeni, sed præstat ab hoc loquendi modo abstinere, ut ut *τέρας* *ἐμψύχου* excusari posse videatur.

IX. In homine, cujus gratiâ hæc præcipuè dicuntur, merito dubitatur; an detur Temperamentum ad pondus? cum ne quidem in rerum dari naturâ videatur; tantum abest, ut quis perfectissimas ab eò operationes expectet. Interim in doctrinâ de Temperamentis locum inven-



invenit quoque, ut Temperamentum ad justitiam rectius intelligatur.

X. Cæterum *duplex* in homine temperamentum occurrit, *unum* quâ corpus ex elementis simpliciter mixtum habet, *alterum* quâ *est vivens*. ubi se iterum magna sistit temperamentorum varietas, quæ partim à *causis* tam *constituentibus*, quàm *commutantibus*, ut *sanguine*, & *partibus principalioribus*, illisque vel *internis*, rùm *immediatis*, tùm *mediatis*, vel *externis*, ut ab *influxu astrorum*, rebus vulgò dictis *non naturalibus*, *Sexu*, *Ætate*, *Regione*, *vita genere* &c. quorum omnium consideratio eò accuratior esse debet, quò maiorem in foro pratico utilitatem secum affert.

XI. Calor qui ad temperamentum animalium refertur, alius ut *insitus*, alius ut *influentis* considerari solet; Ille origo vitæ, seu immediatum ipsius animæ organum est, quò ad functiones naturales exercendas utitur: Illius vero fons & suscitabulum in animali cor est, quod ipsum sui motu, qui ab insita s. innata facultate perficitur, per se incalescit, & veluti factâ quadam fermentatione sanguini calorem communicat, qui quòd unâ cum sanguine per

arterias in totius animalis œconomix recessu dimanet, influens vocari suevit.

XII. Respectu exactissimæ, quæ generi humano convenit, temperiei, alia eodem in genere *calida* est, alia *frigida*, alia *humida*, alia *sicca*. Cum vero raro aliqua temperies simplex existat, pro diversitate qualitatum elementarium prædominantium alia *igneæ*, *aqueæ* alia &c. dicitur; imo per analogiam ab humoribus qui corpori inesse deprehenduntur, vocatur temperies vel *sanguinea*, vel *biliosa*, vel *pituitosa* vel *melancholica*.

XIII. A Planetis verò quæ denominantur temperies, à nobis equidem non rejiciuntur, cum hæc inferiora à coelo variè mutantur, certum sit, totque planetarum & animalium cum peculiaribus astris consensus, ac insignes illæ in corpore humano, pro variis siderum aspectibus, mutationes id evidenter satis doceant; Verum sano omnia sensu accipi debere nec tam ad vulgarem de Temperamento doctrinam tollendam, quàm potius eam explicandam, specialiusque determinandam, talia producenda censemus.

XIV. Ætates temperie potius, quàm annos



annorum spatio, definiendas esse, exinde pater, quod non tam ab hoc, quam ab illâ dependeant.

XV. Benè *Hippocr. de Diet.* Quò unumquodque generationi viciniùs est, eò humidius & calidius est. Id quod de temperie illa iustâ, quæ homini debetur, intelligi debet. Cur ergo primis annis non robustissimi & prudentissimi sumus? Obstat humiditas materiæ: robori quidem illa, quæ in ossibus ac musculis, prudentiæ autem illa præsertim, quæ in cerebro est.

XVI. Humiditate sensim absumtâ, idque beneficio calidorum elementorum, ex necessitate quoque aliquid humoris illius, quem calor natus pro subjecto habet, absumitur, fitque ex miti & vaporoso, acris & fumosus, ( *ἐνυμνω* vocat Hippocrat. ) atque hinc differentia illa caloris, in pueris & adolescentibus, fluit, quâ de fusè *Galen. Comm. 1. aphor. 14.*

XVII. In uno eodemque individuo, pro anni partium varietate, temperamentum diversimodè constituitur: vere enim sanguis; æstate bilis; Autumno Melancholia; & Hyeme pituita dominatur; quæ consideratio non leve in praxi pondus habet.

Pari-

XVIII. Pariter & singularum C. H. partium temperamentum nosse, magnum in conservandâ sanitate æque ac curandis morbis momentum obtinet. Quò pertinet & ἰδιοσυγκρασίᾳ subjecti, cuius exactam cognitionem, utpote difficilimam, non nisi Æsculapio Galen. 3. m. m. 7. Apolliniq̃ue concedi scribit.

XIX. Totius quidem corporis Temperies, si *absolutè* consideretur, *calida & humida* esse meritò censetur; factâ tamen *comparatione* in toto, partes aliæ *calidæ*, aliæ *frigidæ*, aliæ *humidæ*, aliæ *siccæ* rectè dicuntur; Atq̃ue in hac *comparatione* Cutis, veluti norma quædam constituitur, præsertim quæ est in volâ manûs, & pulpa digitorum, quippe quæ maximè temperata deprehenditur.

XX. Cum igitur in Humano Corpore tot modis mutari temperamentum possit non sine ratione monet *Autor*, cautè pronuntiandum esse, ne *adscititium* pro *nativo* habeamus, & ab externis accidentibus decipiamur.





EXERCITATIO III.

DE

PARTIBUS HUMANI CORPORIS,  
EARUMQUE ACTIONIBUS.

**A**D partes Corporis humani, (non hominis, quâ homo est, sed) quantitativas, adeoq; extra invicem fitas, nos deducit *Autor*, ut videamus, *quid sint?* & quos *usus* atq; *actiones* in commune conferant? Ordinis rationem ipsemet exponit, in quâ etiam acquiescimus.

II. Equidem magna definitionum Partis varietas apud Antiquos occurrit, quæ nullo inter se modo coherere videntur; Hinc etiam nonnulli, partem nullâ definitione rectè definiri posse, statuunt, quibus tamen subscribere nondum possumus, cum certum sit, diversum concipiendi modum, ex parte concipientis, rei concipiendæ identitatem minimè tollere.

III. Neq; nos movent, qui partem, respectu

specu partium, quæ in homine sunt, æquivo-  
cum esse, adeoq; unicâ definitione explicari  
haut posse, urgent; siquidem diversa acceptio  
intentioque definientis hunc scrupulum ffa-  
cili negotio eximit.

IV. Definitionem partis, quam *Fernelius*  
tradidit, cum *Autore* quidem probamus: intio-  
rim nec eorum sententiam fundamento carre-  
re arbitramur, qui non minus eam quoquid-  
quam *Hippocrates*, *Galenus*, atq; *Aristoteles* no-  
bis tradidère, satis exactam judicant, cum  
æq; ac illa, 1. Tò cohærere toti, 2. vivere vitam  
3. functionem præstare &c. innuat, seu subim-  
tellectum habeat.

V. Quæ de *Calido innato*, & *Spiritu infla-*  
*ente*, ex veterum doctrinâ, recenset *Autor*, firmo  
stare etiam nunc talo, & plus docere, quàm com-  
fundere judicamus; quâ de re *precedenti Exerci-*  
quædam inseruimus, quibus hæc jam place-  
veluti superpondium adjicere: Solum sanguin-  
nem (propriè & accuratè loquendo) non esse  
calidum innatum, sed spiritus à sanguine di-  
stingui, & separatos ab eodem in corpore hu-  
mano reperiri.

VI. Neq; obstat, quod sanguis sine spiritu



ut calore verus sanguis non sit, quandoquidem hoc eum genio non defraudat nostra sententia, quæ potius Spiritum animale in crebri substantiâ alibi; à sanguine secretum respicit.

VII. Quemadmodum verò *Calidum Innatum* in solidis dari partibus similaribus asserimus, ita quoq; *Humidum* illud oleosum & pingue, quod *Primogeneum* vocatur, tantum habet, ut cum nonnullis fabulam credamus, ut potius pro proximo *spiritus insiti*, veluti flammulæ cujusdam vitalis, pabulo habeamus; *pabulo* inquam improprie quidem dicto, veluti talem improprie *Flammula* ista vivere dicitur.

VIII. Elementaris naturæ esse censemus *Calidum Innatum*; ut ut, considerando nobis, quibus instructum est, virtutes, & operationes quas edit, haut adeò malè ἀνάλογον τῷ ὡν ἁερων στοιχείῳ cognominetur.

IX. Licet semen atq; sanguis partium viventium principia dicantur, tamen, quæ à veteribus de partibus *Spermaticis* exinde proponuntur, nisi commodè explicentur, cum veritate pugnare nobis videntur.

X. Pervetusta partium H. C. divisio in

*Humores, Spiritus & Partes Solidas* cum magna in Medicinâ utilitatem habeat, merito retinetur, non obstantibus iis, quæ tum circa *Spiritus*, tum circa *Humores* à variis variè moventur.

XI. Quemadmodum enim *spiritus* rectè afferri innuimus; ita quoq; *Humores* corpori nostri *alimentitios primarios* v. g. *sanguinem bilem, pituitam &c.* nomina inania non esse immo & doctrinam de humoribus *secundariis* ut vocant, adhucdum stare posse, & circulationi sanguinis minimè adversari, affirmamus.

XII. Quæ verò de *Humoribus p. n.* veterum doctrinâ afferuntur, difficultates non carent; quia ipsa eorundem invicem transmutatio, irrita esse ea monstrat, quæ cō numero & distinctione humorum p. n. vulgè docentur.

XIII. Optima nobis judicatur *Galen*i divisio, quâ humorum vitium duplex constituitur, *Plethoram & Cacochymiam*, in quâ Medicus acquiescere potest, non obstantibus Chymicorum principiis, ac totuplicibus fermentis quippe quæ reverâ istis omnibus subiacere, nec nisi accidentis rationem obtinere, res ipsa loquitur,



XIV. Cum omnis sanguis omnisq; calor ex *Corde* per arterias exeat, per venas verò redeat, omnisque chylus per lacteas thoracicas ad *Cor* abeat, & mox in sanguinē manifestè transmutari conspiciatur, rectè *Hippocr.* & *Aristot.* τὸ αἷματες τε καὶ θερμὸν πύλω dixere πλὴν καὶ δῖλον, ipsiq; meritò primarium αἱματώσεως munus, honosque, tanquam principalissimo contentorum, assignatur.

XV. Primarius *Cerebri* usus est, dare partibus sensum, ac motum, ad quas actiones animales ritè obeundas, opusest, ut sanguis aliter se in *Cerebro* ac *Corde* habeat, id quod signa etiam & effectus loquuntur quippe quibus sanguinem in *Cerebro* frigidiorē ac sicciorē, tenuiorē, lucidiorē, vitalique quietiorē esse, manifestè ostenditur.

XVI. *Jecur* quasi *juxta cor* dum dicitur, ad vitam, & nutritionem sese plurimum quoque habere ponderis innuit; Quâ ratione verò id præstet, illi adhuc quibus hoc curæ est, dissentiant; Qui *depurationem, bilisq; & humiditatum aquosarum separationem* primariam muneris *Hepati* dicati partem volunt, nobis proximè ad verum accedere videntur.

XVII. *Testes* non immeritò partibus principalibus addit *Galen.* μικροτέχνη. c. 9. Interim, dum plures adhuc partium differentias, *figura, Numerus, Officium, Finis &c.* suppeditantur, cogitandum subinde est illud *Hippocratis*: ξύγροια μία, σύμπτωια μία, καὶ συμπαράδεα πάντα,

XVIII. Ab organorum diversitate actuum descendit varietas: *Galenus* partium principalium naturam, functionem & sedem intuitus, in *Naturales, Vitales, & Animales* divisit, estq; vulgatissima & antiquissima hæc etiam apud medicos divisio, quæ vel propterea retinenda nobis videtur, quò in veterum & Galenicorum lectione feliciter progrediamur: ut ut aliàs accuratius secundum recentiores dividere actiones non eamus inficias.

XIX. *Anima* verò hujusque *Facultatum* consideratio hîc planè negligenda non est, cùm omnium actionum & operationum in corpore nostro causa præcipua sit *Anima*, facultatibus suis instructa; ut jam non dicamus, *Medicum* in quibusdam morbis curandis, curas suas ut ad hanc ipsam quoq; dirigat, maximè teneri.

XX. *Nutritio* licet toto daret vitæ tempore



pore, tamen id non obstat, quò minus feriæ ejus aliquæ dari queant. *Hanc* nonnulli cum *Generatione* unum idemque esse dicunt, sed, nisi benignè admodum horum explicetur sententia, nulla est.

XXI. Non chylum (quem successivè ex ventriculo excidere docet experientia) sed sanguinem, eumque arteriosum (à quò tamen venosus non nisi accidentaliter differt) tam Ventriculi, quàm reliquarum partium nutriendarum, ultimum alimentum esse statui-  
mus.

XXII. Licet tanta *Respirationi* cum *Pulsu* intercedat affinitas, ut Pulsus veluti quædam esse *Respiratio* Antiquis visa fuerit, tamen eundem utriusque usum esse, meritò negamus, postquam, inventâ sanguinis circulatione, verum & genuinum pulsus usum accuratius cognoscere datum est.

XXIII. In *Animali Motu* peragendo causarum Efficientium rationem habent *Anima* & *Facultas motrix*, *Spiritus*, ac *Musculus*; quæ quidem in necessariâ subordinatione tali inter se nexu cohærent, ut earum unâ aliquâ absente, motus animalis minimè procedat.

XXIV. Neque enim est, ut quispiam credat, à partibus ipsis formatis per se ejusmodi motus pendere, vel à partium harmoniâ eodem promanare, absque Animâ dirigente. Benè Galen. 1. V. P. 3. *omne animal*, inquit, & *sua ipsius animæ facultates*, & *in quos usus partes sue polleant*, nullo doctore præsentit. Tantum abest, ut corporis particulæ animam impellant, eamque vel timidam, vel strenuam, vel sapientem efficiant.

XXV. Licet autem hæc ita habeant, tamen eorum sententiæ calculum adjicere non possumus, qui ipsam *Animam*, quacunque se commorantem, aut *motricem facultatem* instatam in ipsis organis, instar magnetis, musculorum impellere urgentes, omnem *spirituum animalium influxum*, veluti nullum, repudiant; illi quidem musculis vigorem illum animale quô demum apti ad motum redduntur, non nisi vivido spirituum dictorum influxu per nervos obtingere persuasum habemus.





## EXERCITATIO IV.

DE

SANITATE CORPORIS  
HUMANI.

I. **P**ostquam, quid partes sint, & quid f. n. agant, vidimus, non incommode nunc, cum *Autore*, in principium illud, cuius respectu benè agere illæ dicuntur, inquirimus.

II. Tale autē principium est *Sanitas*, Artis Medicæ finis ultimus, ad quem omnia diriguntur, cuius etiam gratiâ præcedd. Exerc. præmissæ sunt.

III. Quid vero sit *Sanitas*, & in quô ejus consistat natura, non est eadem Medicorum sententia : Quidam, cum *Galeno*, per *potentiam corporis actiones exercendi naturales*; alii per *constitutionem corporis sive partium ejus viventium naturalem &c.* cum *Eodem* definiunt. Dantur etiam, qui sanitatem extra prædicamenta ponunt, eamque *Quietem* aut *gradum*

D

quen-

*quendam vitam* pronunciant, *ex problem. Aristot.* & l. 1. de loc. aff. Gal. sed utroque non minus quàm eos, qui sanitatem *Ens multiplex & aggregatum*, vel etiam *substantiam* esse statuunt errare arbitramur.

IV. *Autori* placuit definire ex *Galen. 1. M. M. 7. per dispositionem C.H.* quâ, propter *justam similitudinem temperiem, dissimilariū conformatiōnem, & utrarumq; unionē*, prompti sumus ad omnes *operationes perficiendas* : Cui definitioni, cū naturam & subiectum sanitatis non solum dilucidè ostendat, sed etiam Medici actionibus maximè subiecta sit, & utiles indicationes commodè suppeditet, meritò subscribimus.

V. Qui v. sanitatē *Harmoniā, proportionē, congruentiam, & Relationē* esse volunt, non sufficienter ejusdem naturam & essentiam enucleant videntur, ut ut aliquid tale ipsi inesse haut eamus inficias.

VI *Dispositionem* hanc unam eandemque esse, partium diversitas in definitione expressa, minimè admittit, quin imo ipsi sensus hoc impugnant; aliter siquidem se se habent partes *similares*, aliter *dissimilares*, nec tamen indiget plusquàm una elicienda est sanitas, cujus latitudo



tudo eam quoq; , quam *neutram* appellavit *Herophilus* , sub se comprehendit.

VII. Hanc ipsam sanitatis latitudinem admittendam , tanta temperamentorum , ætatum , sexûs , vitæ generû &c. varietas , & quæ aliâs necessariò introduceretur *αἰτιαθεῖα* , non obscurè innuit.

VIII. *Subjectum* sanitatis quodnam sit , innumus ; Cùm verò partes humani corporis viventes à plerisque hîc adducantur , illæquæ juxta , *Hippocratem* ternario se sistant numero , sintque *Humores* , *spiritus* , & *partes solidæ* , quibusnam potissimum subjecti ratio adscribenda veniat , non æquè inter autores convenit.

IX. Sit cuique opinioni honor suus ; interim , cum usus in Medicorum scholis hætenus obtinuerit , ut solidæ partes *κατὰ προσορισμὸν* viventes corporis partes & consequenter sanitatis subjectum magis adæquatum definiantur , placet receptæ huic sententiæ eò lubentiùs subscribere , quò in solidis partibus triplex illa dispositio accidentalis , per quam naturalis ista potentia suas exercet actiones , evidentior atq; sensibilior occurrit.

X. Ad partes verò *contentas* & *impetum*

*tum facientes, sive Humores & Spiritus* quorum attinet, in hisce sanitatis sæpius quoque *Causas* consistere censemus.

XI *Causa sanitatis*, alia *Formalis*, alia *Materialis*, alia *Efficiens*, alia *Finalis* est; harum omnium habere notitiam Medicus debet, tam ut benè cognoscat, quàm etiam ut laudabiliter curet.

XII. *Materialis* causa sanitatis sunt partes corporis Humani; *Finalis* est ipsa actionum integritas, aut sanitas, uti alij volunt, possessio; *Formalis*, est anima suis facultatibus instructa; *Efficiens* denique & *Instrumentalis* alia intrinseca, ut *temperamentum*, *organisatio*, & *unitas*: extrinseca innuitur per ea, quæ assumuntur, geruntur, excernuntur, retinentur & foris non ambiunt, res sc. vulgò *non naturales* dictæ: de quibus plerisque ferè nonnulla inseruimus, pro ratione instituti, quibus seqq. adicere operæ pretium ducimus.

XIII. De *Animâ*, ejusque facultatibus atque operationibus quæ in parte Medicinæ physiologicæ à quibusdam fusè proponuntur, non solum non superflua, sed maximè utilia judicamus; quandoquidem ex hac doctrinâ pluri-



plurima elici possunt, quæ in instituendâ prognosi Medicum veluti in rem præsentem ducunt, famæ ejusq; egregiè consulunt.

XIV. De Temperamento in præcedent. Exerc. 2. dictum; ad quod & *Hippocrat.* *Θείον* referimus, agnoscentes in mixtis non paucas proprietates, quarum causâ genuina nos omninò latet. Sed prius omnia excutienda, quoad licet, quàm ad hoc asylum coniugiatur, judicamus.

XV. Dissimilariū partium dispositio seu *Compositio*, actionum illarum causâ, consistit in *legitimo partium componentium numero*, 2. *debitâ conformatione*. 3. *decenti magnitudine*, & 4. *situ & connexione justis*.

XVI. Tàm *Similaribus* quàm *Dissimilabilibus* partibus communis est *Vnitas*, quæ licet magnam cum *connexione* affinitatem habeat, nec nisi λόγῳ ab eâ discrepare nonnullis, vel ipsius Galeni suffragio, videatur: non incommodè tamen inter *continuitatem* & *contiguitatem* hîc, distingui, atque *coharens* â *Compositio-*ne dirimi ab aliis censemus, cùm ita ordini & doctrinæ non parùm consulatur.

XVII. Qui ex causarum numero tertiam

tiam hancce constitutionem rejiciendam præstant, id imprimis urgent, quod ab unitate peculiaris actio non exerceatur : Verùm, si penitus introspiciatur, utiq; suum quoque symbolum conferre Unitatem constat : quit enim ea aliud in parte facit, quàm ut integram illam & continuam conservet, quâ servatâ tam *similes* quàm *dissimiles* partes suo rite officio defunguntur. Atq; hic nexus triplex adeo est indissolubilis, ut læso uno dictarum causarum genere, si non statim alterum, immò reliqua corruant, saltem diu permanere haut possint.

XVIII. Ad Efficientis causas nonnulli etiam referunt Res non naturales, uti Th. 122 innuimus ; neque id malè, cùm illis non minus indigeant sani, quàm ægri : sed dispar ratio hîc observanda est, quæ diversa illis æquè ac aliis, quæ considerantur, rebus loca assignare solet,

XIX. Dilucidior illa earum est divisio quâ in sex classes, recepto hætenus more dispescuntur, & primam *aër*, secundam *cibus* & *potus &c.* occupat ; Quamvis nihil prohibeat, quo minus res ipsæ, prout causæ vicem subeunt, diversimodè consideratæ, mo-



do hanc modo illam ingredi classẽm valeant. De singulis nunc pauca quædam saltem afferemus, reliqua in aliam *Exerc.* differemus.

XX. *Aër* ζωοφόρος meritò agmen ducit, τι γὰρ ἀνευ τούτου ἢ τίνος ἔστι ἀΐεσθαι, tutissimaque sanitatis pars, haurire spiritum purum, non turbidum : ut non malè in aëre occultus vitæ cibibus statuatur.

XXI. *Cibus & potus* non minùs præstans symbolum hîc conferunt, dum desiderio, quod fames sitisque inducit, satisfaciunt; hinc tam diu vivimus, quàm diu nutrimur.

XXII. *Somnus & Vigilia* quantum ponderis habeant ad sanitatem, res ipsa loquitur: ut non sine ratione, ἀλλὰ pronuntiârit *Senex Cœlius*, si modum non exceſſerint.

XXIII. *Motus & Quies*, si moderatè habeant, pariter se commendant, verumque esse ostendunt illud *Hippocr.* *Sanitatis studium est, sicut sariari cibis, & impigrum esse ad labores.*

XXIV. *Excretorum & Retentorum* classis in specie περί τῆς τροφῆς in primâ, secundâ & tertiâ coctione respicit, ut quæ oneri sunt, eliminantur &c.

XXV. *Coronidem* imponunt *Animi*

παθήματα, quippe in quorum temperie, & moderato statu animi tranquillitas & corporis sanitas omninò consistit. Nullum siquidem violentum diuturnum; amatque imprimis Natura illud μηδὲν ἄγαν!

XXVI. Tandem etiam ea, quæ sanitatem consequuntur, & τῶν συμβεβηκότων nomine antiquitùs expressa inveniuntur, huc referri debent. Sunt verò Effectus, ex sanitate, hujusmodi causis, veluti fonte, promanantes, qui dum utriusque statu hoc modo simul attestantur, signi pariter rationem eos subire constat.

XXVII. Commodè verò hi Effectus juxta principia, à quibus descendunt, in primos vel immediatos, & secundos vel mediatos dividuntur. Illi sunt, qui immediatè à Facultatibus procedunt, ut omnis generis actiones vitales, animales &c. hi verò, qui ad ipsa etiam objectum seu materiam circa quam se extendunt, prioresque insequuntur, ac distinctionis gratia opera, & producta nature nuncupantur.





EXERCITATIO V.

DE

MORBO, EJUSDEMQUE  
DIFFERENTIIS

I.

**C**Um, ut rectè Galen. l. de Ossib. ait in init.  
Medicum prius cognoscere oporteat  
id, quod est secundùm naturam,  
deinde, id quod præter naturam, sit-  
que rectum regula sui & obliqui; convenien-  
ter nunc, absolutâ φυσιολογικῇ parte, ad παθολο-  
γικὴν fit transitus.

II. Equidem, non simpliciter omne, quod  
est præter naturam, lædere, concedimus; ta-  
men otiosam illam putamus ἀκρίβειαν, quâ in-  
ter res præter & contra naturam tam sollicitè  
distinguitur, cum ipsi antiquiores Medici Græci  
unica voce παρὰ φύσιν utantur, quam Latini  
nunc præter, nunc contra naturam vertunt.

E

III. Neque

III. Neque culpandus est *Autor*, quod *Sanitati & Morbo* peculiare tribuerit disputationes; liberum enim unicuique est, an de morbo in specie acturus, juxta illud: *contrarii sub eodem genere* &c. sub uno titulo de hujus naturâ & sanitate tractationem instituere, aut aliter velit: quandoquidem, etsi separatim tractentur, non minus ista contrarietas salva perstare potest.

IV. Quamvis autem inter Morbum & Sanitatem propriè dicta contrarietas haut spectetur, propterea quod contrariorum horum unum non tollat alterum, ampliorque multo sit morborum familia sanitatis latitudine, in eò tamen, quatenus ambo sunt corporis affectiones, ob quas *μóρια* seu partes usus & actiones suas vel integrè & perfectè, vel minùs edere valent, non immeritò sibi invicem opponuntur; nihilque impedit, quò minùs talis contrarietas *genus, subjectum, & causas* sustineat.

V. Quì in Ideâ præternaturali, à turbulenta Archæi tempestate exurgente, essentialem morbi quidditatem constituunt, licet ingeniosè magis sublimiusque, quàm Galenicè



rem explicare videantur, eam tamen multis involvunt difficultatibus, nec rarò morbos cum immediatis eorum causis confundunt.

VI. Hinc Morbum, qui quasi *μολεισ* dicitur, non nisi abusivè *substantiam* dici statui-  
mus, adeoque *accidentibus* potius adnumera-  
mus.

VII. *Relationem* qui pro morbi genere ven-  
ditant, nisi *secundùm quid* hoc intelligi velint,  
nos non habent *ὁμοψύχως*: neque enim mor-  
bus Galeno simpliciter *ἀμετερία* est, sed qualitas  
quædam *ἀμετερος*, in quâ (non verò in merâ re-  
latione) morbi essentia consistit.

VIII. Illis verò qui morbum nil nisi *sanita-  
tis privationē* esse volunt, concedimus equidē,  
aliquam privationē hîc adesse, verùm non *nega-  
tivam* vel *puram*, sed *impuram*, h. e. talem, quæ  
adhuc aliquid de habitu opposito, nempe de  
potentia naturali relinquit.

IX. Sunt qui ad *passionem* morbum re-  
ferunt, idq; propterea quod in receptione do-  
loris consistat, verùm malè; quandoquidem  
non est talis passio, quæ in actionis receptione  
consistit.

X. Quando *Autor* cum Galeno morbum  
dicit

dicit esse *Αλξήσις* τὸ δὲ φύσιν ἐνεργείας ἐμποδιστικὴ πρῶτως; vox *Αλξήσεως* constitutionem innuit atq; causalem facit definitionem: interim ne quæ illos errare putamus, qui morbum per *im-*  
*potentiam*, ( si præsertim morbum & symptoma conjunctim sumant ) definiunt.

XI. Evidens functionum læsio accommodata subjecto, universaliter Morbum à Sanitate disjungit, particulariter τὸ ὁρμητικόν.

XII. Cum contrariorum idem sit subjectum quodnā morbus subjectum occupet, ex iis, quæ de sanitate diximus, facile est colligere; nempè *partes Corporis Humani viventes*, quas in *continentibus* & *impetum facientes* divisit Hippocrates, ubi tamē *solidis* ceu *continentibus* ( quippe quarum operâ, quas nos proprie actiones corporis viventis esse volumus, perficiuntur ) principatum non invideri debere censemus.

XIII. Et sic quidem Recentioribus, dum *Humores & Spiritus* pariter corporis partes viventes adeoque subjectum morborum esse videntur, minimè contrariamur, dummodo nobis concedant, solidas partes, uti benè quidam loquitur, humorum & spirituum in nobis linguas & interpretes existere, sicque tacite quocumque



quod in præcedenti thesi innuimus, sibi vindicare.

XIV. Causam morbi in genere considerati supra notavimus, estque illa ipsa *Αἰτία ὁμογενὴς φύσιν*, in definitione locum generis sustinens: ex hac fluit actiones exercendi impotentia, quæ formam morbi repræsentat, dum enim partium structura vitio laborat, actus secundus cessare cogitur.

XV. Hæc verò constitutio p.n. non *essentialis*, sed, uti dictum, *accidentalis* est; neque enim statim ac pars aliqua calidior, vel frigidior redditur, in numero, magnitudine &c. deficit, vel excedit, atq; communis unitas dissolvitur, vivere desinit, aut materia interit, sed alteratur solummodo secundum hæcce accidentia, quæ non ipsa mors, sed saltem morbus excipit.

XVI. Tàm illi, qui pro occasionali causâ *structuram & dispositionem* acceptant, quàm isti, quibus *materia subtili*, vel etiam *Sali, Sulphuri & Mercurio, Archæo & Spiritibus*, principatum ad iudicare placet, eandem cum *Hippocr. & Galen.* morbi & causæ naturam, ( uti jam dùm superius innuimus, ) indigitant, licet terminorum transpositione & novo excogitatorum no-

minum apparatu instructi rem novam adferre videantur

XVII. Morborum quidem *differentias* à variis peti posse constat; interim usitatio illa divisio, quâ in *Essentiales* & *Accidentales* dispescuntur, ceu magis medica, meritò retinetur.

XVIII. Quæ de morbis *Materia* à nonnullis afferuntur, peregrinâ vocis materiæ acceptione laborant, & alioquin ad morbos organicos, vel ad causarum symptomatumque classem reduci possunt.

XIX. Esetamen morbos ἁλὺς ἐσίας, & occultos, facilè largimur, & ipsa id remedia, quibus tolluntur, evincunt; verum non debent confundi cum morbis *Formæ*, quibus cum nobis nihil est negotii, qui non tam astralia & coelestia hîc, quàm elementaria, ipsiusque substantiæ modum respicimus.

XX. Sufficiunt quatuor illa morborum organicorum genera, quorum Autor mentionem facit, ut ut subdivisiones hic admitti quodque debere constet.

XXI. Quibus tamen partium organicarum vitia ad *substantiam*, *qualitatem*, *quantitatem*, *quietem motum* & *locum* reducere placet.



illos novitas potius,quàm docendi commoditas movere videtur,quandoquidem *exone xlv* hanc distinctionem non tam claram,neque ad docendum satis aptam esse, res ipsa loquitur.

XXII. An color in oculo sit morbus, & qualis? multi equidem docere laborarunt, sed non omnes æque feliciter. Nobis eorum placet sententia, qui pro morbo quodam conformationis habent, æquè ac asperitas, vel lævitas, si in quibusdam partibus p. n. reperiuntur, & actiones lædant, inter morbos, nemine contradicente, recensentur.

XXIII: Cæterùm ad *differentias* quod attingit *accidentales*, harum quoque curam Medico maximè commendatam esse debere, exinde non obscurè liquet, quod *quantitatem, qualitatem, tempus, locum, &c.* tam auxilii, quàm materiæ ejusdem utilissimè determinent.

XXIV. Morbos, qui cum causa vel symptomate aliquò graviore conjunguntur, compositos nec esse, neque dici debere censemus.

XXV. Congeniti proprie sunt hæreditarii

40 EXERC. V. DE MORBO, EIUSD. DIFF.

rii ob vitiosum semen vel sanguinem; illi vero, qui à causâ aliâ vel intrinsecâ vel extrinsecâ sub primo in lucem ortu partui fuere communica-  
ta, improprie hæreditarii dicuntur.

XXVI. Licet venenum, more contagioforum morborum contagium suum transfundere possit, tamen non statim morbus pestilens & venenatus atque contagiosus unum idemque sunt.

XXVII. Non confundi debet affectus συμπαθικός cum δόξαπαθηκῶ, siquidem plane diversos esse, utriusque natura satis indicat; συμπαθικός ablatâ causâ nunquam subsistere potest, δόξαπαθικός verò persistere adhuc valet, etiam si causâ & morbus sublatis fuerint. Ex quo patet συμπαθὲν δόξαπαθηκῶ multò latius esse.

XXVIII. Plures adhuc morborum differentias supeditant principia Chymica, Cartesiana, Motus sanguinis, Fermentatio, Succus biliosus, lixiviosus, pancreaticus, succus nervorum nutritivus &c. & quid non? Verùm cum de quibusdam adhuc sub iudice lis sit, pedem hîc figere, quàm sententiam præcipitare, præstat.





## EXERCITATIO VI.

DE

MORBORUM  
CAUSIS.

I.

**N**on omne causarum hîc genus, sed  
solùm *efficientem* intelligi, bene, ex  
*Galeno*, monet Autor; licet enim, ut  
sanus sit homo, omnes quatuor causę  
occurrant necesse est, tamen, ut vero morbo la-  
oret, sola sufficit *efficiens*, cujus etiam cognitio  
in necessaria est Medico, ut non sine ratione  
*erga* *menus* *ποικιλίζων* l. *ἐν χυμῶν* ita scripserit:  
*τὸν θεράπευσον τὰς ποικιλίας τῶν νοσημάτων, προ-*  
*γνώσκων τὰς αἰτίας αὐτῶν.*

II. Causam describit *Galen.* l. *de diff.*  
*symptom.* quod sit *ἀλλήσεως ὡς ἐκ φύσιν προηγεμένη*  
*νοσήματα*, καὶ *ἀλλή μέσον ἢ νοσήματα* τὴν ἐνέργειαν  
*ἀπώλεσται*: & l. 1. *de loc. affect.* c. 2. id, inquit,  
F quô

*quòt angente afficimur, & quò separato quiescimus*  
*affectus, τὸ αἰὼν εἶναι, περὶ ὧν πάντες αὐτῶν*  
*πῶς.*

III. Hæc verò, quicquid suâ naturâ aliquicquid confert, ad ejus, quod fit, generationem, *efficientis* nomine indigitare Medici consueverunt; ita ut non tantum ea, quæ jam actu agunt, sed etiam omnis illa, quæ quocunque modo morbum producere valet, efficiens audiat.

IV. Utilis distinctio causarum morbi efficientiarum est, quâ considerantur vel habito respectu *ad morbum* vel *ad se ipsas*: primo siquidem in limine docet, qua ratione in utriusque sub divisionibus inimicam doctrinæ confusionem evitare liceat.

V. Elegans modus est, quem multi et Recentioribus hodiè amplectuntur, dividente *Causam respectu morbi* consideratam, in *Immediatam* & *Mediatam*, Hancque iterum in *proximam*, & *Remotam*, quæ ipsis porrò quadruplex est; *supernaturalis*, *naturalis*, *nonnaturalis* & *præter naturalis*, &c.

VI. Sic quicquid quocunque modo *ad morbum* generandum, fovendum, augendum, prolongandum, &c. facit, *mediatarum* nomine comprehenditur.



comprehenditur, nec *antecedentem* modo, & *primitivam* sive *occasionalem*, verùm etiam *continentem* & *conjunctam* respicit.

VII. Quoad *continentem* Causam, in eò omnes convenire videmus, quod sit, quæ *morbum* *contineat*; an verò diversa à *conjuncta*, & an una eademque cum proximâ sit, dissenti-  
re: Illorum nob. arridet sententia, qui diver-  
sam à *proxima*, unam verò eandemque cum *conjuncta* esse statuunt, cùm omninò causa *proxima* ipsâ *continente* latius pateat.

VIII. De *Evidente*, *Procatartica*, *Externâ*, *Latente* &c. causa alios aliter sentire constat; & fatendum est, non posse tam accuratis limi-  
tibus doctrinam de causis morborum, illarum-  
que agendi modo, à Medicis circumscribi, ut-  
pote qui remotissimarum quoque in M. M. ra-  
tionem habent; interim quoad fieri licet, evi-  
tetur confusio, quæ ne quidem in remotiori-  
bus semper impunis est.

IX. Mentionem quoque faciunt Practi-  
ci Causæ *sine quâ non*, *principalis*, & *adjuvantis*,  
quæ cum curandi rationi, utiles suppeditando  
indicationes, non parùm quoque inserviant,  
negligi illarum consideratio, minimè debet:

de causâ verâ & legitimâ, spurâ & illegitimâ  
minus principali, instrumentali, totali, partiali  
idem esto iudicium.

X. Porro causæ morbificæ, absolutè, scilicet  
ut res sunt, consideratæ, id omne, quod corporis  
naturalem constitutionem lædere atque  
immutare valet, includunt, ac doctrinæ g. communi  
modè in *Externas* & *Internas* dividuntur.

XI. Externarum aliæ *supernaturales*, aliæ  
*nonnaturales* sunt, quarum quædam ἐξ αἰα' γυνε  
quædam verò οὐκ ἐξ αἰα' γυνε corpus nostrum  
alterant : hæcque à modo, quò nos oppre  
tunt, quadruplici, 1. in *ambientia* & *inco*  
*dentia*, 2. περὶ φερόμενα, quæ *assumuntur*, 3. in ea  
quæ geruntur, & 4. quæ excernuntur, & retr  
nentur, veluti in certas classes, dispesci à ple  
risque solent. Vid. *Galen. Art. Medicinæ*  
c. 85.

XII. Recepta hætenus divisio, quâ hu  
morum vitia in *plethoram* & *cacochymiam* dis  
pescuntur, non tam excludit, quàm includi  
ea, quæ à Recentioribus urgentur; sunt  
enim veluti summa capita, ad quæ veteres  
compendiariam viam affectantes, cætera redu  
cenda innuerunt; tollatur enim quantitas  
qua-



qualitasvè alterata, quid *fermentatio*, quid *præcipitatio*, *effervescentia*, *acidum*, *tota* denique *substantia* peccans, sine illâ efficere potestunt.

XIII. Tentarunt hæcenus Recentiores, variis principiis ex ipsâ Corporis Humani, & remedium naturâ desumptis, artem Medicam auctiorem atque illustriorem reddere, quorum diligentia ut debitum honorem haud invidemus, ita multa eorum inventa veteribus non omninò ignota fuisse arbitramur.

XIV. Pertinet huc illud *amarum*, *salsum*, *acre*, *acidum*, *acerbum* &c. Hippocratis, quibus plus, quàm rerum corticem, exprimere voluit, unde etiam *Adeptorum* particeps à multis perhibetur.

XV. Veterum itaque de morborum causis sententiæ non est ut propterea dicam illicò scribamus, quando aliquid recensetur novi; sæpe enim non nisi aliis terminis proferatur, quod nec veteribus inusitatum fuisse illud Hippocrat. in lege, τὰ ἰερεῖ ἐόντα περίγμματα ἰεροῖσιν ἀνθρώποις δείκνυται, &c. docere nos potest: sæpè etiam lydium ad lapidem examinata res, non nisi novitate se commendare deprehenditur.

XVI. Præ reliquis verò Recentiorum inventis magnam doctrinæ de morborum causis lucem adfundit *Motus sanguinis Circularis*; eaque meritò *chylifera, lymphatica & salivalia vascula* referuntur; quippe quorū rivulis campus αἰπόλος alias alioquin satis amplus, utilissime irrigatur.

XVII. Sed referre pleraque, propositum vetat, neque hujus loci est, *Palaemonem* agere. Optandum potius ducimus, ut, quemadmodum in Corpore Humano admiranda partium est ἀλλοτρίωσις, ita quoque in tantâ diversarum hypotheseum varietate illud *Hippocratis* ξύρρον μίαν &c. locum tandem inveniat! Quid conciliatione tali pulchrius?

XVIII. Distinctum ab humoribus generis morbificarum Causarum constituunt *Caculi, & Vermes*, res, ut *Galen.* vult, ὅλης τῆς ζωῆς παρὰ φύσιν; illorum ad productionem, sicut uti præter peculiarem renum & vesicæ dispositionem, spiritus lapidificus non sine ratione requiri, aut principaliter concurrere statuitur, ita hanc ex materia putridâ & corruptâ, an verò mediante putredine & corruptione in nobis generentur, dubitatione haut caret. Putredine interim meritò accusari videtur, cum hæc ablata, illorum cesset generatio.



XIX. Haftenus ferè tantum αἰτιολογίας, generalia delibavimus, ad singularia devenire vetat chartæ angustia; inveniet tamen hæc quoque facilè, qui illa minimè neglexerit.

XX. Ne nihil de his, hoc jam dicimus; Tanquam qualitatibus occultis cū manifestis amicitia, & necessitatem intercedere, ut illæ absq; harum comitatu diu quidem integræ subsistere naut possint; hinc ratio fluit, cur ad similarium morborum causas referantur.

XXI. Non sine ratione *Hippocr. Prognosc.* x. 4. diligenter in Morbis observandū à Medico statuit, si quid divinū accidat: quid verò per τὸ θεῖον hoc intelligendum sit, non omnes æq; explicant. *Galenus* in Comm. refutat illos, qui per τὸ θεῖον causas morbificas DEI consilio, præter naturæ cursum, immissas intellexerunt, propterea quod *Hippocrates* nullibi causam ægrota- tionis in DEUM refundat. Nobis verò non tam simplicem, quàm potius magis sublimen, pla- neque ignotam aëris conditionem hac voce Hippocrat. innuere voluisse videtur.

XXII. Multi quidem negant, venenum in corpore nostro generari posse, cū omne quod in eod. producitur, vel à calore naturali, vel

48 · EXERC. VI. DE MORBOR. CAUSIS.

vel præternaturali fiat, quorum neutrum huius  
habere locum putant; verum potiore illo  
rum arbitramur sententiam, qui humores in  
corpore humano eò usque corrumpi posse sta-  
tuunt, ut ipsius veneni naturam induant.

XXIII. Concinnam membrorum corporis  
conformationem non rarò prava matris  
imaginatio impedit; quæ autem fiat, ut omni-  
bus jam partibus embryonis absolutis, caput  
vel manus in lucem edito desit, res altioris est  
indaginis; non malè illi fortè, qui animi præ-  
iuncta per imaginatorem excitata mediis  
tibus spiritibus, non modò dirigere formatricem,  
sed omninò graviolem passivum impetum  
facere ipsumque formatricis opus, non solum  
modò pervertere, sed quandoque etiam ever-  
tere statuunt.

XXIV. Laborantibus, *Humoribus & Spiritibus*, non immeritò culpa in eas transfe-  
tur res quæ illorum *substantiam, qualitatem*  
*quantitatem, motum, locum, &c.* alterant  
atque p. n. afficiunt.





EXERCITATIO VII.

DE

SYMPTOMATIBUS  
EORUNDENQUE DIFFE-  
RENTIIS.

I.

**Q**Uamvis confusa Symptomatis cogni-  
tio ipsius morbi tractationem præsup-  
ponat, cùm impossibile sit affectum  
præternaturam, primò actionem læ-  
dentem, intelligere, nisi primò generaliter,  
quid actio læsa sit, cognitum habeamus: ta-  
men ad distinctam quod attinet cognitionem,  
meritò symptomata posteriori loco tractantur,  
cùm à morbis, tanquam causis suis dependeant.

II. Definitionem *symptomatis* (quod ab  
*accidente* non physicè, sed medicè tantùm dif-  
fert) dubiam nonnulli faciunt, propterea quod  
*Galen. l. 1. M. M. c. 8.* nigrum Indorum colorem  
Symptoma dicat, qui tamen secundum natu-  
ram est; tum quòd *Idem 1. & 2. M. M.* actiones

G

læ-

læsas à symptomatis distinguat, & *lib. de an*  
*constitut.* morbos ex aliis natos symptomata co  
 cat; Verum enim verò si quis consideret, tri  
 plicem, immo quadruplicem apud *Galenum*  
 symptomatis acceptionem potissimum inve  
 niri, facile deprehendet, difficultates hæc ap  
 parentes potius, quàm reverâ tales esse.

III. Interim cum propriissima symptomatis  
 acceptio, quæ *Galen*i est, omnem ejus  
 naturam non exhauriat, quandoquidem non  
 omne symptoma morbum immediatè sequi  
 tur, ipseque *Galenus de differ. Symptom.* c. 1.  
 illud omne Symptoma esse doceat, quod nec  
 morbus, nec causa morbi est, licet ab illius  
 vel aliis oriatur: non incommode etiam ab  
 aliis definiri symptoma videtur: quod sit acci  
 dens p. n. in iis, quæ extra constitutionem partium  
 ad actionem necessariâ sunt, aliquid aliud sequens

IV. Quamvis verò Symptoma morbum, ve  
 luti umbra corpus, sequi dicatur, & omninò in  
 tertio hoc, esse scilicet dependens ( quod hæc  
 sufficere potest ) hæc ambo convenient, Sym  
 ptoma tamen ab umbra in tantum differt, quod  
 umbra nihil agat, symptoma vero non prorsus  
 non lædat, id quod dolor, aliaque id generis  
 sym



ymptomata, quæ sicuti distinctam à morbo  
causâ naturam sunt sortita, ita quoq; diversa  
specularia præsidia indicant, docere queunt.

V. Alterat itaque etiam *Symptoma*, &  
mutat, non quidem ut morbus, quippe quem,  
eluti umbra corpus, sequitur; neque ut  
causa, quandoquidem hæc non nisi median-  
te morbo alterat, sed ut accidens ab utroque di-  
distinctum, quod Galenus per symptoma ex-  
primere consuevit.

VI. Benè monet Autor, Symptomata  
ab operibus naturæ differre, id quod etiam  
Galenus inculcat, quando *lib. de different.*  
*symptom. ult.* diligenter attendendum esse scri-  
bit, ut accuratè ab operibus naturæ sympto-  
mata distinguantur, utpote quæ maximam sæ-  
pe inter se similitudinem habent; Autor hanc  
conit distinctionis notam, quod τὰ τῆς φύσεως ἔργα  
obore facultatis perficiantur, neque ad mor-  
bum in fieri vel facto sequantur, cui & alia, &  
præsertim illud καὶ τὰς ex Galeno addi debent.

VII. Non obstat tamen hoc, quò minùs  
etiam naturæ opera, quatenus à naturâ, à causâ  
morbificâ irritatâ, fiunt, ad symptomata, æq;  
actionum frustrationes, reducantur; licet

G2 enim

enim respectu virium & facultatis nihil huiusmodi quoque p.n. fiat; tamen corporis nostri, & operationum, quæ per illas actiones fiunt, respectu omnino aliquid, quod aliter in homine fieri debebat, accidit. Quin & medicus, nisi, in actionum læsarum causis investigandis, ad hæc quoque respiciat, & ubique ritè distinguat, facile in reddendis causis fallitur. Quin & ejusdem medici est tales actionum frustrationes avertere, atque præcavere.

VIII. *Autor* symptoma propriè dictum à morbo, tanquam causâ proximam deducens, nullam tam *symptomatis causam* quàm *symptomatis symptomatis* mentionem facit, partim quod, licet in subjecto medico tales mutationes frequenter hoc modo fieri soleant, omnia in arte Medicâ ad finem nimirum ad Medendi Methodum, dirigenda veniant; partim etiam, quòd & reliqua symptomatum genera morbum necessariò præsupponant, ut ut non semper immediatè sequantur.

IX. Galenus l. 3. de *sympt. caus. cap. 1.* tria actionis læsæ genera ponit, alii verò his non contenti, præterquam, quod ad actionem immutatam, auctam quoque adjiciunt, quartum in



super genus, quod actionis tristis vel voluptuosæ p.n. esse volunt, constituunt; Verùm enim verò cùm præter necessitatem entia multiplicanda non sint, in *Galen*i distinctione cum Auctore acquiescimus, propterea quod actiones tam auctæ, quàm tristes & voluptuosæ p.n. faciliè vel ad reliquas differentias reducantur, vel omninò ab hac consideratione, quatenus sanitatis statum non mutant, excludantur.

X. Quamvis etiam morbus κατὰ συνπαθήειν alterius morbi per se producti ab aliquibus symptoma dici soleat, rectius tamen *symptomatici* nomine indigitari censemus.

XI. Quid sit actio depravata varii variè exponunt; quidam enim volunt, *Esse actionem quæ tollit omne illud, quod natura intendit ponere*; alii docent, *Esse, quæ terminum producit aliter, quàm fieri debebat*. Difficilis sanè res est, si varios depravationis modos consideres, actionem depravatam unâ&simplici definitione circumscribere. Interim illa non displicet explicatio, quâ actio depravata ea esse perhibetur, *quæ terminum producit, nec prout in fieri, nec prout in factò esse debuerat*. Hinc etiam, quod supra innuimus, actiones auctas esse depravatas patet.

XII. Sunt, qui dolorem depravatam actionem esse negant, præsupponentes, quod sensus in dolore objectum suum rectè percipiat atque dijudicet, æque ac quando colores rectè cernuntur, & dijudicantur à visione, depravata hæc dici nequit; Verùm & ratio & experientia aliter docet, quibus victi, illorum sententiae subscribere non possumus.

XIII. Utrum secundum facultatum genera, an potius secundum diversitatem actionum symptomatum actionis læsæ divisio institui debeat, dubitatur; & sunt, quibus utrumq; licere, videtur, quandoquidem res eodem recidat; Nos interim ex subjectâ naturâ symptomatum divisionem venamur, quam proximè actiones, remotè verò facultates suppeditant.

XIV Cum non simpliciter actio læsa, sed ejusdem etiam qualitas & quæ eam insequuntur, in morbis respicienda sint, patet, rectè sentire eos, qui occultarum quoque qualitatuum seu totius substantiæ symptomata dari afferunt.

XV. Certo respectu *vitalia* seu Cordis symptomata, *animalia* quoque vocari posse, facile concedent, qui cum *Hippocrate* influxum

con-



conspirationem atque consensum omnium, uti fas est, admittunt.

XVI. Cum intellectus noster inorganicus sit, & veluti in fieri & esse, ita quoque in operari ab instrumento corporeo non dependeat, arbitrantur nonnulli, Ratiocinationis symptoma haut dari; sed ipsa dementia aliaque similia, quæ, (uti apud *Galen. de differ. Symptom.* 3. videre est) à reliquis internorum sensuum symptomatibus contradistinguuntur, hos aperte satis refutant.

XVII. Dum *Galen. de different. Symptom.* in fine tempus, in quo movetur excretum, perpendit, temporis quoque symptoma quoddam admittere debere, neque sine ratione videtur, cum sepius intempestiva emissio symptomaticum fluxum constituat, uti etiam ex *Thef. 6.* colligere est; verum nihil novi ex temporis ratione symptomatibus accedere arbitramur, quandoquidem illud non nisi signum est ipsius morbi, qui vel in actione læsa, vel in excretionis initio ponderari meretur.

XIIX. Ventriculo quidam fibras eo modo quod ad triplicis generis actionem, attrahit. Etio-

*ctionem, retentionem, & expulsionem* facere perhibentur, demunt, incertam fibrarum actionem objectantes: interim si *à viciis* ventriculi, cujus frequens apud practicos est mentio, probè consideremus, non sine ratione fibrarum resolutionē, inter alias causas, accusari poterit; cui enim nisi, fibrarum beneficio naturaliter factō, necessaria illa ventriculi contractio blanda, & exclusivæ pressio nis nīsus æquū commodè adscribetur?

XIX. Cū Symptomata, quæ in affectu simplici, sine qualitatibus mutatis consistunt, magnam cum actionum læsarum, excretorum & retentorum symptomatibus affinitatem habebant, modus considerandi, qui rem optimè redistinguit, cavetque, ne diversa symptomatum genera confundantur, in subsidium hīc vocari debet. Cæterum præter eas, quas *seu suum externorum* numerus suppeditat differentias, huc etiam *sensibilia communia*, in figura, magnitudine, motu &c. p. n. ut & faciei cadaveris rosæ, ab Hippocrate, (unde Hippocratica dicitur) *1. prognostic. cap. 3.* expressa descriptio, aliaque similia referenda veniunt.





## EXERCITATIO VIII.

DE

CAUSIS SYMPTOMATUM  
EXTERNORUM SENSUUM.

I.

**S**ymptomatis Causam licet inquirendam esse negent illi, qui *ἀπὸ τῆς ἐμπειρίας* nomen habent, & solâ experienciâ nituntur, tamen ipsa eos curatio vera, non palliativa, manifestè refutat, cùm id quod, curatur, non symptoma, sed ejusdem causa sit.

II. Hinc & causa Symptomatis ea dicitur, quæ symptoma gignit, fovet, auget, sicq; efficit: unde non quicquid ad ejus generationem confert, sed effectricem solummodo h. l. considerari patet.

III. Ut autem symptomatis causam noscatur aliquando facilè, in morbis scil. manifestis, aliquando in morbis occultis satis difficile, aliquando etiam, in iis præsertim morbis

H quos

quos DEUS & Natura incognitos, atque incurabiles vel optimo cuique esse medico vult, planè impossibile est.

IV. Nos, ad ductum Autoris, nonnulla ad præsens negotium facientia afferemus, veritatis indagatoribus occasionem meliora monendi præbituri.

V. Naturales impotentias, quæ ob pravæ objecti dispositionem contingunt, minus rectè ad symptomata referri, si rem accuratius quis examinaverit, deprehendet; neque, enim partis dispositio respectu objecti (quod utrobique justum præsupponitur) sed potius respectu potentiae & promptitudinis, vel impotentiae agendi, sana vel agra appellatur.

VI. Dum *Facultatum influentium* mentionem facit *Autor ex Galeno*, non equidem ita vult rem intelligi, ac si reverà ex una parte in aliam influerent, sed (ut alibi se explicat) hoc ipsum de influente spiritu & calore, tanquam facultatis instrumento primario accipiendum esse monet. Et ratio in promptu est; siquidem respectu *originis* nullo opus est influxu cum aliàs in toto corpore facultates sint præsentes; neque etiam *subjecti* ratione hoc ipsum  
com



DE CAUS. SYMPT. EXTERN. SENSUUM. 59

conceditur, quia nullum accidens de subiecto in subiectum migrat: at quodlibet organum facultatis propriè subiectum statuimus.

VII. Nobilissimam equidem oculi portionem, & quovis adamante pretiosiore, agnoscimus humorem CrySTALLINUM: cùm verò organum videndi proprium ita constitutum esse constet, ut speciem visibilem non per modum transeuntis; sed immanentis recipiat, adque tunica reticularis præstet, non possumus non subscribere illis, qui hanc ipsam tunicam expansum veluti nervum opticum proprium & genuinum videndi instrumentum; CrySTALLINUM verò humorem lentem veluti in obscuræ camerae foramine esse statuunt.

VIII. Licet autem hoc ita habeat, verum tamen asserit *Autoris* effatum, quando humorem crySTALLINUM omnis generis morbos pati, horumque pro diversitate variis visum symptomatibus affici scribit. Et hoc quidem cum singulis oculi partibus commune habet; visus verò objecti errores quod attinet, cùm de his Medicus non agat, non immeritò à nobis omittuntur.

IX. Sunt, qui errare illos judicant, qui

H 2 inter

## 60 EXERCITATIO VIII.

inter affectus Crystallini humoris visum obla-  
dentes intēperiem recensent, tūm quod in cry-  
stallino non celebretur visio, tum quod non  
sit commodus suā temperie, sed puritate, &  
translucentiā: verum benignè hos audiendo  
putamus, cum hæc ipsa puritas & translucētia  
non rarò ab ipsa intemperie noxam sentiat, pri-  
misque qualitatibus, harumque symmetria  
haut parum debere videatur.

X. Spirituum quidem in visione usus est  
egregius, non tamen is semper, quem illi firmi-  
gunt, qui ad objecta eos etiam nunc emitti cree-  
dunt. Quid præstent, roganti: coaccipere  
impressionem specierum visibilium in retina  
factam, respondent doctiores, eamque im-  
pressionem offerre animæ, quandoquidem ita  
comparatum est, ut sine spirituum operâ ani-  
ma, quàm diu hoc in corporis ergastulo mora-  
tur, nihil ferè efficiat.

XI. Duplex itaque potissimum spirituum  
se se offert vitium: Defectus scilicet & motus  
eorum inordinatus circularis: Ob defectum  
prout is major, vel minor est, debilitatur ver-  
aufertur visio; ob motum verò circularem  
omnia in gyrum verti videntur.



XII. *Galen. libr. 1. de Symptom. caus. c. 2.*

affectus humoris aquei & crySTALLINI prosecutus, nullam vitrei affectionem commemorat, quasi hic humor nullo pacto visioni obesse possit. *Avicenna tamen l. 3. fen. 3.* humorem vitreum visum lædere scribit, quia lædit glaciale humorem, quia alimentum æquale ipsi non subministrat. Verum quamvis & recentiores nonnulli hanc doctrinam amplectantur, falli tamen eos, propterea quod verum vitrei humoris usum ignorent, aliorum est iudicium. Nec sine ratione ita judicant, cum tam ratione vitrei propriè & immediatè lædi visio, quàm ratione humoris CrySTALLINI, possit, siquidem æq; vitreum visibiles rerum species quàm crySTALLINUM transmeare debent. Unde si & hic vel coloretur vel crassescat, caliginis causa præsto erit.

XIII. Communis ferè sententia est; pupillæ angustiam facere, ut res majores, dilationem verò, ut minores videantur. Et à nonnullis hæc additur ratio, quod nempe in contractione pupillæ per foramen angustum species illabentes postea in ampliori spatio versus crySTALLINUM dilatentur: contrà verò in dilatione pupillæ species visibiles per amplectum,

## 62 EXERCITATIO VIII.

foramen illapsæ in repleto versus crySTALLINUM  
spacio sub minori angulo rem visui minorem  
apparere faciant. Sunt tamen, quibus hæc  
ratio parum satisfacit; cum sive ampla sit pupilla,  
sive arcta, perpetuò species visibiles ex  
aëre in oculum incidentes ad perpendiculara  
rem refringantur, h. e. ob densius medium  
oculi, quàm aëris, cogantur & congregentur.  
Quid nob. videatur, in conflictu aperiemus.

XIV. Ophthalmiam, pluresque alios  
oculorum affectus non tam cerebri, quàm  
sanguinis massæ vitiis adscribendos esse, plu-  
rima à ratione & experienciâ desumta argu-  
menta evincunt.

XV. *Processus mmamillares*, (quos Galenus  
nunquam hoc nomine, sed *libr. I. de symptom.*  
*caus. cap. 4.* tantum ἀποφύσεις τῆς ἑγκεφάλου appel-  
lavit) diu quidem pro odoratûs organo tam  
veteribus, quàm recentioribus habitos fuisse  
constat; docuit tamen postea accuratiùs insti-  
tutum rei examen, interiorum narium potius  
membranulæ, quæ ex fibris proreptantibus per  
os Erhmoides, & ortû à durâ menynge habenti-  
bus, constituitur, genuini olfactus instrumen-  
ti dignitatem deberi, utpote ad quam nervi à  
tertio pari propagati transmittuntur, &c.



XVI. Equidem verum est, linguam respectu propriæ carnis laborantem, gustatum variè ædere, num verò hæc ipsa caro peculiaris primarium gustus organum sit, nondum inter autores convenit: Recentior *αιτψια* locuit, nec carnem, nec linguam, nec membranas, neque nervos ibi existentes, neque glandulas amygdalinas, sed *parvas* quasdam *minentias*, quæ in linguis omnium animaliumprehenduntur, organum gustûs constituere.

XVII. Quamvis *Galenus* aliquando, de sententia *Hippocratis*, solam continui solutionem doloris causam esse statuit, in plerisq; tamen locis intemperiem solutioni continui adiungit, uti præsertim *l. 2. de loc. aff. c. 5. l. 12. M. M. c. 1. & 7. in art. Med. c. 8.* videre est; ipseque *Avicenna Canon. l. 1. fen. 2. doctr. 2. summ. 2. c. 19. Galenum* reprehendit quoties solutionem continui essentialem doloris causam statuit, duplicem verò ipsemet assignat, *intemperiem & solutionem*, quam sententiam multi etiam, nunc amplectuntur; Nos verò non nisi unicam doloris causam agnoscimus, nempe *λύσιν τῆς συνεχείας*, quam *Aristot. 6. Topic. c. 8. ἀλλάττειν τῶν συμφύτων μερῶν*, connatarum partium divisionem indigitat.

XIIIX. Solutio hæc unitatis inchoata est vel ἰνδλⓈ vel ἄδλⓈ, h. e. vel ad sensum evidenter patet, vel non nisi ratione contemplabilis existit, prout scilicet tangibile violentum sunt qualitates primæ vel secundæ. Quando excessus dolorificus in qualitatibus primis occurrit, tunc solutio continui obscurior, alteratio verò manifestior est. Non autem sufficit sola alteratio, quæ talis, sed tùm demum, si continuum solvat. Et hac ratione forte commotus *Galenus*, ut c. l. primas doloris species duas esse docuerit, & mutationem in primis qualitatibus, cùm solutio continui sit ratione saltem contemplabilis, *alterationis* nomine; mutationem verò in qualitatibus secundis *solutionis* appellatione indigere voluerit, cum tamen utrobique solutio continui contingat, & immediata doloris causa unicè existat.

XIX. Notum est, veteres ἀναρξίᾱς causam in eò posuisse, quod vel nulla vel exigua venarum suctio perficiatur, plerisq; verò hodiè hæc sententia non amplius arridet; existimamus tamen, tolerari eam posse, si non tam venis, quàm arteriis, ista adscribatur suctio, & commodè explicata pro causâ tantùm remotâ, non autem proximâ habeatur.





## EXERCITATIO IX.

DE

CAUSIS SYMPTOMATUM  
FACULTATIS MOTIVÆ  
PRINCIPIS.

I.

**P**urimi quidem in *Sternutatione* cerebrū non leviter concuti existimant; neque id sine ratione fieri videtur, quandoquidem tam ingens tunc corporis oboritur agitatio, ut quandoque apostemata rumpan-  
ur, partus maturentur, mensēsque cieantur: sed quidquid hujus sit, veriore illorum sententiam esse statuimus, qui ipsum Cerebrum nec per se, neque etiam sternutando vehementius moveri volunt.

II. Omnem sternutationem non à processibus olfactoriis, sed internā narium tunicā, cujus sensus tam acer est, ut eā laceffitā, &

I

thorax

thorax non sine sono contrahatur, ) oboritur  
statuimus. Quicquid igitur hanc afficere tun-  
nicam & irritare valet, sternutationem con-  
citare aptum natum est.

III. Sunt qui *Tussim* per *motum* definiunt  
neque planè malè ; melius tamen ad rem di-  
cunt, qui, cum *Autore*, *efflationem*, veluti ge-  
nus proximum, eligunt ; qui verò per *vocem*  
*Tussim* describere satagunt, ἀκυρολόγως agere  
nobis videntur. Caterum quamvis aliis quoque  
symptomatib. efflationis vox competat, mo-  
tus tamen concitati vehementiam, & strepitus  
vel soni, qui in tussi exauditur, gradum non at-  
tingunt ; cum sola efflatio cum Tussi conver-  
tibilis, vehementissima, secundùm *Galenum*  
& strepera sive sonora dicenda sit.

IV. Perficitur Tussis virtute movendi  
se se pulmonibus insitâ, quæ tam manifesta est  
& sensu etiam tam in pulmonibus sanis, quàm  
tussiculosis adeò deprehenditur, ut nullâ egeat  
refutatione παράδοξον illorum, qui pulmonem,  
non nisi pro cribro, ut aër purus thoracem su-  
beat, inservire, ipsum verò omnis diductionis  
& compressionis incapacem esse scribunt. Ad  
proximam verò Tussis causam quod attinet, il-

Iam



am membranæ interioris trachææ (præsertim quâ sigmoideos & cartilagineos annulos ipsius involvit) irritationi adscribere non dubitamus.

V. Præter morbificam illam πλήρωσιν καὶ ἐνῶσιν, quam ex *Hippocr.* & *Galeno Autor* singultus causam esse vult, alii sal resolutum, & iterum coagulatum; alii domesticum ventriculi vitium & acorem in propriâ domo degentem; alii denique excrementum pituitosum chylosum acrius cum bile, & succo pancreatico commistum regurgitans & post se stimulum relinquens accusant. Er vilulâ hic dignus, & ille. Interim Humores omnis generis, acri suâ qualitate (non exclusis planè flatibus,) ἀμεσον singultus causam, expultricem inquam, irritate posse, res ipsa loquitur.

VI. Placet nonnullis *Rigorem* definire ex refrigerationem dolorificam, nos verò *Autori* subscribimus, qui *Vibrationem* esse musculorum dicit. Cæterum qua ratione generetur Rigor & quæ nam sit ejus proxima causa, satis obscurum est. Vehementem illam corporis concussionem fieri saltem à motu atq; cursu reciproco calidi naturalis, probabile non est, ut concurrere eum quandoque possit, *Autor* enè moneat; cùm quô aliàs in mordicante,

& acri aliquâ molestiâ ad sensiles partes delata  
causam potius quærendam esse, omnino statuimus.

VII. Illius verè frigoris & rigoris, qui in  
paroxysmo febris intermittens excitatur  
causam genuinâ non esse aliam, quàm succi nu-  
tritii in materiam nitrosam degeneris fluorem  
& turgescientiam, queis spiritus & calor suffusus  
obtundantur & corpora nervosa irritata in tre-  
mores cieantur, sententia est ulteriori medita-  
tione eò magis digna, quo propius ad verum  
accedere videtur.

VIII. In *oscitatione* musculi mandibula-  
res ob viciniam glandularum vasorumque salivari-  
um, primùm videntur affici; sæpè imaginatio  
in causâ est, ut oscitante uno, oscitet & al-  
ter; à causâ verò morbificâ ubi ortum habet  
vaporosi halitus collectio hanc constituit, se-  
cundum & hæc causâ est, quod oscitantes minùs  
audiant? Videtur potius hoc ideò fieri, quod in  
maxillarũ diductu auditûs instrumentum con-  
cidat, spiritusque interpelletur.

IX. Veteres quidam, ut *Galenus l. de diff. puls.* 20. ait, omnẽ arteriarum motum appellare  
palpitationem consueverunt. Postea non  
mem



men hoc accomodatum est peculiari affectui, & palpitatio, quæ Græcis σφύγμοις, Aristoteli σφύξις vocatur, in genere de omnibus partibus, quæ dilatationem suapte naturâ admittunt, iterumque concidere queunt, & à Galeno etiam l. 2. de palpit. & tremor. cap. 5. & 2. de sympt. c. 2. dilatatio & constrictio palpitantis partis, seu exaltatio & depressio p. n. dicitur. Hanc à vapore multo & crasso provenire, (etiamsi vapores apud multos ignorantia κρησφύγετον audiant) à vero Autore statuere non dubitamus.

X. Quæ apud antiquos diu increbuit opinio, Convulsionem tantum à repletionem, aut inflammationem produci, ob falsam hypothefin, cui innititur, facile per se concidit: Hinc è Recentioribus plerique irritationem nervosarum partiū præcipuam convulsionis causam statuunt. Nec mirè, cum non raro evidentis causæ vicem habeat, immo insuper leviores quandoque spasmos solitaria hæc causa producat. Interim propius ad huc ad rem illa accedere sententia videtur, quæ spirituum animalium copulam explosivam, heterogeneam & nimis elasticam accusat.

XI. Uti in Paralyfi partem primariò affectam Nervum statuimus, non obstantibus eorum

rum rationibus, qui non primariò sensum hiis atque motum partibus communicare volunt ita quoque *Causam* paralyseos *immediatam* prohibitionis spirituum animalium in nervos influxum agnoscimus, unà existimantes, hanc ipsam prohibitionem, vel ex parte *influentis objecti*, vel ex parte *meatus* seu *organi* contingere, ubi tamen ipsius partis *recipientis* constitutionem minime excludendam esse censemus.

XII. Μετέβασις doloris Colici in πέρσιν non fieri, quod materia colicos inducens dolores ab intestinorum tubulis digrediatur ad spinalem medullam, locum nobiliorem, prior scil. relicto foco, sed quod nova affluens materia non amplius petat intestinum, vel ejusdem viciniã, verum eam præterlabatur, spinamque immo ipsos artus adoriatur, cum Recentioribus asserere nulli dubitamus.

XIII. Equidem proximam omnis *Aplexie* causam defectum esse spirituum animalium in organis sensus & motus, facile largimur ad antecedentem verò causam quod attinet *Galeno* non possumus subscribere, quando *l. 3. de loc. affect.* Spirituum animalium & generatione & distributionem ex obstructione cerebri



ebri ventriculorum à crasso, pituitoso & visci-  
lo humore oriundâ impediri docet, quin po-  
tius in hoc subjecto, & affectu determinato,  
carotidarum arteriarum; in alio venarum ju-  
gularium, in alio torcularis &c. obstructionē  
ve compressionem (quando quidem omnes  
influxum spirituum animalium impedire aptæ  
sunt,) accusandam esse statuimus.

XIV. Multum quidem dicere videntur,  
qui *Epilepsiam* seu *Caducum* ab Archei fermen-  
tatione produci perhibent, neque illam, si ritè  
applicetur, planè rejicimus, verum nimis ope-  
ose excogitatur à *Paracelso* causa mediata;  
porro enim opus est, stupefactivo, mordifi-  
cativo, & inebriativo fumo, cum sola mordica-  
va seu acris aut alio modo molesta causa  
hic affectui generando idonea sit? Et sanè, dif-  
ficilimum fuerit, istiusmodi Sulphur Vitriolatū  
omni temper epilepsiâ ostendere. Possemus  
ἐπὶ πρῶτον, sed quia statuendum est aliquid, ut,  
quid statuendum sit, doceamur, non incom-  
modè, quæ superius de *Convulsione* innuimus,  
hic affectui quoque accommodari posse, im-  
mo debere arbitramur.

XV. Verum *Lethargum* à pituitotâ ce-  
rebri

rebri inflammatione, Nothum verò à vaporibus in febris pituitosâ primaria, vel à pituitâ copiosâ in cerebro collecta ibique à calore fusâ & liquatâ provenire, (non exclusâ interim serossâ *Pisonis* colluvie) qui docent, uti autoritatibus minimè destituuntur, ita quoque rationibus haut ficulneis militant; quod si verò cuipiam per principia chymica hæc explicare magis arripeat, non displicebit, quandoquidē fortè non nisi *verbalem*, minimè verò *realem* fore dii sensum, persuasum habemus.

XVI. Rectè Autor *Phrenitidem* definit per *delirium*, quippe quod longè accuratiùs quàm Inflammatio, genus proximum absolviit neque rationes in contrarium afferri solitas nos, ut aliter sentiamus, movere possunt. Ceterū cum *diaphragmate* (quod τῶν φρενῶν nomine exprimunt Græci) inflammato *Paraphrenitis* fiat, non incommodè hinc gryphi illius *Pliniani* in *Heraclidis* antro inclusi: *Atque*

*etiam morbus est per sapientiam mori,*  
explicationem quidam deduxerunt.





## EXERCITATIO X.

DE

## CAUSIS SYMPTOMATUM

VITALIS ET NATURALIS

FACULTATIS.

I.

Cùm Medicus Facultatum considerationem tantùm instituat, quatenus eadem conservari, aut etiam læsæ restitui debent, hinc easdem potissimum in respectu ad operationes perpendit; eas autem ope instrumentorum perfici conat, ubi secundùm veteres tria principalia membra sese offerunt, *Cerebrum* nempe, *Cor*, *Hepar*, quorum primum *animali*, secundum *vitali*, tertium verò *naturali* facultati præest.

II. Numeratur autem hæc etiam *vitalis* facultas peculiariter, non quod sit *διωαμης* τῆς *ψυχῆς* à reliquis distincta, (revera enim à *vegetativa* facultate separari nondebet, cùm ipsa

K

spi-

spirituum vitalium generatio, quæ ab hac potentia vitali perficitur, coctionis quædam species) sed quòd in homine, & aliis perfectioribus animalibus, ceu benè monet *Autor*, perfectiorem vivendi modum constituat, quatenus in Corde, vitæ fonte, tanquam in certo suo principio residet, ita ut nobilior vegetativus gradus esse videatur.

III. Affinitatis, quæ *Respirationi* cum *præsentis* intercedit, jamdum *Exercit. 3. th. 22.* mentionem fecimus; nunc quoniam Cor *ἀνθρώπου* negotium absolvere absque respirationis adjumento nequit, non malè *Autor*, causas quorundam læsarum respirationum commodè huc referri posse, autumat.

IV. Qualis nam verò actio sit *Respiratio* non eadem est autorum sententia: Nos illi subscribimus, qui *Respirationem*, quæ motus est, *actionem animalem*; quæ autem motus ille animalis à necessitate naturæ injungitur seu qua motrix facultatis animalis ad talem actionem impellitur, non ab objecto externo sed ab insitâ naturâ, eamque *Respirationem naturalem functionem* esse, statuunt.

V. Tres *ζυγῶν* differentias qui non solum

grati



radibus, sed longissimis intervallis à se invicem differre volunt, æque ac illi, qui jam tempore *Aretæi* os ventriculi sedem eligebant, non errare videntur. Cæterum sanguinis & spiritum in corde detentionem, seu circulationem sanguinis inhibitam, adeoque συρρότης sanguinis ex sinistro cordis thalamo in partes deductum (non totalem quidem, neque levem, sed) mediocrem, immediatam συγγρηπής causam putamus.

VI. *Cordis palpitationem* ab irritatâ Facultate vitali dependere plurimi censent; verum et nos quoque facultatem Cordis pulsificam vitalem agnoscamus, neque, ut nonnulli, Facultatis mentionem illicò nauseamus, cum istiusmodi irritationē pro causâ palpitationis immediatâ non habemus: actio enim talis palpitationem non facit, sed potius modum errabundū simpliciter, non autem παλμάδην vitium sanguinis motum hic utriusque paginam implere, quem & *Galenus* 5. *loc. aff. 2.* disertè innuit, dum sanguinis hic tractionem maxime commendat, adeoque curatione nos arguere causam morbi, morbum scilicet sanguinis impeditum vel vitiosum, docet.

VII. Genuinum *Asthma* nonnullis obstructione tanquam proxima provenire causâ, dicitur: nobis vero angustia propius accedere videtur, quæ vel ex obstructione vel ex compressione meatuum & vasorum pulmonum, tanquam causâ remotiore dependet. Etsi verò diaphragmæ & vasa etiam à tenui, & seroso humore, nec non à flatibus, obstrui possint, verum tamen asthma nobis non videntur producere neque hoc nisi ex materia crassâ, contumacia & pededentim bronchia pulmonum opplescente & coarctante obiri arbitramur.

VIII. Veteres *χίλων* læsam *Imbecillitatem* nomine appellabant, sed non sine reprehensione *Galen* 7. M. M. 2 quod scilicet non sup-  
vulgus saperent, qui infirmitatem impotentiamque ad naturale opus ita nominent & imbecillum ventriculum eum esse dicant, qui non concoquit, vel minima atque levissima, quam assumpsit: Cum nimirum imbecillitas non potest vasa aliquis affectus, se junctusque sit, sed communius quid exprimat, *Intemperiem* scilicet quam ratione imbecillitatem explicat 2. M. M. 8  
Cæterum læsæ Chylificationis causam non solum in ventriculi caloris, sed & fe-



menti ejusdem impotentia & adulteratione præcipuè quærendam esse, Recentiores docent.

IX. Substantiam ventriculi membrana-  
ceam, & quàm variæ fibræ carneæ hanc permeent, si quis probè consideret ea, quæ de læsione *attractionis, retentionis, & expulsionis* ventriculi docet *Autor*, fundamento minimè carere haud difficulter deprehendet; imprimis tunica secunda, quæ propriarum prima, situ verò media est, hoc assertum maximè confirmat. Cui bono enim mira illa fibrarum omnis generis textura? non nisi ad robur, dicunt plurimi; nos verò etiam ad motum varium facere censemus.

X. Distributionem Chyli per mesaraicas ad hepar (cujus meminit *Autor*,) sunt & ex Recentioribus qui adhuc defendant; neque inutilis meditatio est, licet inventis vasis Lymphaticis non parum hæc sententia sufflaminetur. Quid tum? Veritas ubi aurem vellicat, honestè licet sententiam mutare.

XI. *Αποφύαν* à denegato nervorum succo nutritio provenire qui statuunt, benignè audiendi sunt: quod si enim cum grano salis horum acceptetur sententia, fortè cum veritate.

conciliari poterit, siquidem ad nutritionis perfectionem spirituum animalium influxum omninò requiri, res ipsa loquitur.

XII. Καντιφία, præterquam quòd pravas plerumque facultatum actiones circa alimentum transmutationem sequitur, ipsius sanguinis δυσκρασίας minimè hic excludendam esse, non obscure docet. Pertinet huic illud Hippocr. quando 6. Epidem. s. 4. aph. 26. *Æquum esse, inquit, prout se habuerit alimentum, ita etiam externas corporis partes affectas esse.* Et hoc Elephantiasis, Scabies, aliæque id generis vitia ὀφθαλμοφανῶς ostendunt.

XIII. Qui damnatâ & planè rejectâ bile flavâ, aliud lèteri subiectum, & causam, virus nempe excrementosum, seu stercus flavum liquidum, secundæ digestionis foetum sursum p. n. in venas raptum, & per corpus diffusum, constituunt, parùm nos movent, qui hætenus lèteri causam non nisi in bile quarendâ esse, cum Scholâ Galenica persuasum habemus.

XIV. Massa sanguinea cùm sanguine, pituita, bile & melancholiâ, ex opinione Veterum, vel, juxta Recentiorum placita, particulis heterogeneis salinis, sulphureis faculentisque



tiisque terrestribus &c. constet; habitum corporis pro harum vel illarum particularū abundantia mirè variat; nempè qui viret in foliis, venit è radicibus humor: Quin& ipsum sanguinis *serum*, dum substantia, qualitate, quantitate motu, loco, & tempore peccat, quam non morborum vicissitudinem symptomatumque congeriem producit?

XV. Aquam illam, quæ continens *Ascitis* causa est, à læsâ semper sangvificatione dependere voluit *Galenus*; lædi verò sangvificationem à frigidâ epatis intemperie, scribit *L.* de loc. affect. cap. 7. & alibi, immo hydropis causam in ultimum refrigerationis epatis gradum reducit: verum præterquam quod de sangvificatione hepatis aliter nunc sentire nos jubent Recentiorum *avulsiæ*, & inventa anatomica, constat etiam lienem, imo pleaque viscera symbolum hîc conferre; quandoq; verò ab externo saltem errore, sine visceris alicujus vitio, malum hoc oboriri. Cæterum *Asciten* potius ab intemperie calidâ quàm frigidâ nasci, & autoritati Hippocraticæ doctrinæ, & rectæ rationi, & experientiæ respondent.

XVI. *Sterilitatem* partium genitalium p. n. constitutio, quæ consistit in læsâ temperie conformatione, compositione, solutâ unitate &c. proxime producit; hæque causæ vel occurrunt in mare vel in foeminâ, vel in utroq; simul. Interim non rarò sterilitatem quoq; inducunt veneficia & maleficatorum incantationes, quibus ligari homines posse, & rationibus & exemplis confirmatur. Magis autem maleficia hæc in viris, quàm foeminis, exerceri, pleriq; ferre censent: posset tamen quis existimare, foeminas magis faciliusq; tentari sterilitate, cum plures hîc subsint causæ, quibus sterilitas induci potest.

XVII. Inter varia, quæ circa vim generatricem occurrunt ἄλμπι, meritò refertur *Mola*, per quam nonnulli aquæ seu flatuû in utero collectionem alii induratum uteri tumorem intelligunt, sed minus rectè: hæc enim potius ad tumorum p. n. species, aut falsam ingravidationem pertinent, vera autem mola est σάβη δὲ γῆ, καὶ ἀδύναμις τοῦ ἔμβρυου, docente Galeno 14. M. M. 13. Num verò & viduæ & virgines quoque molas excernere soleant, rogati, respondemus: impropriè sic dictas sive nothas.





## EXERCITATIO XI.

DE

CAUSIS SYMPTOMATUM  
QUALITATIS MUTATÆ, AC RETEN-  
TORUM ATQUE EXCRETO-  
RUM P. N.

I.

**H**Actenus de Causis Symptomatum  
*Actionis læsæ* vidimus ; nunc *Autor*  
nos deducit ad examen eorum, quæ  
superfunt, generum, nempè *Qualita-*  
*tem mutatam & Retentorum atque Excretorum*  
*vitia.*

II. Qualitatem mutatam hîc non nisi  
tam consideramus, quæ per se actionem non  
edit, quamque sensuum objecta p. n. in cor-  
pore nostro constituta producant, uti videre  
est apud *Galen. l. de diff. symptom. c. 5.*

III. Sic *Visu* colores totius corporis, vel  
partium mutati percipiuntur ; horum autem

L

cau-

causæ sunt humores vel naturâ tales, vel corrupti, veluti cum icterus oritur vel à bile, (quâ superius dictum est,) vel à viperæ mortis sic Leucophlegmatia à pituitâ, esu cretæ, & milium, producitur; Dentes quoque alimenti vitio, vel ab illis, quæ ventriculus eructat & flatibus, item à *Mercurio* peculiariter, dentibus infenso; lingua item à fuliginibus æstu febrili oriundis, denigrantur; quin ungues eodem modo inficiuntur & decolores redduntur.

IV. *Auditus* vox mutata & insolens soni uti sunt murmur, strepitus, dentium stridor & similia, à partium formationi Vocis, sonorumque generationi dicatarum dispositio p. n. oriundi, cognoscuntur.

V. *Odoratus* mutata qualitas est foetoris omnis & graveolentia, ubi homo vel ex toto corpore, vel ex parte aliquâ, ut ore, naribus, auribus, alarum regione, inguinibus vel pedibus pravum spirat odorem: pertinet huc exemplum virginis, cujus meminit *Autor T. Oper. Medic. p. 553.* quæ aliâs sana, intolerabilem putrescentis cadaveris fætorem è toto corpore expirabat. Foetoris autem è toto corpore



DE CAUS. SYMPT. QUAL. MUTATÆ, &c. 83

endi, præter temperamentū calidum & humidum, non rarò scorbutus fomes & causa existit: c etiam in reliquis dictis partibus excrementorum humorum copia, & corruptio utramque paginam implet.

VI. *Sapores* mutantur, quando sputum, vel alia quæ ad os defluunt, vel per id expuntur, acerba, amara, salsa, vel aliter gustui offeruntur. Has verò qualitates, cum non sunt partium corporis, sed excretorum, commodius *Excretorum* & *Retentorum* albo in-tribi quidam autumant, cum quibus equidem non litigabimus.

VII. Circa *Tactum* denique qualitates mutantur, ubi corpus vel secundum totum vel secundum partem, p. n. calidius, frigidius, &c. durius, asperius &c. redditur: quas qualitates omnes huc pertinere, quatenus insensibus in corporibus ægrotantium deprehenduntur, & variis morbis originem suam habere possunt, *Autor* benè & utiliter monet, cum quo itidem consentimus, quando & communium sensibilibus nos habere rationem vult, quandoquidem & hæc, æque ac insensibile proprium, per morbos diversos, uti

in figurâ patet , in statum p. n. transmutari possunt.

VIII. Ex hisce patet, utrosque verum dicere, & qui *triplex* Symptoma in qualitate mutatâ, & qui *quintuplex* statuunt; illi enim respectu *subjecti*, hi vero respectu *sensus externi* ita cum *Galeno d. l.* decernunt.

IX. Circa *Excretorum & Retentorum* verò symptomata non ad ipsam excretionem sive excernendi actionem, sed tantum ad materiam, quæ excernitur, & à statu naturali secedit, respici debere, exinde facile colligitur, quod aliâs ipsa sive excretio, sive retentio, si vitiosè fiat, ad actionum potius læsarum symptomata pertineat.

X. Sanguinis excretionem dum toto genere p. n. dicit *Autor*, id non tam respectu ipsius vitæ thesauri, quàm potius respectu *modi*, & *loci*, quo & per quem profunditur, intelligendum est; pariter, quando ab affectu *Veneriarum* p. n. proximè hanc excretionem dependere docet *Autor*, eatenus benignè recipi debere censemus, quatenus *φλεβῶν* nomine omne vas sanguinem, sanguinisque materiam vehens intelligi potest. Neque est ut quis

dubii



subitet de latiore hujus nominis significatio-  
 ne : φλέβας γάρ, teste *Erotiano*, οἱ ἀρχαῖοι καὶ τὰς  
 ρτηρίας ἐκάλεον : Consentiantque teste *Galen*.  
*Epidem* 6. quotquot commentati sunt  
 in libb. Hipp. Venas non ab illo solùm,  
 ἀλλὰ καὶ ὑπὸ πολλῶν ἄλλων παλαιῶν ὀνομάζεσθαι καὶ τὰς  
 ρτηρίας.

XI. Cur verò hîc excipiat<sup>r</sup> sanguinis  
 fluxus, Criticus qui vocatur, & naturæ robore  
 perficitur, facile videt, qui discrimen inter  
 τῆς φύσεως ἔργα, καὶ συμπτώματα intercedens, eô  
 quo par est modo, videt.

XII. Nec lunare tributum, nisi limites  
 naturâ præfixos transcendat, συμπτωματικὸν  
 dici debet, cùm vel maximè κατὰ φύσιν, ex na-  
 turæ providentiâ sequiori sexui conveniat:  
 sed non fluere, vel diminutè, vel depravatè,  
 hoc jam symptomaticum est.

XIII. Unde verò sanguinis & fluxûs  
 menstrui vitia dependeant, & sanguinis & vaso-  
 rum consideratio facile docebit: hic enim sive  
 albus sive ater, foetidus, flavus, aquosus &c.  
 apparuerit, vel χύλωσιν vel αἱμάτωσιν, aut orga-  
 νῶν, aut objecti culpâ læsam; hæc verò p. n. com-  
 positionem non obscurè ostendent.

XIV. Vomitus, quâ actionem vel motum depravatum dicit, alterius loci est, at habito respectu ad *materiam* quæ excernitur, symptoma in excretis est; ubi id omne quod excernitur, quatenus vel *substantia* peccat, viciatur à naturâ, quoad *qualitatem* aut *quantitatem* aberrat, sub præsentem cadit considerationem.

XV. Quando verò talis materia molesta non solum vomitu, sed etiam dejectione, adeo quæ ἀνω καὶ κάτω rejicitur, *Cholera* oritur, quam utriusque orificii ventriculi irritati motus producit. Irritationem autem hanc à specificâ quadam & occultâ corruptione fieri, alia quæ concurrere solent, συμπτώματα non parùm confirmant.

XVI. Intestinorum fæces dum omnimodè retinentur, cum dolore & vomitu concurrente, malum oboritur, quod *Volvulus* seu *Ileon* vocant, cujus causam ἄμεσον statuiamus motum facultatis intestinorū περιτέλιον cum convolutione, nonnunquam etiam mutuô ingressu, & τῆς συνεχείας λύσει fiende, aut quæ βιαίως καὶ ταχέως agente.

XVII. Porro excretæ fæces dum qualitate peccantes, calidæ, nigrae, rubrae, flavæ, albæ  
cantess



cantes, duræ, acres, & spumosæ apparent, jam  
variis nomina vitii imponunt, & caloris par-  
tim debilitatem, aut fortitudinem, partim rei  
admistæ contrariæ varietatem, partim etiam  
facilem aut difficilem ciborū tum concoctio-  
nem tum corruptionem innuunt.

XVIII. Ad Excretorum toto genere p.n,  
classẽm pertinent & *Calculi* & *Vermes*, de quo-  
rum generatione *Exerc. 6. Th. 18.* nonnul-  
la inseruimus; cæterum qua ratione huc per-  
tineant, & quâ sub censum causarum morbi-  
licarum veniant, ex dictis facilè liquet

XIX. Velox eorum, quæ bibuntur, tran-  
situs, ubi talia me juntur, qualia pota sunt, *Dia-*  
*beten* constituit, cujus commodam explicatio-  
nem vasorū lacteorum & lymphaticorū com-  
mercium suppeditare, Anatome οφθαλμοφανῶς  
locet, ut opus nō sit confugere ad aëris in arte-  
riis resolutionem, quam nonnulli adducunt.

XXII. In *Catarrho seu defluxione Cerebrũ*  
unicè accusare solitos esse Medicorū pleros.  
que, notum est: neque id sine veterum autori-  
tate factum cernimus. Ipse *Hippocr.* vel qui-  
unque autor *libr. de princip.* vel *carnib.* non  
nullam ob rationem Cerebrum μητρόπολιν τῆς  
ψυχῆς.

ψυχῆ καὶ τῆ κοινώδεως vocavit, & ab hac sententiâ vix latum unguem discedit *Galenus*, expressè enim *lib. 3. de Sympt. caus. c. 4. Catarrhi*, inquit, & *coryza causa est cerebrum*, cùm perfrigeratum quidem est, &c. & *lib. 6. de tuend. sanis c. 12.* in catarrhorum curatione ad cerebrum utpote à quò excrementa decidunt, respiciendum esse monet. Verùm enim verò laudamus veteres, sed nostris utimur annis, ultio Virorum de re medicâ optimè meritorum industriad, sæculique felicitate edocti scimus, nec caput, neque cerebrum in eo contentum, neque ejus partes pro termino à quo hîc venditari amplius posse, vel debere, sed potius in sanguineâ massâ quærendum esse, quod antiqui in Cerebro se jamdum invenisse persuasum habebant.

XXI. Ad singularia partium quarundam contenta pertinet etiam *lac mammarum*, quod non tam sanguinis, quàm chyli sobolem efficitur firmissimæ, ut nobis videntur, rationes evincunt. Hinc unde tùm abundantia lactis, tùm defectus illius sit, facili negotio expediri potest: nobis verò, ut hoc negotium expediamus, chartæ angustia non permittit.





## EXERCITATIO XII.

DE

# DOCTRINA SIGNORUM IN GENERE, ET DE SIGNIS DIAGNO- STICIS INSALUBRIBUS IN SPECIE.

I.

**M**agna methodi Semeioticæ utilitas est atque necessitas. Licet enim necessaria non sit ob cognitionem curationis, nihilominus tamen ob curationem ipsam maximè necessaria est.

II. Nonnulli existimant, de ratione & sentiâ signi esse, ut sit cognitum sensu; Vem nos aliter opinamur, siquidem multæ res possunt esse signa, quæ tamen non sunt cognitæ sensu, possunt enim esse cognitæ intellectu. Interim pleraque signa & sensu cognita, & ita habent, optima esse, libenter concedimus.

M

Qui

III. Qui vero apud Medicos alia esse signa , quàm apud aliarum disciplinarum scriptores, censent, à vero aberrare nobis videntur, nisi materialiter & quoad applicationem illorum explicetur sententia. Cæterùm signum, uti in aliis disciplinis, ita quoque in arte Medicâ notum quid est ignoti manifestativum; vel, quicquid manifestius existens, in cognitionem illius, quod est occultius, ducere nos potest.

IV. Nulla res potest esse signum alicuius rei, cum quâ non habeat connexionem aut dependentiam: aliter si esset, omnes res omnium essent signa, & indistinctè unum quodque posset esse signum alterius, quod tamen manifestè falsum. Intelligi autem hæc de signis naturalibus, non artificialibus debent.

V. Præcipua vero dependentia atque conjunctio, quæ inter res intercedit, est ratione cujusdam mutuæ causalitatis, quam habent inter se, quòd una scilicet vel sit causa, vel effectus alterius, vel duo effectus ejusdem causæ hinc est, ut, quæ mutuam quandam inter causalitatem habent, illa se mutuò maximè signa



significant ; & sic præcipua virtus ac ratio significandi à quadam causalitate, quam habet signum cum signato, dependet. Hinc quicquid est causa vel effectus alterius, esse etiam alterius signum potest.

VI. Cum præterita ideò in memoriam evocentur, ut vel præsentis dispositiones melius innotescant, vel futuri earum eventus prævideantur, non incommodè signa *ὑποκρίσιν* sub diagnosticis & prognosticis comprehenduntur.

VII. Signorum generales fontes sunt *essentia, cause & effectus*. Si quæ forte alia occurrunt, eò reduci queunt. Essentiam vero medicè hîc atque latè accipimus, & illius nomine non solum rei ipsius formam, sed etiam genera, differentias, partes, & proprietates, si-  
ve essentielles sint, sive accidentales, usurpamus.

VIII. Quamvis autem in singulis rebus cognoscendis ex omnibus fontibus signa hauriri non possunt, nihil tamen propterea illorum utilitati decedit, immo tantò uberiores quilibet prorudit rivulos, ita ut nunc ex solis effectibus, nunc à causis, nunc ab ipsâ  
M 2 essen.

essentiâ signa necessaria sufficienter suppetari animadvertamus.

IX. Ex signis quæ proponuntur, alia quidem magis, alia minus efficaciter indicant, sed tamen ex omnium collectione, res quam inquirimus, certò demonstratur: interini perpetuò ferè ab effectis multò plura & certiora signa, quàm à reliquis duobus fontibus desumuntur.

X. Signorum divisionem, quâ in anamnesticâ, diagnosticâ, & prognosticâ dispescuntur, non admodum bonam quis pronunciarere posset, ex eò quòd illius membra ita distincta non sint, ut unum alterum esse nequeat: id quod tamen aliàs ad bonam divisionem requiritur: Hic vero membra divisionis sæpè coincidunt, & unum idemque signum diagnosticum & prognosticum &c. esse potest. Sed faciliè solvitur hic nodus, siquidem dicta signa necessariò differre non debent, sed sufficit, si secundùm rationem differant.

XI Cùm signa pathognomonica ducantur habere: & quòd essentiam morbi indicent, & quòd cum morbo oriantur, dubitari potest, in utro horum essentia consistat? Nos consi-

stere



stere opinamur in indicatione speciei morbi, minimè verò in eò, quod simul appareant, id quod vel ex nomine *τὸ παθὸν γνωμονικὸν* patet.

XII. Licet in aliquibus morbis unum solum signum per se sumtum esse possit signum pathognomonicum, id tamen non necessariò in omnibus requiritur; Quin immo in aliquibus morbis nonnisi valdè multa signa simul sumta morbi demonstrationem absolvunt.

XIII. Partis affectæ signa ex quinque fontibus desumit *Galen.* & ex eò *Autor* idem docet; non id quidem damnamus, attamen ad res illos supradictos commodè referri posse, sicque memoriæ magis consuli opinamur.

XIV. In quibusdam tamen morbis partem affectam determinare, rem non adeò facilis negotii esse, eò lubentius concedimus, quò plures nunc exortas videmus de partibus affectis in nonnullis morbis sententias, quas Recentiorum diligentia, curaque accuratius in quarundam partium actionem & sum inquirens, cum magno Artis incremento, ut suppeditavit, ita & confirmavit.

XV. Benè, & ad rem *Seneca, Epist. 57.*

Omnia vitia , *inquit* , in aperto leniora sunt morbi quoque tunc ad sanitatem inclinantur cum ex abdito erumpunt , atque vim suam proferunt.

XVI. Quà morbi specie æger laboret docet *Galen. l. i. de loc. affect. s. colligi ex symptomatibus proprijs, excretis, loci naturâ, & doloris proprietate.* Quid verò obstat, quò minus ex prædictis supra fontibus idem hauriamus?

XVII. Non enim solùm morbi species sed & adjuncta, *magnitudo sc: qualitas, motus & tempus* per diagnostica signa inveniuntur sunt; ex quo non obscure patet, signa *cruditionis, & coctionis*, malè ad sola prognostica signa referri, neque meliùs, τὰ σιωεδγεύοντα, ἐπιφασιόμενα καὶ ἐπιγνώμενα eòdem pertinere , à quibusdam censerì.

XIIX. Signa *distinctiva* , quorum subsidio diversi affectus , magnam inter se symptomatum similitudinem habentes , discernuntur , tantò accuratius examinanda sunt quantò periculosior illorum neglectus est consuevit.

XIX. Cùm causa noxam inferens in curatione necessariò præcognoscenda sit, me-  
nec



ente *Galen. 5. de placit. 4. artificioso signorum*  
*χασμῶ* maximè hîc opus est : interim viden-  
 ur hæ fontes illos maximè agnoscere. Num  
 ergo aliunde hauriendum , quod huc confe-  
 rent ? Non arbitramur.

XX. Quando *Plethoram* distinguunt in  
 am , quæ est *πρὸς δὲναμιν*, & quæ *πρὸς ἀγγείαν*,  
 non levis oboritur difficultas, quandoquidem  
 nulla plethora vera ad vires observatur , quæ  
 non simul etiam ad vasa sit. Parva enim copia  
 sanguinis, quæ vasa haut distendit, quæ quæso  
 tribus molestiam afferat ? Quin potius tûm,  
 quando citra vasorum distensionem ἢ δὲναμιν  
 quodammodo labefactatur , cacochymia ex-  
 ordia gliscere, signorum oracula si consulamus,  
 prehendere dabitur.

XXI. Cacochymia uti diversa est , ita  
 quoque diversa obtinet signa. Veteres quidem  
 non nisi cacochymia *biliosa*, *pituitosa*, & *melan-*  
*bolica* mentionem faciunt ; Ex recentioribus  
 tamen non pauci quartam adjecerunt speci-  
 em, quæ cacochymia *serosa*, à sero humore in  
 illâ prædominante , dependens vocitatur ; &  
 nè non frustrà hanc reliquis annumerari,  
 corbutus, alique affectus serosi plures, haut  
 diffi-

difficulter evincunt. Nec minus *Serum* suis seſſe prodit indiciis, quæ tanto accuratius ab aliis diſtinguenda ſunt, quanto intimius hoc *περιλαμα*, veluti quodpiam menſtrum univerſale omnium humorum tincturas in ſe ſuſcipit, & bilioſum, ſanguineum, lacteum, nigrum, immo varios & mixtos ſæpè colores repræſentat.

XXII. Sunt vero *ſeri* abundantis ſignæ oppidò multa, ubi ſputatio multa, ad ſudorem magna pronitas, facies, pedesque œdematoſi, pruritus multus per totam cutem ſine ſcabie aut puſtulis, ſitis, & *ἀτροφία* primum locum obtinere videntur; quibus levamen ab *Hydragogis* perceptum coronidem quaſi imponit.

XXIII. Inutilibus verò ægrum quaſtionibus ut ne oneremus, rerum ſecundùm & p. n. ſeriem prudenti brevitæ percurremus, recordantes ſubinde aureæ illius ſententiæ, quâ *Hippocrat. libr. de affect. tx 36.* interrogare jubet: *αὐτὰρ αἰ, καὶ ἐξ ὅτε, καὶ ποσῶς, καὶ τὴν κοιλίῳ εἰ διαχωρεῖ, καὶ διαίταν ὑπὸ τίνι διαίτῳται;*

Sic commendatæ nob. ab *Hippocr. βραχυλογίης* laudem καὶ ὤς, nec ſine laude noſtrâ, aſſequemur.





## EXERCITATIO XHI.

DE

## PULSIBUS.

I.

**C**Um Facultas & vires tùm in præfenti  
 fanitate tuendâ, tùm etiam in absen-  
 ti seu labefactatâ restituendâ primum  
 locum obtineant, & mediante pulsu  
 facultatis robur atque debilitatem, teste *Ga-  
 leno l. de curand. rat. per sangv. miss. c. s.* co-  
 gnoscamus, non obscure patet, quantum inter-  
 sit Medico, ut doctrinam de pulsibus cognita-  
 tam perspectamque habeat.

II. Pulsus equidem primariò Cor ipsum,  
 ac vitalis facultatis conditionem ac robur  
 concernit, consequenter tamen totius cor-  
 poris constitutionem declarat: Illius enim  
 pulsificâ virtute vita in universo corpore fove-  
 tur, omnibusque partibus actualis calor com-

N

muni-

98      EXERCITATIO XIII.

municatur, hinc denique animalis & naturalis virtus in corpore sustinetur ac viget. Huius motus hic *ἡ ζωὴ vitalis* dicitur, vel quod vitam immediatè sequatur, vel quod vita sine eò minimè perduret.

III. Ut verò nemini *cordis* motus, quem *Pulsus* vocamus, non notus habetur, ut per sensibus externis obvius, sic vera illius ratio multis semper difficultatibus involuta fuit, donec sanguinis circuitus inventus illis, quibus talia præprimis curæ cordique sunt, veluti famulam prætulit, eosque in rem præsentem duxit.

IV. Est itaque *Pulsus* motus quidam Cordis proprius, constrictione illius ac dilatatione, concurrente geminâ inter hæc quicquid seu morulâ, constans, ac partim à peculiari Cordis facultate, partim à sanguinis aliunde ipsum influxu dependens. Hinc autem similis quoque motus arteriis, per sanguinis sc. reciprocum in illas impulsus, atque ex iisdem in venas transgressum communicatur.

V. Facultatem Cordis qui pro commentitiâ habent, solique sanguinis impulsus hunc deberi volunt, invitâ plane Nature



urâ naturam cordis præterire videntur. In  
erim satis luculenter hæc in συστολή, constri-  
ctione cordis, apparet, dum in διαστολή sangui-  
is se præsertim natura prodit.

VI. Certè tam ordinatæ recipocratio-  
is, & iteratæ contractionis ratio aliunde, quã  
iplo Corde, insitâ facultate sese contrahen-  
ti, ac materiam turgescens propellendo  
teriolem sui distensionem inhibente, desu-  
ni nequit, neque quicquam evincere eos opi-  
amur, qui, ut omnem cordi ab insitâ facul-  
te motum derogent, in vivi cordis dissectione  
e illas duntaxat partes, quæ versus basin il-  
lus conspiciuntur, aliquamdiu pulsare, quòd in  
as aliquid novi sanguinis ex vasis, & quæ his  
hærent, auriculis influat, partes verò quæ ad  
spidem sunt, non pariter movere perhibent;  
ngè enim aliud experimenta & observata ve-  
sima loquuntur.

VII. Sed quorsum hæc ? dicet fortè  
quis, cùm alterius potius loci videantur ?  
empè ut de pulsuum *differentiis*, quas multis  
ficultatibus etiam nunc involutas esse auto-  
m dissensus docet, commodius, dilucidius-  
e sententiam dicere queamus.

VIII. Tria igitur circa *Pulsum* accuratè cognoscendū consideranda veniunt, 1. *Facultas* ipsa, quæ movet, pulsumque efficit, 2. *Instrumentum*, quò Pulsus peragitur, exploratio tactus expositum, nimirum *Arteria*; & 3. *Necessitas* hujus motus, quâ ipsâ facultas movendum concitatur atque impellitur.

IX. Hæc nobis instar cynosuræ esse possunt, si quando otiosa ἀκρίβεια in variè excogitatas pulsum differentias sese diffundit: unum enim pro horum omnium ac singulorum diversitate diversimodè mutatur Pulsus; ita atque iisdem quoque veluti fontibus simplices atque absolutæ differentiæ (è quibus postmodum compositæ & relativæ fiunt) commodè, ut quidem nobis videtur, & compendiosè petuntur. Quod si enim Galenum hîc ducem sequi animus fuerit, verissimum deprehendemus, quod alii de eò judicium tulerê, multum scilicet mentem ingeniosam confinxisse, quæ sensus assequi nequiverit.

X. Igitur *Facultatis* ratione pulsus alius *vehemens*, seu *validus*, alius *languidus*, seu *imbecillus*, alius *mediocris* existit, prout vel valide vel languidè, vel mediocriter tactum ferit.



XI. In *Instrumento* seu *Arteriâ* substan-  
 tiâ & contenta spectantur. Ratione *substan-*  
*tiæ arteriæ* pulsus est vel *mollis* vel *durus*, vel *me-*  
*diocris*, prout arteriæ tunica vel tenera & laxa,  
 vel rigidior ac durior, vel mediô modò depre-  
 henditur. Ratione verò *Contentorum* in ar-  
 teriâ alius pulsus *plenus* est, quô non modo am-  
 pla ac turgida, sed perfusione sanguinis & spi-  
 ritus plena deprehenditur arteria ; alius *vacu-*  
*us*, quô licet utcunque turgeat arteria premen-  
 sibus digitis, nihil tamen, solidum firmumque  
 quod sit, subsistere advertitur ; *mediocris* ho-  
 rum | medium tenet.

XII. A *Necessitate*, seu *Uso*, (quem cau-  
 sam pulsus generantem seu efficientem esse,  
 quidam negant, ejusque loco objectum vel  
 sanguinem, unâ cum iis, quæ in eô continen-  
 tur, substituunt ) uti motus ipse facultati in-  
 iungitur, ita pendet ab eâdem *quantitas mo-*  
*tus*, *tempus motûs* ac *tempus quietis*, quæ inter  
 contrarios motus intercedit. Sic ratione  
*quantitatis in Motu*, pulsus vel *magnus est* vel  
*parvus*, vel *mediocris* : ratione *temporis mo-*  
*tus* vel *celer* vel *tardus*, vel *mediocris* ; ra-

tione tandem *temporis quietis* alius *crebescens* vel *frequens*, alius *rarus*, alius *mediocris*.

XIII. Atque hætenus *simplices & absolutas* pulsum differentias delibavimus, ad quorum exemplum *compositi* pulsus dijudicandi veniunt. Ad relativas verò pulsum differentias constituendas spectari solet *æqualitas, ordo, & Rythmus*. Sed jam plus satis; necesse est, ut pulsum *undosum, serratum*, aliosque quos nonnulli in rerum naturâ dari planè negant, nos verò mente potius concipi, quàm manu indagari posse, persuasum habemus, in utiliter addamus: nullius enim in *Σημείωτικῇ* habenda pulsus ratio est, nisi qui sensu ipso deprehendi potest, cùm quæcunque ratione finguntur, extra artis usum esse constet.

XIV. Amorem ex pulsu probabiliter aliquando deprehendi posse, qui statuunt, nobis non contrariantur, qui, cùm idem etiam de aliis affectibus, quibus determinatus pulsus non assignatur, dici possit, ne quidem amatorum dati proprium putamus.

XV. Pro diversitate temperamenti ætatis, sexûs, vitæ generis, temporum anni, regionum, tempestatum, morborum, horumque

cau-



causarum variè pulsus mutari lubenter quidem concedimus; quòd verò omnes illæ differentiæ solo pulsus tactu dignosci, & quidem solidè ac sufficienter possint, minimè arbitramur.

XVI. Pulsus intermittens non semper vitæ periculum portendere, sed quibusdam naturalem esse, multosque cum deterioris notæ pulsu jam inde à primo ortu vitam suam ad adultam senectutem produxisse, tàm certum est, quàm certò pulsus retractus & convulsivus semper suspecti sunt, semperque imminens aliquod discrimen denunciant.

XVII. Licet admiranda ex pulsu pronittant *Ægyptij & Sinenses*, nihilominus tamen haut temerè ex pulsu solo judicandum esse statuimus, memores consilii quod *Celsus* dat, quando; *intueri quidem illa oportet, inquit, sed his non omnia credere.* Et facilè nobis subcribet, qui, pro diversâ corporis & animi constitutione variari pulsus & posse & solere, diligentius nobiscum considerabit.

XVIII. Hinc etiam facilè liquet, de pulsu naturali iudicium minimè ferendum esse, dum externarum & incidentium causarum impe-

104 DE PULS. EXERCITATIO XIII.

impetus & efficacia in corpore adhuc viget, & præsens est, vel dum vestigia operationis earundem in corpore producta, nondum sopita atque deleta advertuntur.

XIX. Neque spernenda præcepta atque monita sunt, quæ de requisitis ad pulsus cognoscendos necessariis, & tam *Medicum*, quam *Agrum*, ipsumque indagandi modum cernentibus, à plerisque inculcari solent, quibus, quæ *Cardanus* in *Arcan. Politic. c. 92.* meminet, non superfluè addentur.

XX. Non raro pulsus ex oppressione virium, ob plethoram, intercipitur; Quæ verò à nonnullis de abolitò ad multos annos articularum motu recensentur, non sine dubitatione nos dimittunt. Digna interim sunt, in quorum causas accuratiùs inquiratur. Cæterum quod de signis superiùs monuimus, ubi singulorum collectionem commendavimus, in præsertim in exploratione pulsuum locum meretur, ex quò solò Medicus famiæ suæ consulturus nunquam sententiam dicet, sed semper & *Respirationem*, & *Linguam*, & *faciem* ægri (nam hæc etiam *frons* & *oculi* loquuntur) idque generis alia in consilium unà adhibebit.





# EXERCITATIO XIV.

DE

## URINIS.

I.

**A** Pud *Aeginenses* Achaiae templum est Cereris, ac fons proximus, in quem agri post peracta sacra despectantes, morbi valetudinisq; exitum cognoscere possunt, uti scribit *Pausanias*. Urinam ceu microcosmi fontem si medicus intuetur, meliori forsitan certitudine ad sanitatis atque morborum cognitionem pervenire potest. Cum n. à sanguine separetur urina, pro illius variâ constitutione ipsa quoque plerumque variat, ejusque indicium nob. præbet.

II. Quin & signa non solû *coctionis*, & *cruditatis* jam ab antiquis temporibus ex urinâ deducta, sed etiam prognosin quandam de eventu morbi, de ejus item longitudine & brevitate & *ἰσχυροσύνῃ* factâ fuisse, in *Hippocratis*, aliorumque

que veterum scriptis vel leviter versato ignotum esse non potest.

III. Neque nos planè improbamus veterum hunc morem, hætenus quoque observari solitum; quin potius Urinæ inspectionem in diagnosi ritè instituendâ non mirum momenti afferre, ultrò largimur; Verùm enim verò tantum abest, ut propterea omnem omninò ægri conditionem, affectus speciem causas, eventum &c. ex solâ urinæ inspectione hariolari medicum posse, vel debere censeamus, ut potius eos, qui ita sentiunt vel faciunt gravissimè errare, & perfrictâ fronte nugari statuamus.

IV. Quidnam vero ex hoc latice prædicti queat, ex dictis non obscure patet, manifestumve id urinæ examen accuratius docere potest. Ubi tamen notamus, *Paracelsum*, quando *libr. de urinar. judicio*, urinam definit, quod sal ab ingesto nutrimento separatus simulquecrementorum ventriculi, hepatis, renum pars; interim tamen aliquam insuper urinam internam ipsi dictam, quæ non è nutrimento sed partium corporis omnium excrementum confiat, agnoscit, non minus à verò abini  
quàm



quàm , qui totam urinæ massam non nisi ex  
 potu alterato , suisque accidentibus spoliato  
 consistere contendunt.

V. Melius rem explicant, qui Urinam  
 liquorem excrementitium ex materiâ aquosâ  
 cerosâ, particulis, ut cum chymicis loquamur,  
 spirituosâ, sulphureis & salinis volatilibus ac  
 fixis, ut & terrestribus constante, in visceribus  
 sanguinis elaborationi ac depurationi inservi-  
 entibus elaboratum, ac renum tandem operâ  
 secretum esse docent.

VI. Quando vero *color ille urinæ*, ruti-  
 um auri fulgorem in sanorum urinis repræsen-  
 tans, neque ad *sal.* neque ad *aquam*, neq; etiam  
 ad *calorem* ( licet quidam pro eô valde dimi-  
 nuant) revocari potest, non indignum ulteriori  
 inquisitione est, undenam id, quod tincturæ  
 instar urinæ remixtum, hujus eam colore  
 imbuat? Sunt qui partem stercoris liquidi à  
 cremore in fine Ileii, ubi incipit stercorefcere, se-  
 paratam, indeq; per venas mesenterii lotio in-  
 persam adducunt & accusant, verum enim ve-  
 rò quod nusquam est, fingere videntur: Magis  
 nobis arridet, cum *Autore*, sententia *Galenii*, quæ  
*de sympt. caus.* 4. flavæ bilis portionem, urinæ si

permisceatur, colorem huic aureum conciliare docet. Sed utrumvis tandem dicatur, sive billi inquam, sive *fali* attribuat color, pronuntiatio eadem constabit.

VII. De *luciditate*, quæ in urinâ apparet, quidam ita sentiunt; adscribendam illam esse vaporibus in urinâ existentibus, tum etiam ab æquali partium urinæ mixtione provenire alii vero spirituosam hîc agnoscunt substantiam, utpote quæ ex odore & splendore suo se manifestè prodat, & reliquam quoque molem per se aliàs obscuram, illustret s. lucidiorem reddat. Nob. posterior placet sententia, id quod eò magis, quòd ubi magna spirituum jactura facta est, quod præsertim in moribundis evenit, omni luciditate urina depauperata deprehendatur.

VIII. Quid vero sibi vult *Hippocrates*, quando *Epidem. 6. sect. 5. tx. 23. γλώσση*, inquit *ἔστιν σημαίνει*: an fortè ex linguâ judicium de urina nos jubet desumere? Minimè quidem; sed potius linguam præsignificare vult, quales in corpore humores abundant.

IX. Quantitatem urinæ potui assumptæ quantitatem respondere debere, quando docet

*Galeo*



*Galenus*, id non ita explicandum est, quasi cos-  
nocritico circino omnia punctim notari de-  
beant, sed servata convenienti (immo ali-  
quantò minori) proportionē. Et sic *Galenus*  
facile subscribere possumus.

X. Proxima sedimenti materia quæ-  
dam sit, nondum planè discussum est. Eorum  
nobis verior videtur opinio, qui reliquias seu  
excrementum tertiæ coctionis hîc pro mate-  
riâ dictâ agnoscunt. Interim bene *Hippocr. 2.*  
*Præfag.* *Hæc urina, inquit, optima, cujus sedimen-*  
*tum est candidum, leve & per omne tempus æquale.*  
Hinc in ægris convalescentibus quamdiu sedi-  
mentum subrubrum apparet, nondum per-  
fectè restitutæ in integrum sanitatis indici-  
um est.

XI. *Urina coronam seu circulum* nihil  
aliud quàm lineam per umbram depictam esse,  
quæ urinæ superficiem in circumferentia vasi  
urinario adhærentem cingit, statuimus; eosque  
qui bullas per omnem urinæ coronam dispo-  
nit, totius capitis dolorem, per medietatem  
erò hemisphæricam significare volunt, æquè nu-  
mari judicamus, ac illi faciunt, qui pro quadru-  
plici humorum sede, sanguinis videlicet in

fronte, flavæ bilis in dextro tempore, pituitæ in occipitio, atræ bilis in sinistro tempore corronam, quæ prædominantis humoris index perhibetur, insimul harum partium dolorem, & affectus signare garriunt.

XII Uti dari oleaginosas urinas concidimus; ita non statim exinde tabificæ consumptionis signa desumi debere, vel posse, censemus non obstante *presagio Hippocr. 2. Presag. sem. 35*. Adde quòd decipi quis facilè hîc possit, ut pinguedinem primò adspectu esse putet, quod non nisi salini generis concrementum, (quasi sc. in aquæ superficie, dum Tartarus coquitur apparet) fuisse, re ipsa penitus consideratâ potius modum edoceatur.

XIII. Ex urinâ solâ, mulierem gravidam esse, uti cognosci nequit, ita pronunciarum non debet. Neque nos movet, quod autor quidam proprias & peculiare uterò gerentium urinas descripserint, ipseque eventus sapiens responderit. Quin nec illi quicquam apud nos obtinent, qui, urinam per omnia totius corporis, & consequenter etiam ipsius uteri, vix diffusam esse urgentes, eorum quoque, quæ utero geruntur, indicia præbere certa potius opinantur.



XIV. Pariter contingere potest , ut  
e quidem humorum pravorum apparatus in  
corpore existens colligi ex urinâ inspectâ que-  
rit, id quod in morbis malignis experientia satis  
confirmat , ubi sæpe urina bona, pulsus bonus,  
& tamen æger moritur.

XV. Urinæ inspectionem *Geomanti-*  
*am* homine Christiano indignam judicamus;  
Quid enim, quæso, astris, aut animæ mundi &c.  
cum homine urinam pro lubitu hanc vel aliam  
erente, aut mittente, & ipso in consilium vo-  
cato Medico commune esse potest?

XVI. Ubi cum dolore arenulæ min-  
untur, calculum quandoque tum renum, tum  
vesicæ eas minitari, experientia testatur; verum  
& hæc ipsa non semper ita habere, docet, præ-  
sertim si dolor absit, atque illæ arenulæ in ipsa  
anguinis generentur massâ, id quod scorbuti-  
is admodum familiare est , quorum sæpè san-  
guis usque adeo istiusmodi arenulis abundat, ut  
non tantum copiosè cum urinis prodeant,  
sed & post sudorem in cute , quæ est in vola-  
manuum, aliisque partibus appareant.

XVII. Licet *Avicenna* , & *Avenzoar*  
testentur , à demorsis à cane rabido urinam  
mingi

mingi, in qua res carnosæ mirabiles, & quasi canes parvi appareant; sintque insuper viri docti qui hoc non esse impossibile, vel propterea jure dicent, quòd compertum habeatur, ex spuma canis rabidi linceo aut vesti inhærente animalicula, quæ parvis catellis similima, generata fuisse; nihilominus tamen nondum possumus Arabum sententiæ subscribere, neque rationem allatam, si vel maximè veritati responderet, tale quid, quoad urinam, evincere posse arbitramur.

XVIII. Sed quid tandem de illis sentiendum, qui etiam sexum ex urinâ se cognoscere gloriantur? idem prorsus, quod de illis, qui omnia se scire ex urinæ inspectione posse, plebeculæ persuadent. Næ! nimium intelligenda faciunt, ut nihil intelligant. Interim non sine ratione Pincier, in otio Marpurgensi, istiusmodi Thraſonicum Uromanten ita alloquitur:

*Cur lotium absque conspicio judicas,  
Et nummulos per conspilla noscitas?  
An cura major est tibi pecunia,  
Quàm quâ salus ope languido reddi queat,  
Fidei tuæ vitam suam qui credidit?*





# EXERCITATIO XV.

DE

## SIGNIS PROGNOSTICIS.

I.

**Q**Vandoquidem teste *Hippocr.* : ἀείρω  
 γνῶς, ἀείρω τεραπεία, non injusta quorun-  
 dam querela est, multos nimis par-  
 cè de signis παθολογικῶς loqui: an  
 erò propterea quoque arguendi illi ipsi sint,  
 uod tam fusè de signis *prognosticis* agant, me-  
 rò dubitatur. Sit enim, uti quidē volunt, pro-  
 nosis fallax, nonne in docendis amovendisq;  
 ve fallaciæ hujus, sive difficultatis causis po-  
 us prolixum esse, quàm silere, præstat? præstat  
 nè, quandoquidem nihil præclarius existit in  
 te Medica, judice *Coo l. 1. Epidem.* quàm  
 γινῆ, ἀπογινώσκου, γνώσκου τε παθεῖν τε, προλέγειν τε ἐσθ-  
 ας.

II. Quin' etiam utilitas hujus Medicinæ  
 P partis

partis, ita ut faciamus, suadet, duplicique nomine se maximopere necessariā ostendit, tum quòd ad tuendam artis & artificis auctoritatem plurimum conferat, tum & quòd illius ductu & beneficio, quibus manum adhibere malit Medicus debeat, quibus vero non, egregiè elucescat, uti apud *Hippocr. in libb. prenot. & alibi videre est.*

III. Neque enim prudens Medicus istiusmodi ægitudinū, quas insanabiles cognoscitur, curationem faciliè aggredietur, ne ars & medicamenta, quæ multis profuerunt, hac ratione diffamentur, & (uti ipsa jam *Hippocratis* ætate fieri consuevit) si res pulchrè succedat, sive *Naturæ*, sive *Fortunæ* adscribatur, sin aliter eveniat, omnis in artificem, remediumque culpa transferatur.

IV. Interim haut planè relinquendi sunt prognostico ægri, quin potius, quæ *Hippocr. l. 1. de art.* & alibi, uti & *Galenus* passim severiori fronte inculcant, Christianâ charitate temperari debent: Medicusque, etiamsi certis indiciorum argumentis colligat, graviolem esse morbum, quàm ut Artis naturæq; officio tolli possit, gratiosi Theurapeutæ munus minimè negligat.



negliget, sed potius omnia experietur, atq; sic expectabit, num fortè Natura in centrum suum reduci queat. Ut ne verò fama ejus unà cum ità ægri periclitorur, periculum maturè indicabit; sic apud prudentiores facilè excusabitur. Optime Hipp. libr. de articul. *Predictiones*, inquit, *splendida sunt, ac gloriosa, ex cognitione quò & qualiter, & quando singula desinent, sive eò vertantur, ut incurabilia fiant, sive curationis spem exhibeant.*

V. Fontes verò signorum *desygnonai* potissimum suppeditant & *Morbis & Egrotans*: utrobique *præterita & præsentia* conferenda veniunt, estque observanda *similitudo & dissimilitudo*, autore Hippocr. 1. prognostic. & Galen. *de Plac. c. 2.*

VI. Tria verò Medico prænoscentia sunt, docente Galen. 4. de præsag. ex puls. c. 11. *Eventus morbi, Tempus, & via eventus*: quorum unum quodque eò certius prævidebit, quò morbi & naturæ robur accuratiùs cognoverit.

VII. Quoad *morbum*, optimum *Autoris* ex Galeno monitum est, quò futurorum præcognitionē ex affectionum exquisitâ cognitione

colligendam esse innuit. Ipsa etenim vel solla  
morbi species, si probè cognita fuerit, quoad  
magnitudinem, morem, & motum ejus, non  
rarò plurima nob. veluti uno intuitu ostendit.  
Non rarò, inquam. Aliàs verum esse, quod *Au-*  
*tor* th. 31. docet, ultrò largimur.

VIII. *Eventū morbi*, ad quem tota prædili-  
ctio dirigitur, præ reliquis natura subjecti docet.  
licet enim & morbi robur, uti ex modò dictis  
constat, hîc considerandum sit, ad ægrum ta-  
men viresque ejus maximè respiciendum esse  
non sine ratione *Autor* monet: ægrum enim ni-  
si intus, quod dicitur, & in cute cognitum ha-  
buerit Medicus, aut cui ferendo sint vires, sciat  
quid quæso certi de eventu morbi prædicet?

IX. Hîc itaq; & *functiones & excreta* aliâq;  
veniunt examinanda; ubi quidē functionibus  
cum *Autore*, primum concedere locum, nulli  
dubitamus: interim & hoc asserere nos vult re-  
veritas, *excreta* non rarò, præsertim ubi *coctionis*  
& *cruditatis* examen instituitur, coincidere;  
ipsarumque functionū constitutionem & vim,  
foricis instar, prodere.

X. Non incommodè eorum hic refrica-  
tur memoria, quæ circa *Vrinam & Pulsum*, qui  
pri-



primariò *αεγνώσθαι* inservit, in præcedentibus  
*excerc.* dictum est: quibus & *sudor* & *sputum*,  
 djici meretur quippe quorum præsentia vel  
 absentia, aliæq; conditiones plurimis in mor-  
 bis magnum ad prognosin pondus adferunt.

XI. Sed ridiculus est rusticus ille in vici-  
 iâ, dum ex solius *sputi* consideratione, quic-  
 quid aliâs, inspectâ urinâ dici vel prædici posse  
 creditur optimè, multoq; accuratiùs se pro-  
 nosticaturum, ineptè gloriatur. Nempè usq;  
 deò mundus vult decipi ut ineruditi Corydo-  
 nis verba prorsus oracula credat. Sed hæc al-  
 terius loci.

XII. *Sudor* magnam habet efficaciam  
 significando, tam ratione *substantie* suæ,  
 quam ratione *qualitatis, quantitatis loci, & tem-*  
*poris*, ut mirum non sit toties illius mentionem  
 fieri ab Hippocrate, in *Aphorism. & libb. Epid. &*  
*libi.* Quando verò *Cous* noster 4. *aphorism.*  
*. Vbi sudor, ibi malum*, ait; id ita simpliciter  
 accipiendum non esse, vel febres nos docere  
 possunt.

XIII. Optimè Hippocr. in *prognostic.* Qui  
 erò rectè inquit, prænoscere volet, & supersti-  
 s, futuros & morituros, & quibus per plures  
 P 3                      dies,

dies, & quibus ad pauciores morbus duraturus est, cum signa omnia ediscere & judicare convenit, ita ut vires ipsorum inter se conferendū expendat, quemadmodum perscriptum est, & de aliis, & de urinis, & de sputis, ubi simul pus & bilem ægrotus tussiendo rejecerit.

XIV. Digna notatu inprimis sunt, quæ *Autor thes. 35.* inculcat; unde imprudenter agunt, qui primo statim morbi tempore etiam in febb. morbisq; malignis, morbi eventum certò prædicere satagunt, cum tamen, uti *Hippoc.* docet, *acutorum incerta sint prædictiones*; Idem quoque notandum, ubi materia turget; tum enim pleraque esse infida consueverunt.

XV. Equidem doctrinam de *Crisibus* multis difficultatibus involvi, facile concedimus, qui tamen omne negotium non nisi nugatorium esse volunt, æque ac illi, qui dierum *Criticorum* numerum planè incertum, adeoquæ damnandum statuunt, apertè contradicere videntur.

XVI. Distinctio *Criseos* in jam instantem & futuram nimis subtilis est. Nam, utrum morbus sit habiturus *Crisin*, nec ne? primo discerniendum venit, tum verò demum, quando

qua



qualis illa futura sit: Hoc autem totum à natura coquentis conatu dependere, res ipsa loquitur.

XVII. Quo minus insuper spes ulla ponit possit in diebus vel *contemplatoriis*, vel *Indicatoriis*, nostris præsertim moribus, qui nullam admittunt diligentiam, vel in cibis, vel in medicamentis, fieri qui conqueruntur, satis causas habent.

XVIII. A quò vero termino dierum Criticorū computatio fieri debeat, non convenit inter autores; Nobis illorum placet sententia, qui ab eâ horâ, in quâ æger manifestam actionum læsionem percepit, id fieri debere docent; pariter in morborum recidivis, non à recidivâ, sed ab initio ipsius morbi computationem institui debere arbitramur.

XIX. Rectè, juxta aphorism. *Hippocr.* 23. acuti morbi in 14. diebus judicari dicuntur, et idem *Hippocrates* in *Epidem.* multas historias contrarias recenseat; neque etiam à vero dicit *Cous*, quando diem 14. imparem vocat. Porro dies 20. rectè dicitur Criticus non obstante *aphorism.* 36. §. 4. ubi vigesimus primus inter dies decretorios numeratur.

XX. Lu-

XX. Lunæ motum in reddendâ Crisei  
ac Criticorum dierû causâ qui planè rejiciunt  
non minus errare nobis videntur, ac illi, qui  
solum Lunam criticas excitare mutationes  
dicant: Et *Lunæ* hîc suæ, & *Naturæ* suæ, suæ  
iam peccanti *Materiæ* debentur partes; nec  
reliquorum planetarum *κρησὶς* negligenter  
veniunt.

XXI. Equidem Pythagoræi, uti omnia  
numeris pendere voluere, ita quoq; judicatio-  
nes seu Crises dierum numero adscribunt, &  
septenarios decretorios, quaternarios indices  
constituunt, eò quòd hi ipsi numeri maximè  
digni, maximisque præditi viribus sint. Verum  
horum rationi calculum addere non possi-  
mus, etiamsi vel ipse *Hippocr. in lib. de principiis*  
*4. aphorism. 36. & 59. item in Coacis prænotionibus*,  
*bus*, alibique *Pythagoreorum* sententiæ favere  
atque hisce in locis dies impares Criticos ex  
propriâ esse, quibusdam statuere videatur.

XXII. Uti malè faciunt, qui morbum  
in suâ crisi malè tractant; ita non semper bene  
qui Crisin nimis religiosè expectant: Etenim  
*illi opus impediunt, aut hi dant pabula morbo.*





# EXERCITATIO XVI.

DE

## TUENDA SANITATE.

I.

**N**unc ad germanas Artis Medicæ partes nos convertimus, ubi *ὑγιαίνῃ* primum occupat subsellium; siquidem præstantius est cavere, ut ne in morbos incidat quis, quam ab illo ipso morbum deellere: *miserumq;* planè opus, uti *Comicus* habet, *tùm demum fodere puteum, ubi sitis fauces enet.*

II. Hic autem statim in limine se sistit *tuenda sanitatis methodus, & Diata*: illa meritò præmittitur, cùm ipsa Natura, studiosissima suus conservatrix, digitum quasi in eam intonat. Huc pertinet illud *Hippocratis*: *si non medico, tamen Medicina.*

III. Generalia hujus præcepta sunt: I. Quod  
Q
secun.

secundum naturam est, conservandum. 2. πᾶσι  
 πολὺ τῇ φύσει πολέμιον; ὃ δ' καὶ ὀλίγον, ἀσφαλές. 2. aphor. 551  
 quò pertinet & *consuetudo*, cuius quàm admira-  
 bilis sit potentia, peculiari libro docuit *Galle-  
 nus*, ubi eam alteram naturam vocat, cui effatto  
 quotidiana experientia subscribit. 3. Conser-  
 vanda quæ sunt, per *similia* conserventur: quæ  
 ratione autem per *contraria* quoq; ὑγιαίνει quær-  
 doque succurrat, benè & nervosè ex *Hippocr.* &  
*Galeno* Autor nos docet.

IV. Diæta sex rerum non naturalium sic  
 riem enumerat, quæ propterea ita dici consue-  
 verunt, quod pro diversitate utentis variè felici-  
 habeant, & si rectè usurpentur, corpus nostrum  
 conservent, si non rectè adhibeantur, idem  
 corrumpant & destruant. Hinc *ex aëre*, inquit  
*Hippocr.* 3. aphor. 1, in hominibus morbi existunt.  
*Idemq;* l. de prisc. Medicin. docet: *Diversam uti-  
 etus rationem Medicinam inveniendi occasionem  
 præbuisse.*

V. Victus autem, quò simplicior, eò me-  
 lior, optimumque cruditatis est remedium  
 varietas licet delectet, tamen nocet. Rectè pro-  
 inde *Antiphanes Delius* Medicus, etiam *unam  
 morborum causam* τῶν ἐδεσµῶν τὴν πολυειδίαν *edulio-  
 rum*



rum varietatem esse dixit. contra, vivitur parvò  
benè; & tunc verum experimur effatum Cui:  
τῷ τριτοφῇ φάρμακείῃ ἀείπῃ.

VI. Alia interim est diætā *Infantium*,  
alia *Iuvenum*, alia *virorum*, alia deniq; *Senum*:  
in nutriendo *infante* præprimis lac matris com-  
mendatur; non desunt tamen rationes, qui-  
bus evinci videtur, rectè facere ditiores matro-  
nas, dum infantulos suos aliis nutricibus la-  
tandos committunt. Quoad pueros, obser-  
andus est *aphor. Hippocr. 13. s. 1.* Contra verò  
e *Senibus* ita pronunciat *Cous Senex*. γέροντες ὀλί-  
γον ἔτι ζήσονται. Ἀλλὰ τὸ ἄρα ὀλίγων ὑπεκκαυμάτων ἰδόντες.  
Quæstio hîc incidit: num impossibile sit, ho-  
minem senio confectum rejuvenescere? Sanè,  
præter *Æsonem* à *Medea* recoctum, (de quò  
*vid. lib. 7. Metamorph. fab. 2.*) non alia nos ur-  
erent & exempla & rationes, negantibus facilè  
abscriberemus; his verò obstantibus, ut pla-  
cè impossibile pronunciemus, integrum non  
est.

VII. Licet non desint exempla eorum,  
qui non tantum in dies aliquot, sed & septima-  
das, immò menses & annos, absque cibo & po-  
tione vitam traduxêre, nihilominus tamen verum

manet effatum *Coi*, quando *libr de Carnib*  
*Si quis*, inquit *in septem diebus nihil edere aut ibi*  
*bere velit, pleriq;* quidem *in ipsis moriuntur.*

VIII. Salubrius esse, bis de die, quàm se  
 mel comedere, statuimus. Notanter *Hippocr*  
*l. 2. dietâ* refert, *μειοσιλν* attenuare, & ex sicca  
 re corpora, alvumque sistere. Ad hunc locum  
 respexisse videtur *Plinius libr. 28. c. 5.* ubi sic  
*Hippocrates tradit, non prandentiũ exta celeritũ*  
*senescere.* At verò non dicit *Cous senescere*, sed  
*νεγεννεν, siccari.* Sit ita: eleganter tamen explicat  
*Hippocratem Plinius*, uti passim solet.

IX. Cœnam prandio largiorem esse de  
 bere, multæ quidem rationes suadere videntur,  
 vinci tamen illas à consuetudine arbitramur.  
 Optimum igitur consilium erit, ut ne bis  
 in die ad satietatem ventrem impleamus.

X. Panem fermentatum azymo melior  
 atque salubriorem dum pronunciat *Cous l. 2. de*  
*Dietâ & Galen. libr. 1. de aliment, facultat. c. de*  
*Tritic.* audiri merentur, etiamsi *Celsus l. 2. c. 24.*  
 hoc negare non dubitet.

XI. Multa quidem pro carnium præ-  
 stantiâ à multis viris doctissimis dici non igno-  
 ramus, ipseque *Galenus* ab horum partibus  
 stare:



stare videtur, quando *libr. 3. de aliment. facultat c. 19.* carnem concoctionis facilis esse scribit; verum hoc non obstante, majori longè ratione quod de pane aliàs dici consuevit, (quod sc. ejus repletio pessima sit) *de carne*, seu nimia *νεροφαια* (â quâ Pythagoras jam olim multis rationibus homines absterrere conatus est) pronunciari posse arbitramur.

XII. Interim sanum satis est *Celsi* consilium, quò monet, *sanos & rectè valentes*, nullis obligare se legibus debere, nullum genus cibi fovere, quo populus utitur, interdum in convivio esse, interdum ab eò sese retrahere, & bis in die citius, quàm semel, cibum capere (quò de thes. iux. dictum est) & semper quàm plurimum, dum modo id concoquant, benè dormiant, & frequentius, sese exercere queant. Neque hoc contrariatur oraculo *Coi* sic eloquēti *6. Epid. f. 4.* ἀσκησις ὑγιαίνουσιν ἀκογὴ τροφῆς ἀοκνή πόνων, sanitatis studium est, non satiari cibis, & impigrum esse ad labores.

XIII. Quidam adeò religiosi esse solent circa ordinem in sumendis cibis observandum, ut liquida & quæ facilis sunt digestionis, solidioribus, adeoque longiorem in ventriculo moram postulantibus semper præmittenda

da esse censeant ; Verùm parùm hoc refert etiam si solida liquidis præmittantur , periculum , quod inde pertimescunt , fulgur è pelvi esse, censemus. Interim consulat unusquisque semetipsum ; sic tela prævisa minui nocebunt.

XIV. Sanis aquæ potum vini potu convenientiorem dum pronunciamus, fortè vii unum & alterum inueniemus *ἐνός φησιν*, talemque præcipuè, qui *Clitorio de fonte sitim leuauit, vina fugit, gaudetq; meris abstemius undis*. Verum ita vult rei veritas, ut faveamus nunc aquæpotoribus, quibus, ut majori fiducia bibant, hoc insuper in aurem: *Aqua nutrit.*

XV. Vinum Lac senum dici, etiam *ἐν τῷ πλείοντι* nôrunt; interim experientia docet non malè illos consulere senibus, qui quò proVectiores ætate sunt, magis dilutum bibere jubent. Cæterum, dum *Athenæus l. 2. οἶνον* inquit, *ἐστὶν ὄνησις*, tu priusquam applaudas, aud & *Hippocratem*, quando *lib. de aliment. Vinum*, ait, *aliis alimentum, aliis non.*

XVI. Quamquam Zythum, veterum potus, etiam ex frugum decoctione fuerit, eundem tamen à cerevisiâ nostrâ diversum fuisse;



uisse, vel inde colligi potest, quod absque lulo conficere illud consueverint, unde sanitati minus conveniens iudicatum est, ita ut etiam Elephantiasin *Dioscoridi* generari dicatur, quod nostræ cerevisiæ quoque falsò triovere videtur *Iul. Alexandrin.* etiamsi eandem aliàs cum vino comparare allaboret.

XVI I. Non minùs illos, qui valida exercitia ad tempus usque cibum sumendi continuant, quàm qui statim ab assumpto cibo eandem instituunt, valetudini suæ noxam inferre, ratio & experientia docent.

XVII. Quamvis antiquo pariter ac novo ævo pluribus lucubrationes arriserint, atque etiam nunc arrideant, nihilominus valetudini eas obesse potius, quàm prodesse statui- mus. Hinc ille apud *Gellium* l. 13. Noct. Attic. 29. vides, inquit, oculos meos egros, assiduisq; lucubrationibus propè jam perditos? Interim non diffitemur, pro diversitate consuetudinis & valetudinis hanc litem dirimendam esse.

XIX. Sudor in perfectissimè sanis, nisi ob exercitium aut errorem in viétu, non advertitur, interim tamen in aliis quibusdam sanis naturalis esse haut desinit; quod si v. in somno & frequentior & copiosior acciderit, vel errorem in

128 EXERC. XVI. DE TUNED. SAN.


in victu, vel humorum pravorum apparatus manifestabit.

XX. Somnus num calefaciat, an refrigeret, dubitari potest, cum utrumq; asserere videatur *Hippocrates*; nam 6. Epidem tx. 5. sic enunciat: *palam vigilans calidior, externis partibus, frigidior a. internis; dormiens vice versa: iun. lib. v. de flatib. hæc habetur: Cum enim corpus im-*  
*vaferit somnus, sanguis frigesit; à naturâ n. somni*  
*frigefaciendi vis inest.* Sed nodus hic non adeo solutu difficilis erit, si inter viscera & sanguinem ritè distinguatur.

XXI. Animi παθήματα, μαθήματα sæpius fiunt, dumque illis, qui facilius se abripi patiuntur, nocent, unà docent, quàm valide & periculosè spiritus & humores commovere valcant. Quotiescunque v. mortem inferunt, interveniente morbo aliquo eam inferre deprehenduntur.

XXII. Atque ex hisce obiter delibatis, quæpeponem pro corde non habent, facile colligent, utrum juxta vulgi sententiam, *vivere Medicè, sit pessimè vivere?* Coronidem imponat illud *Senec. Epist. 4. Parabile est quod natura desiderat, & expositum: ad superflua sudatur.*





EXERCITATIO. XVII.

DE

METHODO MEDENDI.

I.

**I**S sanè Medicus salutiferam manum porri-  
get ægris , qui κατὰ τὸν ὁρὸν uti remediis noverit.  
Noscet a. hæc , quem non fugit , quodnam  
remedium cuique optimum sit , & quâ  
quantitate &c. cuique in usum flecti debeat.  
Ignorare hæc omnia coguntur , quibus ignota  
est medendi methodus ; hac sine vel optima  
medicamenta non solùm non erunt θεῶν χάριτες,  
sed potius ignis in manu stulti , aut gladius in  
manu furiosi, uti apud *Galenum Herophilus*, imo  
ipsa loquitur

II. Methodo igitur opus est, & quidem  
ali , quæ Rationis & Experientiæ fulcris inni-  
atur: hinc alteram illam qui spernunt , & per  
experientiam omnia invenire satagunt , clau-  
dicare *Empiricos* cernimus , siquidem , teste  
*Galeno*, temeraria experientia finis est totius ani-

R

man-

*mantis internecio* : hanc v. qui negligunt Methodicos non minus infelicitè, quàm ἀμεθόδια progredi eventus docet. Neque enim sola Ratio omnia invenire potest, & prava sæpè experientiam corrumpit, Hinc *Galenus 2. M.M.* licet in omni arte utilissimam esse experientiam dicat, ad artem tamen Medicam, cæcā & nudam experientiam prorsus inutilem, utilem vero rationi conjunctam pronunciat.

III. Fundamentum autem Methodi in hisce potissimum quiescit propositionibus.  
 1. Quicquid indicat, vel sui conservationem vel ablationem indicat. 2. Id quod secundum naturam est, conservandum, quod verò præter naturam, tollendum est. 3. Contraria contrariis tolluntur, similia similibus conservantur. Huc respexit *Hippocrates*, quando *lib. de flatibus* Medicinam adjectionem & subtractionem esse dixit, adjectionem sc. deficientiam per similia, eorum verò quæ abundant, subtractionem per contraria. Equidem multis hæc principia impetuntur arietibus, sed immota manet illorum veritas, quam deferere nefas ducimus.



IV. Ex tribus tantum fontibus morbo tempè, *morbi causâ*, & *viribus* indicationes quas petit Medicus; & quanquam *Galenus* interdum plura statuere indicantia videatur, non tamen nisi tria hæc recensita pro veris atque genuinis agnoscenda esse, censemus.

V. Immo de *viribus* dubitari potest, an inter vera indicantia hîc numeranda veniant, siquidem omne indicans therapeuticum sui sublationem expostulat, vires vero perpetuò conservandæ sunt, unde magis appositè coindicantibus annumerari videntur, quotiescunque in morbo considerantur.

VI. Non solum omne indicans agens aliquod, sed & in corpore permanens esse statuimus; neque ob stare nobis poterit quod *Galen. l. 9. M. M. 14.* corporis temperamentum, quod fuit, antequam homo laboraret, indicantis habere rationem posse doceat.

VII. Licet unum quandoque plura indicare videatur, nihilominus tamen *Galenus* subscribendum esse ducimus, quando *lib. 9. m. c. 12.* omne indicans unum tantum indicare docet; neque ratio, quam in *lib. de opt. sect.* ponit

ponit, de nihilo est, siquidem unum non nisi  
uni adversari, ipsa contrariorum natura innuit  
imo evincit.

VIII. Quamvis Hippocr. 6. Epidem.  
sect. 5. Naturam morborum medicatricem dicat  
tamen per hoc dictum, neque Ars Medica  
neque Medicus ipse à curatione morborum ex-  
cluditur. Totum enim hoc effatum cum cau-  
sarum, quæ incuratione occurrunt, distinctio-  
ne accipiendum est.

IX Optima quidem illa curatio, quæ  
fit tutò, celeriter, & jucundè: Tutò, ne la-  
das: hinc benè Hippocr. μηδὲ εἰκῇ; τύχην μὴ πίσειν  
Et lib. de art. μὴ τόλμῃ, αἰτ, μᾶλλον ἢ γνώμῃ, ne tem-  
meritate potius quàm consilio. Citò: scd-  
ne quid temerè, neque tamen temerè cui-  
standum. Pulchrè olim Cleobulus Lyndius  
βία μὴδὲν πρᾶττειν. ἀλλὰ καιρὸν γινώσκειν: καὶ και-  
ρὸν εὖ φρονίμως. Jucundè, quod fiet, ubi reme-  
diorum pondere ægrum non oneramus, &  
juxta Solonis consilium, μὴ τὰ ἥδιστα, ἀλλὰ τὰ βέλτιστα  
præscribimus. Hanc curandirationem, præ-  
ter Hippocratem, nobis etiam commendat  
fusè Galenus l. 14. m. m. c. 17. Verùm valet ha-  
illud Comici, ut possumus, quando, ut volumus



aut licet. Non licet autem semper, ob morbi contumaciam, ægri in obedientiam, astantium negligentiam, tacitum medicastrosum concursum, aliasque causas quàm plurimas.

IX. Hæc tanti sunt momenti, ut Hippocr. statim in limine suorum *aphorismorum*. monere necessum duxerit, non sufficere, ut Medicus piè & peritè suo fungatur officio, nisi & æger & adstantes τὰ δέοντα studiosè observent. Idem & Galenus inculcat, l. 1. de dieb. de noct. retor. Ubi in æralia, Medico, inquit, æger debet obtemperare, nihilque ex intemperantiâ peccare. Sic, narrante Eliano, medicorum veluti deorum jussâ violare, olim morte pian- dum nefas; Et Zaulecti Locrensis lege sancitum fuerat: Si quis merum biberit, non iubente medico, morte luat supplicium, quod injussus biberit. At perpaucos hodiè invenias Locrenses, quin potius Paracelsum aliquem desiderant, qui diætâ susque deque habitâ morbos quoslibet se curaturum gloriatur. Id generis hominibus si quis utatur interpretibus, rectè Senecam, l. 6. de benef. ægrotos Medicorum imperatores dixisse,

facile obtinebit , quamvis locum istum vitico laborare , doctiores non sine ratione autument.

X. Sed ad *Methodum*. Egregiè Hippocr. 2. aphoris. 52. Omnia secundum rationem facienti , inquit , si non succedat secundum rationem , non est transeundum ad aliud , manente eò , quod ab initio visum fuit. Dicis : Sed oppositum 2. de Loc. in homi. legitur, ubi ita : *Et semper non sanantem variare oportet modum , & siquidem pejus reddiderit malum , ad contrarium te converte.* Sed benè habet. Manifesta quæ videtur contradictio, manifesta non est , sed videtur.

XI. Idem Cous 1. aphor. 6. Ad Extremos morbos , extrema exquisitè remedia optima pronunciat ; at verò 2. aphorism. 51. contrarium potius inculcat. Tu consuele naturam & facile invenies hujus nodi solutionem.

XII. Multò minùs illos audiendos esse arbitramur , qui in verbis aliquam vim ad curandos morbos non quærunt solum



sed etiam inesse perhibent. Benè Sere-  
nus:

*Nam febrem vario depelli carmine posse,  
Vana superstitio credit.*

Quin ipsæ sæpè res suspectæ esse debent ,  
licet primo adspectu nihil mali fevore credan-  
tur; ita enim penè usu venit, ubi magica sunt in-  
pretio, ut quæ natura suppeditat, contemnan-  
tur, nec possint facilè illa ab aliis distingui,  
usque adeò commiscente se cum natura vi-  
dæmonum ut perfrequenter in illius locum,  
minorum ludibria obrepant, scribente sic  
Πολυμαθεύς αὐτῷ Conringio. lib. de Hermet. Med.  
c. 11.

XIII. Ob circulationem sanguinis, ve-  
sas lacteas, Vasa lymphatica, aliaque Ana-  
tomicorum inventa utilissima Galenicam  
medendi methodum planè immutandam  
esse non infimæ notæ Medici urgent; verum  
cum eadem maneant Indicationes, Cura-  
toria, Praservatoria, vitales, subscribi illis  
non potest, quin potius DEO nos gratias  
agere, cum Venerando Dno Socero meo,  
in Manuduct. ad Medicin. part. 1. c. 1. §. 3.  
arbitror, quod, non obstante tot novarum

physicarum & Anatomicarum opinionum  
discrepantia & diversitate Medendi Metho-  
dus non solum eadem maneat , sed  
etiam indies magis magisque inclarescat

XIV. Modum Curandi Paracelsus  
in conclus. 1. 1. Philosoph. sagac. quadri-  
plicem facit , primum per *Naturam* ; se-  
cundum , per *DEI virtutem* ; 3. per *Fidem*  
& 4. per *dæmones*. Qui per *Naturam* fit  
legitimus est : Quoad 2. notandum, DEUM  
hodiè miraculosè amplius non sanare , sed  
per media certa & remedia , in hunc finem  
nem ab ipso creata ; de 3. sic sentimus ,  
ægri verâ fide in Deum ferantur , & ab eo  
sanationem petant, optimum esse , optari  
dumque ut omnes ægri ita facerent. 4. verum  
modum simpliciter damnamus.

XV. Qui non nisi *specificis* suis , & arca-  
nis, morbos depellere satagunt , neglectis uni-  
versalibus , & post habitâ Galenicâ methodo  
medendi, quam nos optimam judicamus,  
non parvum nob. à viâ regiâ desle-  
ctere videntur.





EXERCITATIO XVIII.  
DE  
VENÆ SECTIONE.

I.

**S**anguinem, meliorem naturæ thesaurum, (uti appellatur *in lib. qui Galeno ad-  
lcibitur, de Anatom. vivor.*) licet anima  
ipsa non sit, prout *Critias*. & alii volue-  
runt, spiritus tamen vitalis vehiculum esse, res  
ipsa satis loquitur. Huc respexit poëta, ita canēs:  
*Unâ eademq; viâ sanguisq; animusq; sequuntur;*  
*verèque Aristotel. l. 3. hist. animal. c. 19. si multum*  
*sanguinis, inquit, effluat, anima deficit, (lipothy-*  
*nia oboritur) si nimium, vita interit.*

II. Hinc apud veteres non deerant, qui  
omnem *Venæsectionem* damnabant, sicuti *Era-*  
*stratum* cum suis discipulis fecisse, à *Galeno l.*  
*de V. S. ad Erasistr. c. 2.* consignatum habemus.  
Rationes vero quas afferunt ut & nos affera-  
n<sup>o</sup>, instituti ratio non patitur; Sufficiat dixisse,  
has tanti non esse, ut vel latum unguem à rece-

S

ptâ

ptâ sententia , quâ V. S. usus commendatur non minùs , quàm approbatur, secedamus.

III. Cautiùs vero hanc controversiam tractat *Helmontius* , quippe qui non nisi in febribus Phlebotomiam , veluti inutilem , rejicit: ejusdemq; rationes, quas fusè & confusè *l. ad febr. c. 4.* proponit, maximam partē dignæ sunt, quæ sub veritatis incudem revocentur. Interim eò nos deducere quò volunt, non valent; qui Naturam ducem sequentes , comitante Ratione & Experienciâ, errare vix ac ne vix quidem poterimus.

IV. Indicatur autem V. S. non solùm à copiâ & *quantitate* , quâ sanguis demensum suum superat, verùm etiâ ab illius *motu*; quin imò & *sanguinē* in febribus *peccantē* comitemq; *cachectichymiam* alicujus hîc esse ponderis debere, eadem medendi methodus nos docet , quæ à viriū infirmitate phlebotomiâ prohiberi, inculcat.

V. In statu *Curatorio*, urgente causâ & viribus oppressis, potius, quàm resolutis, quacumque diei vel noctis horâ sanguinis emissio nem non solùm , ut utilem , ad ministrandam sed etiam , ut necessariam , maturandam esse quotidiana praxis confirmat.



VI. Ἀρτηριοτομίαν veteres quoque celebrâsse, ex Galeni lib. de cur. rat. per S. m. c. 22. l. 3. de loc. aff. c. 8. & 9. aliisque locis. liquere potest. neq; nos eam improbamus, dummodo â majorum arteriarũ sectione abstinenceatur, aliæq; adsint, quæ hîc requiruntur conditiones: aliâs satius omninò ducimus esse, ut ἀρτηριοτομία intermittatur, quàm ut novæ operationis, quæ cum periculo conjuncta est, introductâ consuetudine famæ & existimationis alea subeatur.

VII. Delectum venarum in morbis curandis aperiendarum magni æstimâsse, & religiosè observâsse veteres, illorum monumenta abundè testantur. Et hæc ipsa opinio tam altas hæctenus in foro nostro radices egit, ut contrà methodum peccari medicam credatur, nisi prius incidenda vena sollicitè electa fuerit. Fundamentum rei non leve præbet aphor. 58, sect. 5. & 36. sect. 6. Ambiguum tamen hunc facere delectum videtur sanguinis Circulatio, cùm, hac stante, quâcunq; deniq; venâ incidas evacuare, derivare, revellere &c. æquè possis. Quicquid tamen hujus sit, isti delectui adhuc locum relinquendum esse, nec parum id conducere, statuimus.

VIII. Quâ autem quantitate sanguis committi debeat, parvâ nean magnâ, discretâ an continuâ? non inutiliter disquiritur. Facilis hic videtur responsio, cum, ne plus vel minus quam vires permittunt, & indicantia postulant, emittatur, medendi methodus jubeat. Sed adhuc utrobique militantes rationes non ficulneas, quarum vim & impetum ut declinemus, limitatione opus est, quâ discursui reservare placeat.

IX. Quando ipse Hippocrat. 6. aphor. 18. *Coac. prænotion. 387. hepatis per sectiones, & l. 11. de morb. τὰ τραύματα τῆς φλεβὸς αἰμορροῶν* lethiferam pronunciat, minime explodenda videtur vulgi sententia, quâ, si vena pertundatur, præsens vitæ periculum instare, perhibet. Quin imò ipsa, quæ supervenire solent, symptomata, dolor, inflammatio &c. hanc confirmare opinionem videntur, sed ita simpliciter rem determinare nolumus, cum & aliæ hîc considerandæ conditiones veniant.

X. Cum omne nimium naturæ inimicum, recte *Coac.* quæ sit, quod *Idem* lib. *de humorib.* debilitare etiam ægrum, & *de acutor. v. 241.* in pleuritide acutissimâ sanguinis, vitæ (uti audivimus) thesauri, extractionem è vena brachii



chii ad animi deliquium tentare jubeat ? respondet Experientia : *quia natura quandoque* *υποφως φέρει*. Sed Medicus naturæ minister omnes hîc prius, quàm hoc negotium aggredia-  
tur, rationes subducere debet, ut non solum  
nihil *timidè*, sed nec quicquam *temerè* faciat.

XI. Quod si ergo hoc licet, imò confert,  
non minus laudabilis illa & proficua erit con-  
uetudo, quâ, dum venâ sectâ effluit sanguis,  
undem aliquoties impositione digiti cohi-  
dere, diversis vasculis egredientem excipe-  
re, sicque mutationem coloris observare so-  
lent chirurgi ? Utique dandum huic aliquid  
si consuetudini, cùm discreta sanguinis emis-  
sio suâ non careat utilitate.

XII. *Superiori in Exercitat.* dictum est,  
ob circulationem sanguinis nihil ferè in me-  
endi methodo mutari, sed easdem manere  
indicationes: Interim si *Revulsionem, αντίσπασιν*  
illam humorum in vasis contentorum, consi-  
deramus, melius illam per arterias, quàm ve-  
as, fieri, hæc ipsa de circuitu sanguinis doctri-  
a persuadere videtur. Sunt tamen rationes,  
quæ pro venis adhuc strenuè militant, quibus  
opterea & nos subscribere non dubitamus.

XIII. A venâ sectâ statim dormire nō licere, recepta apud vulgus est sententia, quæ insuper non ficulneis firmatur argumentis, sed consuetudinis, subjecti, aliarumque circumstantiarum cūm hīc habenda sit ratio cum limitatione hæc lis dirimi desiderat.

XIV. Φλεβοτομίαν inter ἀνόδυνα ἰώμηνα ferri debere, multa sunt, quæ evincunt. Cūm hæc assertio suas patiatur difficultates, distictâ doloris consideratione opus est, sicquē facile deprehēdemus quâ ratione V. S. multarum partium doloribus auxilium prorsus beneficium & sacra anchora existat.

XV. Cūm V. S. ultimum partium alimentorum, sanguinem, quem proinde ὡς περ παντοῦ ὕλῳ vocat *Aristot. l. 3. de part. animal. c. 3.* auctoritat, illis, qui phlebotomiâ corporis marcorē tolli non posse, statuunt, omninō subscribendum esse, non malè quis urgeret; verūm experientia edoctis subsidia non desunt, quorum beneficio apparentē istiusmodi vim eludant. Interim monere ægrotum conducet, ut generoso huic remedio ἀναλεπτικά alternatim interjiciat, & sic extra periculum versabitur.

XVI. Quid vero de pueris senibusq; facere & his sanguinem mitemus? Utique!



incipit utramque ætatem *Galenus lib. de rat. grand. per S. M. c. 6.* ubi inter alia sic: εἰ τὸ κατὰ  
 τὴν ἡλικίαν μήτε παῖδες εἶεν ἔτι, μήτε ἤδη γέροντες.  
 Neque *Hippocrat.* senibus ψυχρὸν σῶμα esse do-  
 cet *1. aphor. 14.* Non obstant tamen hæc, quò-  
 minus commune illud præceptum: *Vrgentio-  
 occurrendum!* observetur. Quæi autem de-  
 eat vel possit, natura, licet ἀπαίδευτος καὶ ἡ μα-  
 στατὰ δέοντα ποιεῖν, docebit.

XVII. Cum vero sæpius tam belli, quàm  
 pacis, tempore accidat, ut Medicus ad ægrum,  
 ab jove frigido jacentem, & à causâ internâ  
 vel externa perfrigeratum, accersatur, non inu-  
 tilis quæstio erit: Num, rebus sic se habentibus,  
 V. S. locus sit? respondemus, Causarum hîc di-  
 versitatem diligenter esse considerandam, &  
 tunc non omnem corporis extremorumque  
 perfrigerationem V. S. impedire liquebit.

XVIII. Hallucinari eos, qui semper & sine  
 exceptione ἐκκοπρωκτικὸν V. S. præmittendum  
 esse contendunt, arbitramur: neque ratio illa,  
 quâ cavendum monent, ne quicquam crudi  
 mesaraicis venis in jecur rapiatur, multum  
 ponderis habet, & ut alia sileamus, cogitari hîc  
 debet, non omnem cruditatem coqui, neque  
 per alvum excerni posse.

XIX. Sed

144 EXERC. XVIII. DE VENÆ SECT.

XIX. Sed annon unô die sanguinem mittere, & purgare licebit, cùm, indicantia si consulamus, & quæ â plethora, & quæ â cacochoymia petuntur, sæpè coincidere, simulq̃ præsentia auxilium urgere deprehendantur? Fatemur argumenta non deesse eaquæ satis ponderosæ quæ utrumq̃; licere suadeât, verùm altera quæque pars audienda est; quæ, dum, magnâ similes cautelâ hîc opus esse, refert, omne fert punctum.

XX. Γυνή ἐν γαστρὶ ἔχουσα φλεβοτομηθεῖσα ἐκ τῆς τρώσκει, καὶ μᾶλλον εἰ μὴ ζον εἴη ἔμβρυον, inquit Hippocr. *aphor. 31. sect. 5.* Hinc multi â V. S. præsentī foetui abstinendum esse censent, ut ne, quod Galenus in *Comment.* addit, alimenti inopiâ foetus interire enecetur. Sed hæc & alia ob stare non debent, quô minus V. S. indicata, adornetur, sed observandum hîc illud Hippocr. *f. 2. aphor. 24.* καὶ τῷ τοῦ προεξευκρινήσαντας ποιεῖν.

XXI. Sunt, qui V. S. eam ob causam reformidant, ne scil. eidem assuefiant: arbitrantur enim, si semel, iterumve generosum istiusmodi remedium in usum, actumq̃ deduci permittant, fore, ut postea, usu ejusdem intermisso, viderentur necessario ægrotent, l. minus firmâ valetudinem fruantur. Sed panicus hic timor est, minimus vero ille, quando cautiores S. M. in peste, ut minus tutam, metuunt.



EXERCITATIO XIX.  
DE  
PURGATIONE.

I.

**D**upliciter aliquid redundare in corpore à *Galen. 11. m. m. 12.* dicitur, vel *quantitate* vel *qualitate*; hinc duo etiam maxima medentium præsidia, quorum beneficio molesta corpori moles subtrahi, & inutilis humorum saburra evacuari potest, *l. 14 m. m. 7.* proponit, *Vena sectionem* & *Purgationem*. De illâ vero in præcedent. *Exerc.* egimus; restat ut nunc etiam de hac quædam afferamus.

II. Græcis in usu est vox *κάθαρσις*, apud *Hippocr. Galen.* & alios sæpius reperitur τὸ φάρμακον; cuius, quoties fit mentio apud *Hippocratem*, purgans subintelligi, fidus ejus inter *Galen. Comm. aphor. 1. s. 4.* alibique inculcat. Cæterum *purgare καὶ ἐξοχλῶ* per inferiora intum educere hîc significat.

T

Caco-

III. Cacochymiae purgationem debet docet medendi methodus ; cum enim constet , humores in corpore vitiosos cumulatim posse plurimos , omneque, quod toto genere p. n. est, omnimodam sui exstirpationem indicet, consuetarium est, siue sanitatem tuam integram , siue labefactatam restituere sit animus, istiusmodi humores peccantes mediante purgatione evacuandos esse.

IV. At fortè aliud reperitur medium, quo humorum vitia emendari possunt , ita ut non sit opus, ad talem exclusionem, quæ quandoque cum virium iacturâ coniungitur , con fugere ? Ita voluit *Asclepiades*, qui, submotus è foro medico pharmacis, inediâ curari morbos posse, jam ante *Galenum* asseruit. Sed nihil inde decedit utilitati & necessitati purgationis, quas ipsa experientia confirmat.

V. Idem vero *Asclepiades* ulterius adhuc progrediens, divinam huius præsidiis virtutem non solum in dubium vocare, sed profusus damnare atque ex *ιατρειᾷ* proscribere non dubitavit. Rationem, cur ita fecerit, hanc reddit, quod scilicet purgantibus non educantur humores , qui ante purgantium usum



corpore latitabant , sed ab illis ipsis , ea quæ  
vacuantur, pronascentur.

VI. Eâdem chordâ oberrant nonnulli ex  
recentioribus , arbitantes , humores per la-  
tentia eductos non esse humores, neque pec-  
cantes , sed meram putrilaginem , & merum  
quamen tabefactum per virus laxativorum.  
Interim tamen , si sordes primis adhæserint  
tebris , resolutivis & abstersivis insistendum  
esse, monent. Sic ipse *Asclepiades*, uti autor est  
*Cels. l. 1. c. 3.* siquid corruptum esset, expelli  
deberi, confessus est, imo in omni ferè morbo  
vum subduxit.

VII. Cæterum merentur quidem abster-  
gentia & resolutiva laudem suam , neque sal-  
utari volatile factum virtute attenuandi , &  
incidendi crassos humores pollere diffitemur:  
sed cacochymiam non tollunt talia, quin pot-  
ius fortè nimis penetrant , suâque arrosione  
non leve periculum minitantur.

IIIX. Quâ ratione v. humores pravos  
no utilium consortio removeant , explicatu  
aldè difficile est, diversæque hac de re senten-  
æ occurrunt. *Galenus* enim ejuldemque as-  
eclæ nonnisi magneticam attractionem a-

gnoscent; Recentiores vero quidam purgantia substantiæ similitudine succos trahere negant; alii purgantia non aliâ ratione, quàm fructus, alii cultatem expultricem irritando, corpus turbare, alvumque movere, sicque purgationem non trahendo, sed pellendo potius ad intestina fieri volunt: Alii iterum cathartici non attrahi humores, sed per ἀντιπαράδειον & occultam quandam vim fugari existimant.

IX. Sit cuique suus opinioni honos, nobis interim illorum placet sententia, qui pharmaca vel ipsa tota, vel vires eorum ingredi ipsa vasculum, omnemque eorum virtutem in subitâ ac vehementi remorantium humorum colliquatione & separatione, (ipsam interim expurgationem naturâ in alvum moliente) consistere statuunt. Cur vero ad alvum præsertim istiusmodi saburram derrudat Natura, facile est colligere, siquidem humoribus peccantibus huiusmodi potissimum exitus patet, quem ubi invenire haut datur, ad vesicam, ad cutim, alioque eorum ferri, & quidem magnò sæpè cum valetudinis incommodò, experimur.

X. Quâ ratione pravos humores ab utilis bus sequestrari arbitremur, diximus. restat, ut



& quâ vi & facultate purgantia in humores agant, dispiciamus. Hic vero sese variæ iterum offerunt autorum sententiæ, dum alii manifestis, alii occultis id fieri qualitatibus volunt. Nos vi temperamenti purgantia agere censemus, neque illis refragamur, qui cum *Galeno*, purgantium quædam totâ substantiâ sive modo substantiæ operari, perhibent, dummodo Galenica illa phrasis κατ' ἑλκυσίαν rite & ad mentem *Galeni* explicetur.

XI. Quamvis autem tot difficultates indagandâ purgantium naturâ, modo, & virtute agendi sese offerunt, non est tamen, ut illorum usus propterea damnetur prorsus atque ejiciatur; parum enim ad rem medicam facere videtur, sive quis per magneticam *Galeni* attractationem, sive per Expultricis *Erastræ* irritationem, sive per cathartorum, quam nos approbavimus, in vasa receptionem, & inde ortam resolutionem & separationem humorum evacuationem atque expurgationem fieri statuatur, cum nihilominus Medicus officio suo optimè defungi possit.

XII. Purgantia vero vel sunt ὑπακτικά, vel κατ' ἐξοχὴν καθαρτικά, & hæc iterum juxta com-

mūnem sententiam, vel *cholagoga*, vel *phlegmagoga*, vel *melanagoga*, vel denique *hydragoga*; *Iuxta communem sententiam*, dico: Etenim temerè negari non potest ad diversos humores diversa quoque purgantia requiri, & in unius alicujus humoris abundantia quædam magis, quàm in alterius convenire; verùm exinde minimè sequitur, purgantia determinatum aliquem humorem ita educere, veluti plantæ succum aliquem sibi familiarem attrahere videntur; quin potius quæ de *electivè purgantibus* vulgaris fert sententia, etiamsi veterum auctoritate, non planè destituantur, Rationi tamen & Experientiæ apertè repugnant.

XIII. Pravos humores purgationem indicare seu deponere, superius innuimus: videntum tamen prius est, quâ in copia adsint, nisi in maiori in quantitate abundent, diatâ potius, aut leni aliquâ evacuationis specie corrigendos esse, bene monet *Autor*; hincque patere potest ratio, cur *Hippocrat. l. 2. aphor. 36. & 37.* εἰ ἐν τὰ σώματα ἔχοντες, purgationes difficulter fiant? Nimirum in his verum καθάρσεις indicans demonstrari nequit.

XIV. Quodsi vero purgationis indicans ad-



adfuerit, nec tum illicò ea instituenda, sed dispiciendum prius est, num æger aptus ad purgationem sit, nec ne? neque n. sufficit, humores pravos adesse, verùm insuper requiritur, num vires validum istiusmodi remedium sustinere valeant, cùm talis evacuatio, uti benè *Ant.* ipsa-  
q; experientia monet, sine insigni totius commotione fieri nequeat. Hinc ipse *Galen. l. 9. m. m. c. 10*: ubi vires imbecilles sunt, & corruptela humorum adest, vitiosi succi educationem eam, quam Græci ἐπίκρασιν vocant, nobis commendat. Huc pertinet etiam illud *Hippocr. ἀρχογῶν τῶν νῦσων ὡς τι δοκέη κινεῖν, κίνει: ἀκματσῶν ἢ ἡσυχίῳ ἔχειν βέλτιόν ἐστιν*. In principio n. vires adhuc sibi constant, progressu vero morbi plurimùm decipiuntur.

XV. Quod infantes, qui adhuc nutricis lacte utuntur, concernit, cautè hîc procedendum est, optimèque faciemus, ubi consilium *Hippocr. 6. Epidem. sect. 5.* ritè observaverimus; ita v. ille: Γυνή, αἷξ, ἐλατῆριον ἢ σικοῦν ἄγριον βεβροκῆαι, καὶ παιδίοισι καὶ θασσις. Nempè nutrix purgari, & quidem per benigniora debet.

XVI. Non parùm quoque tribuendum est consuetudini, & naturæ proprietati ejus, qui

qui purgari debet; cautius n. non assueti sunt purgandi: sic quidam mitioribus etiam medicamentis facilius copiosiusque purgantur, alios v. fortiora vix movent. Eligenda quoque est medicamenti materia, nam omnes non omnia ferunt. In illis denique, qui facile lipothymia corripuntur, magna quoad purgationem εὐλαβεία & circumspectione opus est.

XVII. Cæterum quando *Hipp.* πέποινα, μῶμα, purgante medicamento educenda esse docet, μηδὲ ἐν ἀρχῇσιν, ὡς μὴ ὀργᾶ, diversimod. oraculum hoc auctores interpretantur; illi tamen proximè ad rem accedere videntur, qui *Hipp.* hic non de morbis aliis promiscuè, sed solum de febribus putridis loqui arbitrantur. In omnibus tamen confert morbis, ut corpora quæ purgari debent, prius εὐροα reddantur.

XIIX. Vulgus equidem eas duntaxat purgationes perfectas & meliores existimat, quæ copiosè evacuant; sed malè: τὰ γὰρ χωρέοντα, teste *Coo.* μὴ τῷ πλήθει τεκμαίρεσθαι, ἀλλ' ὡς ἂν χωρεῖ οἷα δὴ, καὶ φέρεϊ εὐφέρως. Aliud præterea signum memorat *Hippocrat. 4. aphor. 19.* *σιτίμ* scilicet haut quamlibet, sed quæ ob evacuationem accidat,



EXERCITATIO XX.  
ET ULTIMA.

DE

MATERIA MEDICA.

**Q**uemadmodum artifex cum detrimento suo operatur, ubi instrumentorum naturam atque conditiones ignorat, ita quoque Medicus per mortis aliorum experimenta facit, etiamsi, quid agendum sit, optimè cognitum habeat, nisi simul quoque, quâ materiâ, tanquam convenienti organo, talis operatio expedienda omniaq; in effectum ritè deducenda sint, determinare sciat.

II. Triplex verò hîc auxiliorum materia occurrit, eandemque res *Diatetica*, *Pharmaceutica*, & *Chirurgica* nob. offerunt, cum omnia in nem, ut sanitas vel conservetur vel restituatur. Pertinet huc illa distinctio, quam nobis suppeditat

ditat *Galen. l. 1. de aliment. facult. ubi aliud auxili-  
um, aliud materiam auxilii* esse docet.

III. De *Dietâ* superius diximus, ex quibus etiam constare poterit, non errare illos, qui plurimum ipsi tribuunt; unde ipse Galenus cis qui diætam observare nolunt, nulla præscribenda esse medicamenta scribit. Cæterum ut ne cramben bis coctam apponamus, hîc solummodò hoc ponimus, alimentum esse *ἀυξητικὸν τῆς τροφῆς*, indeque in proprie dicto alimento nihil aliud, quàm ut à corpore mutatum, assimiletur, requiri, nisi forte simul dum coquitur, insigni quadam operandi qualitate corpus nostrum alteret, quod tunc *φάρμακον τροφῶδες, καὶ τροφή φαρμακῶδης* vocari solet.

IV. *Medicamentum* quod attinet, illud Græcis *φάρμακον* vocabulo exprimitur, quod non solum propriè dictum medicamentum, sed etiam venenum & pigmentum denotat. Est vero medicamentum, autore *Galeno* id omne, quod naturam nostram alterare potest. Naturam *nostram* dico: non enim nisi in comparatione ad corpus humanum considerari debet, prout docet Id. *Galen. l. 1. simplic. c. 38.*

V: Sunt



V. Sunt, qui occultas medicamento-  
rum facultates prorsus negantes, non nisi ma-  
nifestas agnoscunt, atque ab evidentibus qua-  
litatibus omnes operationes deducere co-  
nantur, alii vero juxta philosophos *Scepticos*  
& Medicos *Empiricos*, essentiam facultatum  
penitus occultam statuunt, cum quorum opi-  
nione Paracelsi placitum ex parte coincidit,  
rejeclis qualitatib<sup>9</sup> manifestis, quas relollaceas  
& steriles signaturas appellat, vires consubstan-  
tiales excogitavit. Nobis verò mediâ placet  
re viâ, & tam occultas, quàm manifestas medi-  
camentorum vires admittere.

VI. Manifestas qualitatum operationes  
Experientia cum Ratione determinat, at oc-  
cultas solâ experienciâ cognoscimus: *Hermetici*  
alium indagandi modum commendant, dum  
vel per *externas*, vel per *internas* rerum *signatu-  
as* operandi facultates rimantur; internas qui-  
em non rejicimus, siquidem Dogmaticorum  
assertio inde non corrui, sed tantùm ulterius  
eclaratur, quoniam tenuitas illa & crassities  
materiæ melius determinatur; externas vero  
quod attinet, parum inde veri elici posse arbi-  
ramur.

VII. Medicamenta quò simpliciora eò plerumque meliora sunt ; interim cum indicans sæpè multiplex occurrat, non semper simplicia sufficiunt. Accedunt insuper aliæ causæ, tam respectu ipsius medicamenti, quàm ægri & affectæ parti s, quæ compositionis medicamentorum usum & necessitatem abundè demonstrant. Quicquid verò huius sit, parum inde subsidii sperare possunt illi, qui omni confundendo saccharo aloen, balsamo asæfetidam, pilulas electuariis eorumq; decoctiones potionibus permiscunt, eò se doctiores indicatum iri credentes, quo plura simplicia & composita accumulunt, nulloq; ingredientium examine instituto, in perniciem ægri vel saltem ejus incommodum, dosin aut trancendunt, aut plane non attingunt.

VIII. Medicamenta *chymica* multatam quidem laudem merentur, ob multas utilitates, quas tam ad prælervationem, quàm curationem morborum adferunt. Propterea tamen *Galenica* non sunt negligenda, quin potius passu ambulent, & utrisque suis tribuatur honor; quod quidem illi facere non videntur, qui *Chymica* sine modo adhibentes vulgaria re-



media contemnunt & vel etiam ἐν ψύλλῃς δὴξας  
θεὸς ἐπικαίλῃσι.

IX. Medicamentorum inscriptiones si quis quandoque cum re ipsa contulerit, inveniet, plus in rubricâ, quàm in nigro, & plus in fronte, quàm recessu esse: sæpè tamen talia placent, quia veluti nova & inaudita commendantur, interim qui facilè credit, facilè decipitur.

X. Equidem plumbeis telis parùm efficiet Medicus, sed neque *arcana* illa, illa *secreta*, neglectis universalibus, laudabilem operam præstabunt; ut benè & ad rem prorsus ille dixerit, qui cuidam secreta petenti, dixit: *Disce meam methodum, & habebis mea secreta.*

XI. Quamvis facilè largiamur, licere etiam Medico componere medicamenta, neque ignoremus, plurimis seculis eundem morem obtinuisse, atque etiam nunc apud non paucos obtinere; non est tamen, ut propterea publicas officinas pharmaceuticas suâ quis defraudet laude, vel eas planè improbet, cum istarum manifesta sit utilitas, dumodè rectè & honeste omnia ut fiant, curetur. Ipsam insuper artem

Medicam si quis consideret , facile subscribere  
*Galeno. quando Artis , inquit magnitudo vitam*  
*superat humanam, adeò ut ab homine quantumvis*  
*diligenti atq; industrio, nequeat & inchoari & ad*  
*finem perducì.*

XII. Dari Medicamenta specifica , & *κεφαλικά* vel *καρδιακά*  
 quæ simpliciter sint vel *κεφαλικά* vel *καρδιακά*  
 multi negant, cùm nihil horum ita uni corpore  
 ris parti deditum sit , ut in aliis nihil valeat  
 Multoque minus insuper quicquam usque  
 adeò in unam aliquam partem valere , quàm  
 ad omnes ejus affectus idoneum sit experientia  
 constare videatur. Sed & eadem nos experientia  
 edocet, multa esse medicamenta, quæ certis  
 & determinatis partibus indefinitâ proprietate  
 vim inferunt, & perniciosa existunt , ut vel  
 contrario sensu firmissime inferatur , esse  
 itidem multa medicamenta, quæ certis, & de  
 terminatis partibus prosunt , operumque egregie  
 ferant.

XIII. Fuerunt olim, suntque etiam nunc  
 plurimi, qui ad popularia & domi nata remedia  
 universam reducere medicinam tentarunt. Idem  
*Plinius* quoque l. 24. c. 1. commemorat , medici  
 cosque reprehendit, qui Indos, Æthiopes, Arabes



es, in auxilium vocant. Verùm licet non parvi  
onderit sint, quæ ad firmandam hanc senten-  
am afferri consueverunt ; nihilominus ta-  
men, ut alia nunc sileamus, ipsa experientia  
stendit, nos aromatibus, vinoque aliundè  
dvectis, commodè & sine noxa uti. Medi-  
amenta porro non sunt similia naturæ, sed  
uodammodo adversa, quoniam, ceu superius  
ictum ex *Galeno* est, eam alterant; hinc sanè  
ecessitas requirit, ut Medicus iis utatur, quæ, id  
ræstare quàm commodissimè possunt, adeo-  
ue nisi domi invenire talia detur, aliunde re-  
etatur. Cæterùm si pari cum utilitate fieri id.  
ueat, semper domestica peregrinis præmitten-  
a esse, ultrò largimur.

XIV. Cùm in omnibus morbis maximè  
rium ratio habenda veniat, mirum esse non  
ebet, si æger eas sibi conservari postulet; num-  
erò id frequenti cardiacorum remediorum  
su obtineri queat, meritò dubitatur; neque  
ordialia & roborantia, qualia præcipue vulgus  
ostulat, prodesse possunt, nisi ad diversitatem  
ausarum, unde virium imbecillitas dependet,  
udenti consilio respiciatur; quin immo res  
sa loquitur id unde virium refectionem hi  
tales.



tales sperant , viribus non rarò plurimùm nocere.

XV. Quamvis à ratione fortè alienum non est, posse dari Medicinam ita temperatam, ut & calidi innati, seu spiritus insiti , quem alii *Archeum* vocare amant , exorbitantiam & ἐγασμὸν coerceat, atque interim hunc foveat, taleque radicalis humidi in nobis moderamentum constituat , ut non tam facili negotio vel dissipetur vel consumatur; adeoque flammula hæc vitalis extinguatur , & licet verum insuper sit quod *Celsus* l. 3. c. 1. scribit *repugnante Natura nihil artem proficere*, nihilominus tamen nomen dum video , quâ ratione quis exinde *Medicinam* dari *Universalem* demonstrare velit, videri possit. Ut jam non dicamus , *anatomicam illam qualitatuum elementarium temperiem*, in cuius perfectâ cognitione omnis cuiuspiam species residet, præterquam quod *Platoni* non immerito humanum separare captum videatur , præterquam subsidii hîc suppeditare posse , siquidem corporis nostri constitutio istiusmodi *anatomicam* & in æquilibrio positam tam primariorum quam secundarum qualitatuum temperie cum respuit potius, quàm ut valde desideret,



Med.  
plurimum  
alienum  
inratam  
quoniam  
antiam  
ne foveat  
oderamen  
o vel diffi  
mula hanc  
superfic  
te Nara  
men non  
de Medici  
velit ve  
anatomia  
em, in cu  
ipiam spe  
n immeri  
atur, pa  
liquidem  
odi anati  
primarum  
emperci  
val.



